

稗

唐
宋
元
明
清

蔡晉伯題



上海图书馆藏书



A541 212 0013 7501B

唐宋元
明清
稗史秘笈序

莊病骸

夕陽西下涼風倏來三五同志藉樹蔭以坐舉羽扇以拂暑雜譚古今瑣事以取樂則手舞足蹈眉飛色揚倦者振睡者醒脫以經史爲質難則昏昏低頭矣小說家言之能入人固以其切于人事乎海通以遠西國說部譯者踵出作者亦蜂趨厥風益盛顧善者未數數見也舊有之書又復司空見慣三尺童子能抵掌而談其詳聞者習而厭焉則稗史之求佳本誠不可緩也夫稗史之佳孰能如舊有之書哉仙佛鬼怪兒女英雄下而至于盜賊奸僞靡不一一曲傳之若曰是人間世不可無之事也應爲人間世不可無之文寓言之不能盡也重言之重言之不能賅也卮言之文至卮言其文至矣不觀夫劇乎忠臣孝子之孤憤演者盡工觀者下淚兒女英雄之纏綿悱惻演者周至觀者動容其衣冠固優孟也而不見其僞焉甚矣入人之深也稗史何獨不然假其情節屈折文字雋快者則必足以起人興顧如此者皇皇焉求之今世不可得也不得已而求之古古之文其爲人所易見者固已盡見矣又烏容謀且亦習聞而厭之矣不得已而求之秘秘者人所不

易見者也不易見而忽見之則必如得奇珍古寶如枯腹之得酒如貧子之得金其爲世重夫寧待言其裨於世固不疑而知也余嗜小說家言者也有渴于是書者猶夫人之情也安可以不言

民國六年夏月蛟川莊病骸序

唐宋元明清 稗史秘笈目錄

唐公九諫

長嶽記

保和殿曲晏記

大清樓侍宴記

延福宮曲晏記

乾淳御教記

乾淳歲時記

燕射記

洪武聖政記

北平錄

賈慶西歌詞

明史雜詠

甌江逸志

靖逆記

梟林小史

李自成張獻忠軼事

李自成軼

賜書樓舊藏本

宋張湜

宋蔡京

宋李邦彥

宋李邦彥

元周密

元周密

元周密

明宋濂

明闕名

明木皮散人

清柴伯廉

清勞宜齋

清蘭篻外史

清闕名


醒謝

闕名


紀張七先生事
紀兩杯茶敘匪事

闕名

稗史秘笈目錄



稗史秘笈目錄



唐宋元
稗史秘笈

姜俠魂輯

剪松閣藏本

賜書樓舊藏鈔本

梁公九諫

按唐中宗皇帝。姓李。諱哲。高宗皇帝之子。母曰則天順聖皇后。姓武氏。先是高宗在位歲久。多苦風疾。不能視朝。有司奏事。皆委則天詳決。則天素多計智。兼涉文史。自此內輔國政。威勢與帝無異。當時稱二聖。高宗崩。中宗卽位。未及一月。爲裴炎所譖。廢爲廬陵王。貶均州。明年。又徙房州。則天女主。冠冕法服。臨御以治天下。改唐稱周二十年。于是悉封諸武爲王。毅唐之子孫殆盡。堅欲傳位與姪武三思。當時之時。諸武之勢。焰如烈火。李唐之族。冷如寒灰。何心不隨。何力可回。且中宗豈有復返者乎。且不死爲幸。爾賴我梁公。貞社稷之臣。捨死不顧。直言極諫。屢以母子性天之道爲言。使則天感悟。遂遣使往房州。召還立爲皇太子。故中宗得復帝位。而唐祚不復者。皆梁公之力也。昔呂溫頌曰。取日廣淵。洗光咸池。潛授五龍。夾日以華。忠心與日月同明。本傳與天地同其久。然而世有梁公九諫詞者。卽趙歧所謂外堂也。傳述既久。舊本多謬。與本傳互有同異。觀者不能無憾。今三復參攷。訂其訛而補其闕。不愆不忘。率由舊章。倘博古君子。別求明本而正諸。不亦宜乎。

第一諫 則天皇帝臨御。廢東宮太子爲廬陵王。遂貶房州千里。却立武三思爲儲君。一日會朝。問諸卿等

意是如何。諸大臣盡皆拜舞謝勅。山呼萬歲。皆稱賀得人矣。惟有宰相狄公不拜。則天問狄相曰。策立武三思之事。諸大臣盡皆拜舞謝勅。惟有卿不拜。朕想卿必有異議。縱有異議。豈勝得殿前八十二員大臣。狄相奏曰。不然。若得殿前八十二員大臣比並事。當不可觀。這八十二員大臣見解。似鶴鳩抱卵。豈知鸞鳳之志。螻蟻攻土。豈知海潮之朝。磨磚作鏡。焉可鑑容。鑄錫爲刀。豈堪琢玉。狐狸似犬。愚者養之。苦蕒似瓜。愚者食之。臣觀諸臣。何以異于此。則天問曰。問卿策立之事。卿如何將此比並。諸大臣狄相奏曰。且如紫微之殿。不是陛下所居之殿。陛下是武家宗祖。唐家國后。緣太子年幼。權請陛下主國。太子長成。社稷合歸唐家枝葉。今諸大臣。未有一人勸陛下以母而立子。却賀陛下以姑而立姪。是大臣所見不明。陛下所用非賢。故以此語比並。諸大臣據愚臣見解。能斬武三思。仰祭奉天。乾陵大帝。東宮之位。合立廬陵王爲儲君。若立武三思。終當不得。

第二諫 又一日。則天受朝。狄相奏曰。太子何罪。遠貶房州千里。圖立姑之位。臣上觀乾象。且無異主之文。中察人心。未厭唐之德。則天謂狄相曰。卿是一箇人。爭知天下人心。狄相奏曰。昔陛下在長安之日。有北方單于寇擾唐邑。緣何先帝存日。不與交戰。彼時兵寡。故不與敵。遂將兩庫金帛。命梁王武三思招召軍士。千萬與單于戰。前後十餘月。招召人數。不滿千百。及廬陵王伐之不經旬日。計兵千萬。單于探得不戰自退。以愚臣見解。度量天下人心。未厭唐之意。東宮之位。合立廬陵王爲儲君。武三思終當不得。

第三諫 又一日。則天問狄相曰。卿云上觀乾象。且無異主之文。朕自爲君以來。有什麼聖明。有什麼無道。

狄相奏曰。陛下爲君以來。聖明似不少。無道亦絕多。陛下在長安之日。有龍鳳來儀。麒麟來現。岱州進表。有八百里地方麥麩金。長安元年十二月。上旬。花發。駕幸東都。有鳳現。回訖。進五色龜。日南進二角犀。藕州進騁獸。西方佛足現。光宅二年。洛河泛漲。漂出一石函。函內有鐵札。篆書金字云。武后登萬萬年。則天問曰。上觀乾象。且無異主之文。惟復是朕登萬萬年。惟復是武家子孫登萬萬年。狄相奏曰。臣聞古人有言。有聞必先有兆。必應天地。現相陰陽。泄機在乎人。自應之耳。愚臣不敏。試論年代應萬萬之數。陛下爲判。陛下在長安之日。改元嗣聖元年。又改垂拱元年。又改口口元年。又改永昌元年。又改天授元年。又改如意元年。又改長壽元年。又改光宅元年。又改延載元年。東都有五鳳現。又改五鳳元年。又改萬歲通天元。又改神功元年。又改聖歷元年。又改久視元年。西方佛足現。又改大足元年。又改萬歲登封元年。又改長安元年。以愚臣見解。陛下卽位以來。改元之中。有兩箇萬歲元年。暗合萬萬年之數。足矣。定東宮之位。非廬陵王不可。立武三思的然不當。

第四諫 則天問狄曰。卿云朕自爲君以來。聖明亦不少。前言亦備矣。無道亦絕多。試與君說之。狄相奏曰。太子何罪。遠貶房州千里。擬立武三思爲儲君。陛下是女主。爭斷得三從五逆。則天問曰。何名三從五逆。狄相奏曰。三從者。在家從父。出嫁從夫。夫殃從子。五逆者。在家不從父。出嫁不從夫。夫殃不從子。是三逆。陛下親兒。遠貶房州。是四逆。立姪爲儲君。是五逆。愚臣直奏。輕觸龍顏。東宮之位。非廬陵王不可。立武三思。終當不得。

第五諫 則天聞狄相所奏。卽命武士撮出。放大臣散。遂凭玉案。略睡少時。乃得一夢。見湘輪水上流。車向壁上行。忽然驚覺。次日受朝。問門下侍郎張易之。朕昨日略凭玉案。略睡少時。忽得一夢。見湘輪水上流。車向壁上行。此夢如何。張易之曰。助陛下好夢。輪者周流不息。乾道也。上應乎天。爲陛下治世之象。水者陰道。也是陛下之命。上流者大吉之兆。永保千秋。又夢車向壁上行。緣陛下聖朝蓋代。四夷來降。八表來朝。天下貢獻至多。道路隘阼。感這車向壁上行。則天大悅。顏動龍顏。賜易之珠金重寶。諸臣山呼萬歲。惟有狄相不拜。則天乃問狄相曰。卿何不拜。朕所夢家事。莫不見否。狄相奏曰。臣只見陛下。邦國事。不見陛下家事。陛下所夢湘輪水上流。車向壁上行。張易之圓夢云。輪是陛下身。水是陛下命。乃曲媚取容。苟圖金寶。臣圓此夢。于國不詳。夫水者陰道也。水望低流。本性也。車同軌公道也。今水不望下而望上。流是陰氣上盛而逆。其天也。車向壁上行。是無道也。陛下親兒。遠貶房州。擬立武三思爲儲君。此實爲無道也。東宮之位。非廬陵王不可。立武三思。決然不得。

第六諫 則天睡至三更。又得一夢。夢與大羅天女對手着棋。局中有子。旋被打將。頓輸天女。忽然驚覺。來日受朝。問諸大臣。其夢如何。狄相奏曰。臣圓此夢。于國不詳。陛下夢與大羅天女對手着棋。局中有子。旋被打將。頻輸天女。蓋謂局中有子。不得其位。旋被打將。失其所主。今太子廬陵王。貶房州千里。是謂局中有子。不得其位。遂感此夢。臣願東宮之位。速立廬陵王爲儲君。若立武三思。終當不得。

第七諫 則天不豫。狄相入閣門問疾。則天曰。我夢鴛鴦雙翅折。其夢如何。狄相奏曰。武者陛下之姓。相王

廬陵王乃陛下之雙翅也。今皆遠貶，遂感此夢。時武三思在傍，怒發赤色，則天令武士撮出朝門，乃問侍臣曰：「狄相與卿等意何如？」張易之奏曰：「狄相家貧，若多賜金寶，便可策立武三思爲儲君，則天遂賞色羅十車，珠金兩牀，御衣百箱，排于殿前，令武士召狄相入朝，則天曰：『爲子逆父，爲臣逆君，祇緣策立之事，卿每偏執苦諫于朕，朕甚恥之。若不改見前解，只這殿前是卿死處。』若改見前解，取此賞物。」狄相奏曰：「不然。憶昔太宗大帝在日，經綸四海，勇滅大隋，收王世充，戮竇建德，八十二處草賊，鞍不離馬背，甲不離將身，親冒矢石，以定天下，皆爲後世子孫，可不爲李家枝葉？臣意宏道元命，先帝臨崩之夜，以愛子託陛下，以社稷囑付大臣，臣今受此賞物，却立外姓，是臣賣却唐家社稷，臣往九泉之下，無面可見高宗大帝，臣惟守直而死，不可邪佞而生東宮之位，合立廬陵王爲儲君。若立武三思，的然不當。」

第八諫 則天令武士于殿前置油鍋，宣狄相入朝，則天問狄相曰：「若改見前解，則與卿長保富貴，若不改見前解，這殿前油鍋是卿死處。」狄相奏曰：「臣當年邁，佐陛下邦國，不得策立之事，便合依從，不合違勅。據臣罪愆，合當萬死，容臣徵古，死亦不遲，則天曰：「徵古之事如何？」狄相奏曰：「徵古者，以太子天下根，本以搖而天下皆動，陛下以一心之欲，輕天下之動，哉！且姑之與姪，孰近子之與母，更親寧？學寒蟬，潔飢不學螳螂，戲飽乍立廬陵王而死，不立武三思而生，陛下長如今日，則萬事絕言，若也萬歲之後，將武三思爲儲君，只將武家宗祖于太廟享祭，自古宗廟無耐姑之禮，陛下有何干預？若立廬陵王爲儲君，萬歲之後，四時祭奠，無虧如此姑之與姪，孰近子之與母，孰親？東宮之位，合廬陵王爲儲君，立武三思終當不得復前奏曰：「臣旣不

得策立太子。卽以死報先帝。願陛下以老臣之言熟思之。以萬世無疆之計。言訖。褰衣大步。欲跳入油鍋。則天連聲叫武士執其裾曰。朕從今日起。依卿所奏。

第九諫 則天因此感悟。遂遣中使往房州。密召廬陵王爲嗣。廬陵王引咎辭謝。久處房陵。勝得民情。舉留不放。遂佯爲放鷹。隊仗出城。至於南山。矯衣而入。坐於中宮。外人無有知者。又遣黃門宣狄相入朝。賜坐於簾外。則天謂曰。我欲立武三思。羣臣無有異議者。唯卿不從。幾欲置卿於死地。前日見卿所奏。朕心豁然。方見利害。已依卿所奏。遣使已召廬陵。見到中宮。與卿相見。命左右塞簾。命廬陵王拜公。見太子。謂二十餘年不見太子動靜。雖殺身成仁。不審大位果能正否。及見太子。嗚咽流涕。殞絕於地。則天命左右起之。以手拊公背曰。豈朕之臣。乃社稷之臣也。已而顧謂太子曰。今日國老與汝作天子。狄相奏曰。未可。陛下當年貶太子往房州。天下人知。今太子歸朝。宰相尙有不知者。還宮無儀。知是誰立。則天曰。據國老所見。如何得立。狄相奏曰。伏請太子往龍門。望降召發親王宗正。相率百官。備禮以迎。卽可策立。則天曰。依卿所奏。廬陵王因狄相策立。爲唐家第四帝。後廟號中宗。

良嶽記

宋 張溇

徽宗登極之初。景嗣未廣。有方士言。京城東北隅地協堪輿。但形勢稍下。儻少增高之。則皇嗣繁衍矣。上遂命土培其岡阜。使稍加于舊矣。而果有多男之應。自後海內又安。朝廷無事。上頗留意苑囿。政和間。遂卽其地。大興工役。築山號壽山良嶽。命宦者梁師成專董其事。時有朱勛者。取瀾中珍異花木竹石以進。號曰花

石綱專置應奉局於平江。所費動以億萬計。調民搜巖。剔數幽隱。不置。一花一木。曾經黃封。護視稍不謹。則加之以罪。斲山輦石。雖江湖不測之淵。力不可致者。百計以出之。至名曰神連舟楫相繼。日夜不絕。廣濟四指揮。盡以充輓。猶不給。時東南監司郡守二廣。市舶率有應奉。又有不待旨。但進物至都計會官者。以獻者。大率靈璧太湖諸石。二澗奇竹異花。登萊文石。湖湘文竹。四川佳果異木之屬。皆越海度江。鑿城郭而至。後上亦知其擾。稍加禁戢。獨許朱勳及蔡攸入貢。竭府庫之積。聚萃天下之伎藝。凡六載而始成。亦呼爲萬歲山。奇花美木珍禽異獸。莫不畢集。飛樓傑觀。雄偉麗極于此矣。越十年。金人犯闕。大雪盈尺。詔令民任便斫伐爲薪。是日百姓奔往。無慮十萬人。臺榭宮室悉皆拆毀。官不能禁也。予頃讀國史及諸傳記。得其始末如此。每恨其他不得而詳。後得徽宗御製記文。及蜀僧祖秀所作華陽宮記讀之。所謂壽山艮嶽者。森然在目也。因各摭其略。以備遺忘云。御製艮嶽記略曰。於是按圖度地。斥徒僱工。累土積石。設洞庭湖口。絲谿仇池之深淵。與泗濱林慮。靈璧芙蓉之諸山。最環奇特異。瑤琨之石。卽姑蘇武林明越之壤。荆楚江湘南粵之野。移枇杷橙柚。橘柑栝荔。枝之木。金蛾玉羞。虎耳鳳尾。素馨渠那。茉莉含笑之草。不以土地之殊。風氣之異。悉生成長。養于雕闌曲檻。而穿石出罅。岡連阜屬。東西相望。前後相續。左山而右水。而傍隴連綿。而彌滿吞山。懷谷其東。則高口立。其下植梅。以萬數。綠萼承。跌芬芳。馥郁結構。山根號綠萼華堂。又旁有承嵐崑雲之亭。有屋內方外圓。如半月。是名書館。又有八仙館。屋圓如規。又有紫石之巖。祈眞之磴。攬秀之軒。龍吟之堂。其南則壽山嵯峨。兩峯竝峙。列障如屏。瀑布下入鴈池。池水清泚。漣漪鳧鴈浮泳。水面棲息。石

間不可勝計其上亭曰唯唯北直絳霄樓峯巒崛起千疊萬複不知其幾十里而方廣兼數十里其西則參
朮杞菊黃精芍藥被山彌塢中號藥寮又禾麻菽麥黍豆秬秠築室若農家故名西莊上有亭曰巢雲高出
峯岫下視羣領若在掌上自南徂北行闕脊兩石間綿亘數里與東山相望水出口噴薄飛注如獸面名
之曰由龍淵濯龍峽蟠秀練光跨雲羅漢巖又西半山間樓曰倚翠青松蔽密布于前後號萬松嶺上下
設兩關出關下平地有大方沼中有兩洲東爲蘆渚亭曰浮陽西爲梅渚亭曰雲浪沼水西流爲鳳池東出
爲研池中分二館東曰流碧西曰環山館有閣曰巢鳳堂曰三秀以奉九華玉真安妃聖像東池後結棟山
下曰揮雲廳復由磴道盤行縈曲捫石而上既而山絕路隔繼之以木棧倚石排空周環曲折有蜀道之難
躋攀至介亭此最高于諸山前列巨石凡三丈許號排衝巧怪巖藤蘿蔓衍若龍若鳳不可殫窮麓雲半
山居右極目蕭森居左北俯景龍江長波遠岸彌十餘里其上流注山間西行潺湲爲漱玉軒又行石間爲
煉丹亭凝觀圖山亭下視水際見高陽酒肆清斯閣北岸萬竹蒼翠鬱仰不見天有勝雲菴躡雲臺消閒
館飛岑亭無雜花異木四面皆竹也又支流爲山莊爲回溪自山墜石罅塞條下平陸中立而四顧則巖峽
洞穴亭閣樓觀喬木茂草或高或下或遠或近一出一入一榮一彫四面周匝徘徊而仰顧若在重山大壑
深谷幽巖之底不知京邑空曠坦蕩而平夷也又不知乳郭寰會紛萃而慎委也真天造地設神謀化力非
人所能爲者此舉其梗概焉祖秀華陽宮記曰政和初天子命作壽山長嶽於禁城之東陝詔闔人董其役
舟以載石與以輦土驅散軍萬人築岡阜高十餘仞增以太湖靈壁之石雄拔峭峙功奪天造石皆激怒舐

觸若踉若齧。牙角口鼻首尾。口距千態。萬狀。殫奇。盡怪。輔以礞木。癭藤。雜以黃楊。對青竹。陰其上。又隨其幹。旋之勢。斬石開徑。憑險則設磴。道飛空則架棧。閣仍于絕頂。增高樹以冠之。搜遠方珍材。盡天下蠹工。絕伎。而經始焉。山之上下。致四方珍禽奇獸。動以億計。猶以爲未也。鑿池爲溪澗。壘石爲隄捍。任其石之怪。不加斧鑿。因其餘。上積而爲山。山骨暴露。露峯稜如削。飄然有雲姿鶴態。曰飛來峯。高於雉堞。翻若長鯨。腰徑百尺。植梅萬本。曰梅嶺。接其餘。岡種丹杏。鴨脚曰杏岫。又增土壘。石間留隙穴。以栽黃楊。曰黃楊巖。築修岡。以植丁香。積石其間。從而設險。曰丁嶂。又得賴石。任其自然。增而成山。以椒蘭雜植于其下。曰椒崖。接水之末。增土爲大陂。從東南側。柏枝幹柔密。揉之不斷。葉葉爲幢。蓋鸞鶴蛟龍之狀。動以萬數。曰龍柏。或循壽山而西。移竹成林。復開小徑。至百數步。竹有同本而異幹者。不可紀極。皆四方珍貢。又雜以對青竹。十居入九。曰斑竹。麓又得紫石。滑淨如削。面徑數仞。因而爲山。貼山車立。山陰置木橫。絕頂開深池。車駕臨幸。則驅水工登其頂。開闢注水而爲瀑布。曰紫石壁。又名瀑布屏。從長嶽之麓。琢石爲梯。石皆溫潤。淨滑曰朝真磴。又于洲上植芳木。以海棠冠之。曰海棠川。壽山之西。別治園囿。曰藥寮。其宮室臺榭。卓然著聞者。曰瓊津殿。降霄樓。綠華堂。築臺高千仞。周覽都城。近若指顧。造碧虛洞天。萬山環之。開三洞。爲品字門。以通前後苑。建八閣。亭于其中。中央檼椽窗楹。皆以瑪瑙石間之。其地琢爲龍礎。導景龍江。東出安遠門。以備龍舟行幸。東西楹景二園。西則湖舟造景龍門。以幸曲江池亭。復自瀟湘江亭。開開通金波門北。幸擷口。口提外築壘衛之。瀨水蒔絳桃海棠芙蓉垂楊。客無隙地。又于舊地作野店。籠治農圃。開東西二關。夾懸巖磴。道隘迫。石多峯稜。過

者。膽戰股栗。凡自苑中登羣峯所出入者。此二關而已。又爲勝遊六七日。濯龍淵。漾春波。桃花閨。鴈池。迷真洞。其餘勝跡。不可殫紀。工已落成。上名之曰華陽宮。然華陽大抵衆山環列于其中。得平蕪數十頃。以治園圃。以闢宮門。於西入徑。廣于馳道。左右大石皆林立。僅百餘株。以神運昭功。敷萬壽峯而名之。獨神運峯。廣百圍。高六仞。錦爵帶固。侯居道之中。東石爲亭。以庇之高。五十尺。御製記文。親書。建三丈碑。附于石之東。南陬。其餘石。或若羣臣入侍帷幄。正容凜若。不可犯。或戰栗若敬天威。或奮然而趨。又若僂僂趨進。其怪狀。餘態。娛人者多矣。上無悅之。悉與賜號。守吏以奎章畫列于石之陽。其他軒榭庭徑。各有巨石棋列。星布。並與賜名。惟神運峯前巨石。以金飾其字。餘皆青黛而已。此所以第其甲乙者。乃命羣峯。其略曰。朝日昇龍。望雲坐龍。矯首玉龍。萬壽老松。棲霞捫參。銜日吐月。排雲衝斗。雷門月窟。螭蟠坐獅。推青凝碧。金鰲玉龜。壘翠獨秀。棲煙蟬雲。風門雷穴。玉秀玉竇。銳雲巢鳳。雕琢渾成。登封日觀。蓬瀛須彌。彌老人壽星。卿雲瑞靄。溜玉噴玉。蘊玉琢玉。積玉壘玉。叢秀而在于渚者。曰翔麟。立于渚者。曰舞仙。獨踞洲中者。曰玉麒麟。冠于壽山者。曰南屏小峯。而附于池上者。曰伏犀。怒猊。儀鳳。鳥龍。立于沃泉者。曰留雲宿霧。又爲巖煙谷。滴翠巖。磚雲屏。積雪嶺。其間黃石。仆于亭際者。曰抱犢。天門。又有大石二枚。配神運峯。異其居。以壓衆石。作亭庇之。寘于寰春堂者。曰玉京。獨秀。太平巖。寘于綠萼華堂者。曰卿雲。萬態。奇峯。括天下之美。藏古今之勝。于斯盡矣。靖康元年閏十一月。大梁陷。都人相與排牆。避虜于壽山。長嶽之巔。時大雪新霽。丘壑林塘。傑若畫本。凡天下之美。古今之勝。在焉。祖秀周覽。累日。咨嗟驚愕。信天下之傑觀。而天造有所未盡也。明年春。復遊華陽宮。而民廢。

之矣。

保和殿曲宴記

宋 蔡京

宣和元年九月十二日。皇帝召臣蔡京、臣王黼、臣燕王僕、臣楚王似、臣嘉玉、臣楷、臣嗣、臣漢、臣王仲理、臣童貫、臣馮熙載、臣蔡攸、臣蔡條、臣蔡侑、宴保和殿。由東曲水朝於玉華殿。上步西曲水。循茶蘼架。至大甯閣。登層巒。凌霄窻。鳳垂雲亭。景物滿前。林木蔽蔭。徧歷奇勝。始至保和殿。殿三楹。楹七十架。兩挾閣。無綵繪。飾落成於八月。而高竹崇檜。已森然。鬱中楹置御榻。東西二間。列寶玩與古鼎彝玉器。左挾閣曰妙有。設古今儒書。子史。楮墨名畫。右挾閣曰宣口。設道家金櫃玉笈之書。與神霄諸天隱文。上步前行。登稽古閣。有宣王石鼓。歷邃古。尙古鑑。古作古傳。古祕古諸閣。藏祖宗訓誨。與夏商周尊彝鼎鬲。爵斝。白雲盤盃。漢晉隋唐書畫。多不知款識。而駭見。上親指示。爲言其概。抵玉林軒。過宣和殿。列岫軒。天真閣。凝得殿。殿之東。崇石峭壁。高百尺。林壑茂密。倍於昔。見過翠翹閣。諸處賜茶。至全真閣。上御手注湯。擊出乳花。盈面。臣等惶恐。前曰。陛下略君臣夷等。爲臣下烹調。震惕惶怖。豈敢啜之。上曰。可少休息。乃出瑤林殿中。賜馮皓傳旨。留題殿壁。諭臣筆墨已具。乃題曰。瓊瑤錯亂。乃成林檎。竹交加。午有陰恩。許塵凡時。縱步不知身。在五雲深頃之。就坐。女童作樂。坐閒。賜蒟子黃橙金柑。相間布列。前後命師文浩。剖撥分賜酒五行。始休許。至玉真軒。軒在保和西南。廡卽安妃妝閣。命使傳旨曰。雅宴酒酬添逸興。玉真軒內看安妃。詔臣廢補成篇。臣卽題曰。保和新殿麗秋暉。詔許塵凡到綺闌。方是時。人自謂得見妃矣。旣而但見畫像挂西垣。臣卽以詩謝奏曰。玉真軒檻暖如

春。卽見。丹青。不見。人。月。裏。嫦娥。終。有。恨。鑑。中。姑。射。未。應。真。須。與。中。使。召。臣。至。玉。華。閣。上。持。詩。曰。因。卿。有。詩。况。姻。家。有。當。見。禮。臣。曰。頃。緣。霞。萃。以。得。拜。望。故。敢。以。詩。請。上。大。笑。妃。素。妝。無。珠。玉。飾。綽。約。若。仙。子。臣。前。進。再。拜。敘。謝。妃。答。拜。臣。又。拜。妃。命。左。右。掖。起。上。手。持。大。觥。酌。酒。命。妃。曰。可。勸。太。師。臣。奏。曰。禮。無。不。答。不。審。酬。酢。可。否。於。是。持。瓶。注。酒。授。使。以。進。再。坐。徹。去。童。女。羯。鼓。御。侍。奏。細。樂。作。蘭。陵。王。楊。州。散。酬。勸。交。錯。臣。奏。曰。陛。下。樂。與。人。同。不。問。高。卑。日。且。暮。久。勤。聖。躬。人。心。不。安。上。曰。不。醉。無。歸。更。勸。迭。送。酒。行。無。算。臣。又。奏。曰。樂。奏。續。紛。酒。觴。交。錯。方。事。宴。飲。上。及。故。老。若。朋。友。相。與。御。杯。接。慙。慙。之。勸。道。舊。論。新。故。臣。何。足。以。當。臣。請。序。其。事。以。示。後。世。知。今。日。宴。樂。非。酒。食。而。已。夜。漏。已。二。鼓。五。籌。衆。前。奏。丐。罷。退。十。三。日。臣。京。序。

太清樓侍宴記

宋 蔡 京

政和二年三月。皇帝至制。詔。臣。京。宥。過。省。愆。復。官。就。是。就。昭。以。是。月。八。日。開。後。苑。安。清。樓。召。臣。執。中。臣。候。臣。偲。臣。京。臣。紳。臣。居。厚。臣。正。夫。臣。蒙。臣。洵。仁。臣。晏。中。臣。洵。武。臣。休。臣。贊。於。崇。政。殿。賜。坐。命。宮。臣。擊。鞠。乃。是。景。福。殿。西。序。入。苑。門。詔。臣。京。曰。此。跬。步。至。宣。和。廊。言。者。所。謂。金。桂。玉。戶。者。也。厚。誣。宮。禁。其。令。子。攸。夜。入。觀。焉。東。入。小。花。徑。南。度。碧。蘆。聚。又。東。入。便。門。至。宣。和。殿。止。三。楹。凡。案。臺。榻。漆。以。黑。下。宇。純。朱。上。棟。絕。綠。飾。緣。無。文。彩。東。西。無。谷。又。殿。東。曰。瓊。蘭。西。曰。凝。芳。後。曰。積。翠。南。曰。瑤。林。北。曰。玉。宇。後。有。沼。曰。環。碧。兩。旁。有。亭。曰。臨。瀾。華。渚。沼。坎。山。有。殿。曰。雲。華。閣。太。甯。左。右。躡。道。以。登。中。道。有。亭。曰。琳。霄。次。曰。會。春。閣。下。有。殿。曰。玉。華。玉。華。之。側。有。御。書。殿。榜。曰。三。洞。瓊。文。之。殿。旁。有。種。玉。綠。雲。軒。相。峙。臣。京。奏。曰。宣。王。殿。閣。亭。沼。潔。齊。清。虛。雅。素。若。此。則。言。者。不。根。

蓋不足卹。日午謁者引執中已下入女童樂四百靴袍玉帶例排場下。官人籠珠翠金玉束帶扇拂無巾劍鉞執香毬擁御床以次立。酒三行。上顧謂羣臣曰。承平無事。君臣同樂。宜略去苛禮。飲食起居。當自便無間。已而羣臣盡醉。京又爲皇帝幸鳴鑾堂記曰。宣和九年九月。金芝生道德院二十。已而皇帝自景龍江。泛舟中天波溪。至臣鳴鑾堂。淑妃從。臣京朝堂下。移班拜妃。內侍連叫曰。妃答拜。臣欲謝。內侍掖起。膝不得下。上曰。今歲四幸。鳴鑾矣。臣頓首曰。昔人三顧堂。成已六幸。千載榮遇。鳴鑾固卑陋。且家素窶空。且願留少頃。使得仙尊奉。意上曰。爲卿從容。臣退西廡視庖膳。上爲舉筯屢酬。歡笑如家人。有遣使瑪瑙大杯賜酒。遂御西閣。親手調茶。分賜左右。妃亦酌酒遣賜。道由臣堂視臥內。嗟其弊惡。步至之所。上立門屏側。語臣曰。不御袍帶。不可相見。可去冠服。臣惶怖曰。人臣安敢罪萬死。上曰。旣爲姻家。置君臣禮。當敍親。上親酌手持橄欖以賜。時屏內御坐。妃嬪在側。咫尺不敢望。衆譁曰。妃也。妃顧起。遽起立。臣附童貫致禮。乃奏乞遺貫妃壽。上乃酌酒授貫妃飲。竟上酌爲妃酬酒。上調美味。妃剖橙。榨芭蕉。分餘甘。遣臣婢。竟餘賜曰。主上每得四方美味。新奇。必賜師相。無頃刻廢忘。諭師相知無忘。臣難感難謝。上又賜酒。命貫酌曰。可與貫語。貫無他言。君臣相與。古今無若者。臣嗚咽嗟惜。因語身危。非主上幾不保。如今日大理。魏彥純事是也。貫遽以聞。上駭曰。御郡若此。小人猶敢。自昨日聶山對謝。窮治彥純。已覺其離間。故罷山以事關。豈以一語罪卿。小人以細故。織羅耳。亟索紙卽屏上詔草。釋彥純。聶山知安州。上自命酒使貫陪。遂醉。諸孫掖出。

莊綽曰。京之敍致。觀樓如此。不特欲誇耀於世。又將以恐動言者。然不知皆不足恃。而榮也。適足以爲國。

家之辱焉。特以其居上露土木，賜紫羅萬疋，使治轡幕，而京之獻遺，方數十萬緡。後戶部侍郎王番發之，究治，皆權貨賂錢也。所謂天波溪者，由景寶籙宮循城西南，以至京弟。其子條上書其父，謂今日恩波，他年裊水，而小民淫言蔡相居中人不善，萬乘官家渠底串是也。

延福宮曲宴記

宋 李邦彥

宣和二年十二月癸巳，召宰執親王等，曲宴于延福宮。特召學士承旨、臣李邦彥、學士承旨、宇文粹中，以示異恩也。是日初，御容謨殿，設席如外廷，賜宴之禮。然器用殺品，瓊奇精緻，非常宴比。仙韶執樂，和音曼聲，合變應節，亦非教坊工人所能彷彿。上遣殿中監察行諭旨曰：「此中不同外廷，無彈奏之地，但飲食自如，食味裹實，自當攜歸酒五行，以碧玉盞宣諭。」侍宴諸云：「前此曲宴早坐，未嘗宣勸，今出異數，少憩於殿門之東廡，晚召赴景龍門觀燈，玉華閣飛陛，金碧詢耀，隔在雲霄，間設嚮尊，鈞樂于下，都人熙熙，且醉且戲，繼以歌頌，示天子與民同樂之意。侈太平之盛事，次詣穆清殿，後入崆峒洞天，過寬橋，至會甯殿，有八閣東西對列，曰琴、棋、書、畫、茶、丹、經、香、臣等熟視之，自崆峒入至八閣，所陳之物，左右上下，皆琉璃也，映徹焜煌，心目俱奪。閣前再坐小案，玉罍珍異如海，陸羞脯，又與容謨不同。酒三行，甚速，起詣殿側，縱觀上詣保和殿，謂學士蔡條曰：「引二翰苑子細看，一一說與諄語。」再三詣成不殿，鳳竹龍燈，燦然如晝，奇偉萬狀，不可名言。上命沂侍取茶具，親手注湯，擊沸，少頃，白乳浮盞，面如疎星，淡月，顧諸臣曰：「此自烹茶，飲畢，皆頓首謝，既而命坐，酒行無算，復出宮人合曲，妙舞躡躑，態有餘妍，凡目創見。上諭臣邦彥，臣粹中曰：「此盡是嬪御，自來翰林不會與。此

集。自卿等始。又曰。翰林志。可以盡載此事。臣等榮遇。臣邦彥謝不敏。瓊瑤玉舟。宣勸非一。上每親臨。視使醜。復顧臣某曰。李承旨善飲。仍數被特旨進飲。夜分而罷。

乾淳御教記

元 周 密

壽皇留意武事。在位凡五大閱。乾道二年四年六年十年或幸白石。或幸茅灘。或幸龍山。一時儀文士馬戈甲旌旗之盛。雖各不同。今撮其要。以著于此。

先一日。諸軍人馬金裝。執色于教場東。布列軍幕宿營。至日。殿前馬步諸軍。先赴教場。下方營。并親隨軍。排列將壇之後。贊明。三衛管軍官。並金裝從駕。上自祥曦殿。戎服乘馬。太子親王宰執近臣。並戎服乘馬。以從護聖。馬軍八百騎。分執鎗旗弓矢軍器。前後奏隨軍番部大樂等。詳見後御教儀衛次第駕入教場。升幄殿。殿帥執搦

躬奏。諸司人馬。排立齊。舉黃旗。招諸軍向御殿。椰子一鼓。唱喏一鼓。呼萬歲。再一鼓。又呼萬歲。疊鼓呼萬萬歲。又一鼓。唱喏。殿帥奏取聖旨。鳴角發嚴。上御金裝甲冑。登將壇。幄殿鳴角發嚴。殿帥奏取聖旨。馬步軍整隊成屯。以備教戰。連三鼓。馬軍上馬。步軍起旗。槍分東西。爲應敵之勢。舉白旗變方陣。黃旗變圓陣。皂旗變曲陣。青旗變直陣。緋旗變銳陣。緋心皂旗作長蛇陣。緋心白旗作伏虎陣。帥帥奏取聖旨。兩陣各遣勇將挑戰。變八圓陣。疊鼓舉旗。左馬軍戰。右步軍。右馬軍戰。左步軍。再疊鼓。交旗擊刺混戰。三疊金。分陣大勢。馬軍四面大戰。三疊金。分陣殿帥奏教陣訖。取旨人馬排列當頭。鳴角簇隊以俟。放教諸軍呈大刀車砲烟槍諸色武藝。御前傳宣撫諭將士。射生官進獻獐鹿。上更戎服。賜宰臣已下對御酒。五行殿帥奏取旨謝恩。如前

唱喏訖。駕出教場。是日太上皇子都亭驛。設簾幄以觀駕。至。邀上入幄。宣喚管軍官。賜大金碗酒于簾外。都人贊歎。以爲盛觀。時殿司旗幟以黃。馬司以緋。步司以白。以道路隘促。止用從駕軍一萬二千四百人。分爲二百四十八小隊。戈甲耀日。旌旗蔽天。連亘二十餘里。粲如錦繡。都人縱觀。以爲前所未有。凡支犒金銀錢帛。以鉅萬計。悉出內庫。戶部不與焉。

御教儀衛次第

文物儀衛並同四孟駕出。今止添入後項。

彈壓前隊侍立使臣都轄

執黃龍旗使臣

帶弓箭汗膀豹尾使四員

帶汗膀員騎劍使臣十員

彈壓後隊侍立使臣都轄

黃羅戲珠龍旗

豹尾使臣四員

供進馬四匹

御前全裝甲馬

執繡龍旗使臣

黃繡龍旗二

騎劍使臣十人

帶甲御馬

管押使臣幕士

內中正供馬

獸醫押槽

黃繡龍傳宣旗二

小龍傳宣旗十

隨逐巡視官

馬院禁衛官

引馬監官二員

供馬監官二員

聖駕供鞭通管二員

授梢提轄二員

日烏獨脚旗

挾駕指揮四十二人

銷金龍旗二

犀皮御座椅

鈴鎚刀子左

匙筋刀子右

青氈御笠

褐氈御笠

金鳳瓶

絲鞵篋子

御膳篋子

玉靶子闌刀

馬腦子闌刀

水晶子闌刀

金洗嗽

皂白御靴

通犀子闌刀

角靴子闌刀

酒斝子大

白虎皮杖槩

白豹皮杖槩

梳刷馬盂袋

黑漆套盤

圭木套盤

銷金弓箭葫蘆

虎豹皮弓箭袋葫蘆

飲水角

拍板二

哨笛四

番鼓二十四人

彈壓樂器使臣

管押訓練官

杏黃龍旗二

燐篋二

札子九

大鼓十

龍笛四

臨安府彈壓官屬

從駕官宰臣已下並如常日

乾淳時歲記

元正

元 周 密

朝廷元日冬至。行大朝會儀。則百官冠冕朝服。備法駕。設黃麾。仗三千三百五十人。視東京已減三之。用太常雅樂宮架登歌。太子上公親王宰執。並赴紫宸殿。立班進酒。上千萬歲壽。上公致辭。樞密宣答及諸國使人及諸

州入獻朝賀。然後奏樂進酒賜宴。此禮不能常行。每歲禁中止。是以三茅鐘鳴。駕輿上服幘頭。玉帶靴袍。先詣福甯殿龍墀。及聖堂炷香。用醴沉。次至天章閣。祖宗神御殿。行酌獻禮。次詣東朝奉賀。復回福甯殿。受皇后太子皇子公主貴妃。至郡夫人內官大內已下賀。賀畢。駕始過大慶殿。御史臺閣門分引又武百僚。追班稱賀。大起居十六拜致辭。上壽。樞密宣答禮畢。放仗。是日後苑。排辦御筵于清燕殿。用插食盤架。午後修內司排辦晚筵于慶瑞殿。用烟火進。市食賞燈。並如元夕。

立春

前一日臨安府進大春牛。設之福甯殿庭。及駕臨幸。內宮皆用五色絲綵杖鞭牛。御藥院例取牛睛以充眼藥。餘屬直閣婆。職管人都行首掌管預造小春牛數十。飾綵旛雪柳分送。殿閣巨璫。各隨以金銀錢彩段爲酌。是日賜百官春旛勝。宰執親王以金。餘以金裏錢。及羅帛爲之。係文思院造進。各垂于幘頭之左。入謝。後苑辦造春盤供進。及分賜貴邸宰臣巨璫。翠縷紅絲金鷄玉燕。備極精巧。每盤直萬錢。學士院撰進春帖子。帝后貴妃夫人諸閣各有定式。絳羅金縷華粲可觀。臨安府亦鞭春開宴。而邸第饋遺則多。效內庭焉。

元夕

禁中自去歲九月賞菊燈之後。迤邐試燈。謂之預賞。一入新正。燈火日盛。皆修內司諸璫分主之。競出新意。年異而歲不同。往往于復古膺福清燕明華等殿張掛。及宣德門梅堂三間臺等處。臨時取旨。起立鰲山燈之品極多。見後燈品每以蘇燈爲最。圈片大者徑三四尺。皆五色琉璃所成。山水人物花竹翎毛種種奇妙儼然。

着。色。便。而。也。其。後。福。州。所。進。則。純。用。白。玉。晃。耀。奪。目。如。清。冰。玉。壺。爽。徹。心。目。近。歲。新。安。所。進。益。奇。雖。陶。骨。悉。皆。琉。璃。所。爲。號。無。骨。燈。禁。中。嘗。令。作。琉。璃。燈。山。其。高。五。丈。人。物。皆。用。機。關。活。動。結。大。綵。樓。貯。之。又。于。殿。堂。梁。棟。窗。戶。間。爲。涌。壁。作。諸。色。故。事。龍。鳳。噴。水。蜿。蜒。如。生。遂。爲。諸。燈。之。冠。前。後。設。玉。柵。籬。寶。光。花。影。不。可。正。視。仙。詔。內。人。迭。奏。新。曲。聲。聞。人。間。殿。上。鋪。連。五。色。琉。璃。閣。皆。絨。文。戲。龍。百。花。小。窗。間。垂。小。水。晶。簾。流。蘇。寶。帶。交。映。璀璨。中。設。御。座。恍。然。如。在。廣。寒。清。虛。府。中。也。至。二。鼓。上。乘。小。輦。幸。宣。德。門。觀。簷。山。擎。輦。者。皆。倒。行。以。便。觀。賞。金。爐。腦。麝。如。祥。雲。五。色。熒。煌。炫。轉。照。耀。天。地。山。燈。凡。數。千。百。種。極。其。新。巧。怪。怪。奇。奇。無。所。不。有。中。以。五。色。玉。柵。簇。成。皇。帝。萬。歲。四。大。字。其。上。伶。官。奏。樂。稱。念。口。號。致。語。其。下。爲。大。露。臺。百。藝。羣。工。競。呈。奇。技。內。人。及。小。黃。門。百。餘。皆。巾。裹。翠。蛾。傲。街。坊。清。樂。傀。儡。繚。繞。于。燈。月。之。下。旣。而。取。旨。宣。喚。市。井。舞。隊。及。市。食。盤。架。先。是。京。尹。預。擇。華。潔。及。善。歌。叫。者。謹。伺。于。外。至。是。歌。呼。競。入。旣。經。進。御。妃。嬪。內。人。而。下。亦。爭。買。之。皆。數。倍。得。直。金。珠。磊。落。有。一。夕。而。至。富。者。宮。漏。旣。深。始。宣。放。烟。火。百。餘。架。于。是。樂。聲。四。起。燭。影。縱。橫。而。駕。始。還。矣。大。率。倣。宣。和。盛。際。愈。加。精。妙。特。無。登。樓。賜。宴。之。事。人。間。不。能。詳。知。耳。

都。城。自。舊。歲。冬。孟。駕。回。則。已。有。乘。肩。小。女。鼓。吹。舞。縮。者。數。十。隊。以。供。貴。邸。豪。家。幕。次。之。飮。而。天。街。茶。肆。漸。已。羅。列。燈。毬。等。求。售。謂。之。燈。市。自。此。以。後。每。夕。皆。然。三。橋。等。處。客。邸。最。盛。舞。者。往。來。最。多。每。夕。樓。燈。初。上。則。簫。鼓。已。紛。然。自。獻。于。下。酒。邊。一。笑。所。費。殊。不。多。往。往。至。四。鼓。乃。還。自。此。日。盛。一。日。姜。白。石。有。詩。云。燈。已。闌。珊。月。氣。寒。舞。兒。往。往。夜。深。還。只。因。不。盡。婆。娑。意。更。向。街。心。弄。影。看。又。云。南。陌。東。城。盡。舞。兒。畫。金。刺。繡。滿。羅。衣。也。知。

愛惜春遊。夜舞落銀蟾。不肯歸吳夢。窗玉樓春云。茸茸。狸帽遮梅額。金蟬羅剪胡衫。窄乘肩。爭看小腰身。倦態強隨閒鼓。笛問稱家在城東陌。欲買千金。應不惜。歸來困頓倦春眠。猶夢婆娑斜。趁拍深得其意態也。至節後。漸有大隊。如四國朝。傀儡杆歌之類。日趨于盛。其多至數千百隊。天府每夕差官點視。各給錢酒油燭。多寡有差。且使之南至昇陽宮支酒燭。北至春風樓支錢。終夕天街鼓吹不絕。都民士女羅綺如雲。蓋無夕不然也。至五夜則京尹乘小提轎。諸舞隊次紅簇擁前後。連亘十餘里。錦繡填委。簫鼓振作。耳目不暇。給吏魁以大囊貯楮券。凡遇小經紀人必犒數十。謂之買市。至有黠者以小盤貯梨藕數片。騰身迭出于稠人之中。支請官錢數次者亦不禁也。李賀房詩云。斜陽盡處蕩輕烟。輦路東風入管絃。五夜好春隨步暖。一年明月打頭圓。香塵掠粉翻羅帶。密炬籠綃鬪玉鈿。人影漸稀花露冷。踏歌吹度曉雲邊。京尹幕次例占西市坊繁鬧之地。黃燭飢盆照耀如晝。其前列荷校囚數人。大書犯由云。某人爲不合。搶撲釵環。挨搪婦女。繼而行遣一二。謂之裝燈。其實皆三獄罪囚。姑借此以警姦民。分委府僚巡警風燭。及命轄房使臣等分任地方。以緝姦盜。三獄亦張燈。建淨獄道場。多裝獄戶故事。及陳列獄具。邸第好事者。如清河張府蔣御藥家。間設雅戲。烟花水際。燈燭粲然。遊人士女縱觀。則迎門酌酒而去。又有幽坊靜巷。好事之家。多設五色琉璃泡燈。更自雅潔。靚粧笑語。望之如神仙。白石詩云。沙河雲合無行處。惆悵來遊路。已迷却入靜坊。燈火空門門相似。列蛾眉。又云。遊人歸後天街靜。坊陌人家未閉門。簾裏垂燈照樽俎。坐中嬉笑覺春溫。或戲于小樓以人爲大影戲。兒童歡呼。終夕不絕。此類不可遽數也。西湖諸寺。惟三竺張燈最盛。往往有宮禁所賜。貴璫所

遺者都人好奇亦往觀焉白石詩云珠絡琉璃到地垂鳳頭御帶玉交枝君王不賞無人進天竺堂深夜雨時。

元夕節物婦人皆帶珠翠鬧蛾玉梅雪柳善提葉燈毬銷金合蟬貉袖項帕而衣多尙白蓋月下所宜也游手浮浪輩則以白紙爲大蟬謂之夜蛾又以棗肉炭屑爲丸繫以鐵絲然之名火楊梅節食所尙則乳糖丸子餛飩科斗粉豉湯水晶脰非餅及南北珍果并皂兒糕宜利少澄沙糰子滴酥鮑螺酪麵玉消膏琥珀餲輕餳生熟灌藕諸色瓏瓏蜜煎蜜裏糖瓜菓煎七寶薑豉十般糖之類皆用鏤鑰裝花盤架車兒簇插飛蛾紅燈綵盞歌叫喧闐幕次往往使之吟叫倍酌其直白石亦有詩云貴客鈎簾看御街市中珍品一時來麗前花架無行路不得金錢不肯回競以金盤鈿合簇釘饋遺謂之市食合兒翠簾銷暮絳燭紗籠遍呈舞隊密擁歌姬脆管清吭新聲交奏戲具粉嬰嚮歌售藝者紛然而集至夜闌則有持小燈照路拾遺者謂之掃街遺鈿墮珥往往得之亦東都遺風也。

舞隊

大小全棚傀儡

查查鬼夫

李大口一字

賀豐年

長弧斂頭

兔吉兔毛
大伯

吃遂

大憨兒

麻婆子

黃金杏

快活三娘

一臉膜

洞公醬

河東子

玉缺兒

夾棒

男女竹馬

大小斫刀鮑老

子弟清音

諸國獻寶

四國朝

孫武子教女兵

癡姮

快活三郎

瞎判官

沈承務

貓兒相公

細姮

黑遂

交椅

屏風

男女杵歌

交袞飽老

女童清音

六國朝

穿心國入貢

過雲社

稗史秘笈 乾淳歲時記

緋綠社

胡女

鳳阮嵇琴

撲蝴蝶

回陽丹

大藥

瓦鼓

焦錠架兒

喬三教

喬迎酒

喬親事

喬樂神
馬明王

喬捉蛇

喬學堂

喬宅眷

喬像生

喬師娘

獨自喬

地仙

旱划船

教象

裝態

村田樂

鼓板

踏蹻

撲旗

抱鑼裝鬼

獅豹蠻牌

十齊郎

耍和尚

劉袞

散錢行

貨郎

打嬌惜

其品甚夥。不可悉數。首飾衣裝。相矜侈靡。珠翠錦綺。眩耀華麗。如傀儡杆歌竹馬之類。多至十餘。陰。十二。三兩日。國忌禁樂。則有裝宅簪籠燈。前引珠翠盛飾。少年尾其後。詞殿而來。卒然遇之。不辨真僞。及爲帝經。紀人如賣蜂糖餅小八塊風子賣字本虔婆賣旗兒之類。以資一笑者。尤多也。

燈品

燈品至多。蘇福爲冠。新安晚出。精妙絕倫。所謂無骨燈者。其法用絹囊貯粟爲胎。因之燒綴。及成。去粟。則混然琉璃毬也。景物奇巧。前無其比。又爲大屏灌水轉機。百物活動。趙忠惠守吳日。嘗命製春雨堂五大間。左爲汴京御樓。右爲武林燈市。歌舞雜藝。織悉曲盡。凡用千工。外此有魷燈。則移鏤犀珀玳瑁以飾之。珠子燈。則以五色珠爲網。下垂流蘇。或爲龍船鳳輦樓臺故事。羊皮燈。則鏤精巧。五色粧染。如影戲之法。羅帛燈之類尤多。或爲百花。或細眼。間以紅白。號萬眼羅者。此種最奇。外此有五色蠟紙菩提葉。若沙戲影燈馬騎人物。旋轉如飛。又有深閨巧娃。剪紙而成。尤爲精妙。又有絹燈。剪寫詩詞。時寓譏笑。及畫人物。藏頭隱語。及舊京諺語。戲弄行人。有貴邸嘗出新意。以細竹絲爲之。加以綵飾。疎明可愛。程陵喜之。令製百盞。期限既迫。勢難卒成。而內苑諸璫。恥于不自已。出思所以勝之。遂以黃草布剪縷。加之點染。與竹無異。凡兩日。百盞已進御矣。

挑菜

二月一日謂之中和節。唐人最重。今惟作假。及進單羅御服百官服。單羅公裳而已。二日宮中排辦挑菜。御宴先是預備。朱綠花斛下。以羅帛作小卷。書品目于上。繫以紅絲。上植生菜。薺花。諸品俟宴酌樂作。自中殿以次。各以金篋挑之。后妃皇子貴主婕妤。及都知等皆有賞無罰。以次每斛十號。五紅字爲賞。五黑字爲罰。上賞則成號。真珠玉杯金器。北珠篋環珠翠領抹。次亦鍍銀酒器。冠銀翠花段帛龍涎御扇。筆墨官窰定器之類。罰則舞唱吟詩念佛飲冷水吃生薑之類。用此以資戲笑。王宮貴邸亦多倣之。

進茶

仲秋上旬。福建漕司進第一綱茶。名北苑。試新方寸小夸。進御止百夸。護以黃羅軟盞。藉以青鶉裏。以黃羅夾複臣封朱印。外用朱漆小匣。鍍金鎖。又以細竹絲織笈。貯之。凡數重。此乃雀舌水芽所造。一夸之直四十萬。僅可供數甌之啜耳。或以一二賜外邸。則以生線分解。轉遺好事。以爲奇玩。茶之初進御也。翰林司例有品嘗之費。皆漕司邸吏賂之。間不滿欲。則入鹽少許。茗花爲之散漫。而味亦漓矣。禁中大慶會。則用大鍍金鑿以五色韻果。簇釘龍鳳。謂之繡茶。不過悅目。亦有專其工者。外人罕知。因附見于此。

賞花

禁中賞花非一。先期後苑及修內司分任排辦。凡諸苑亭榭。花木粧點一新。錦簾銷幕。飛梭繡毬。以至茵褥設放器玩盆窰珍禽異物。各務奇麗。又命小璫內司列肆關。撲珠翠冠。朵篋環繡段畫領花扇。官窰定器孩

兒戲具鬪竿龍船等物。及有賣菓木酒食餅餌蔬茹之類。莫不備具。悉傲西湖景物。起自梅堂賞梅。芳春堂賞杏花。桃源觀桃。粲錦堂金林檎。照粧亭海棠。蘭亭修禊。至于鍾美堂大花爲極盛。堂前三面皆以花石爲臺。三層各種名品。標以象牌。覆以碧幕。臺後分植玉繡毬數百株。儼如鏤玉屏。堂內左右各列三層雕花彩檻。護以彩色牡丹。畫衣間列碾玉水晶金壺。及大食玻璃官窰等瓶。各簪奇品。如姚魏御衣黃照殿紅之類。幾千朵。別以銀箔間貼大斛分種數十百窠。分列四面。至于梁棟窗戶間。亦以湘筒貯花鱗。次簇插何翅萬朵。堂中設牡丹紅錦地茵。自中殿妃嬪以至內官。各賜翠葉牡丹。分枝鋪翠牡丹。御書畫扇龍涎金合之類。有差。下至伶官樂部應奉等人。亦霑恩賜。謂之隨花賞。或天顏悅懌。謝恩賜予。多至數次。至春暮。則稽古堂會瀛堂賞瓊花。靜侶亭紫笑淨香亭采蘭桃筍。則春事已在綠陰芳草間矣。大抵內宴賞。初坐再坐。插金盤架者。謂之排當。否則但謂之進酒。

放春

蔣苑使有小圃。不滿二畝。而花木匠師。亭榭奇巧。春時悉以所有書畫玩器。冠花器弄之物。羅列滿前。戲效關撲。有珠翠冠。僅大如錢者。鬪竿花籃之類。悉皆鏤絲玉金爲之。極其精妙。且立標竿射棊。及鞦韆梭門鬪鷄蹴鞠諸戲事。以娛遊客。衣冠士女至者。招邀杯酒。往往過禁烟乃已。蓋效禁苑具體而微者也。

社會

二月八日爲桐川張王生辰。霍山行宮朝拜極盛。百戲競集。如緋綠社。雜劇齊雲社。毬過雲社。唱同文社。要角

舫社相撲清音社清樂錦標社射蓼錦體社花繡英略社使棒雄辯社小翠錦社行繪草社影戲淨髮社梳剡律華社吟叫雲機社撮弄而七寶灣馬二會爲最。玉山寶帶尺璧寸珠。璀璨奪目。而天驥龍媒。絨韃寶轡。競賞神駿。好奇者至。剪毛爲花草人物。廚行果局。窮極肴核之珍。有所謂意思作者。悉以通草羅帛雕飾。爲樓臺故事之類。飾以珠翠。極其精緻。一盤至直數萬。然皆浮靡無用之物。不過資一玩耳。奇禽則紅鸚白雀。水族則銀蟹金龜。高麗華山之奇松。交廣海嶠之異卉。不可縷數。莫非動心駭目之觀也。若三月三日。殿司眞武會。三月二十八日。東嶽生辰。社會之盛大。率類此。不暇贅陳。

祭掃

清明前三日。爲寒食節。都城人家。皆插柳滿簷。雖小坊幽曲。亦青青可愛。大家則加棗餠于柳上。然多取之湖隄。有詩云。莫把青青都折盡。明朝更有出城人。朝廷遣臺臣。中使宮人。車馬朝響。諸陵原廟。薦獻用麥糕。稠餚。而入家上塚者。多用棗餠。鼗鼓。南北兩山之間。車馬紛然。而野祭者尤多。如大昭慶九曲等處。婦人淡裝素衣。提攜兒女。酒壺肴壘。材店山家。分餞遊息。至暮則花柳土官。隨車而歸。若玉津富景御園。包家山之桃關。東青門之菜市。東西馬陸。尼菴道院。尋芳討勝。極意縱遊。隨處各有買賣趕趁等人。野果山花。別有幽趣。蓋輦下驕民。無日不在春風歌舞中。而游手末技。爲尤盛也。

浴佛

四月八爲佛誕日。諸寺院各有浴佛會。僧尼輩競以小盆貯銅佛。浸以糖水。覆以花棚。饒鍤。交迎。遍往邸第。

富室以小杓澆灌以求施利是日西湖作放生會舟楫盛多略如春時小舟競賣龜魚螺蚌放生。

迎新

戶部點檢所十三酒庫例於四月初開煮九月初開清先是提領所呈樣品嘗然後迎引至諸所隸官府而散每庫各用疋布書庫名高品以長竿懸之謂之布牌以木牀鐵擎爲仙佛鬼神之類駕空飛動謂之臺閣雜劇百戲諸藝之外又爲漁父習閑竹馬出獵八仙故事及命妓家女使裏頭花巾爲酒家保及有花裏五熟盤架放生籠養等各庫爭爲新好庫妓之珍瑋者皆珠翠盛飾銷金紅背乘繡轎寶勒駿騎各有皂衣黃號私身數對訶導於前羅扇衣笈浮浪閑客隨逐於後少年狎客往往簇釘持盃爭勸馬首金錢綵段蒞及與臺都人習以爲常不爲怪笑所經之地高樓邃閣繡幕如雲累足駢肩真所謂萬人海也。

端午

先期學士院供帖子如春日禁中排當例用朔日謂之端一或傳舊京亦然插食盤架設天師艾虎意思山子數十座五色蒲絲百草霜以大合三層飾以珠翠葵榴艾花蜈蚣蛇蝎蜥蜴等謂之毒蟲及作糖霜韻果糖蜜巧粽極其精巧又以大金瓶數十遍插葵榴梔子花環繞殿閣及分賜后妃諸閣大璫近侍翠葉五色葵榴金絲翠扇真珠百索釵符經筒香囊軟香龍涎佩帶及紫練白葛紅蕉之類大臣貴邸均被細葛香羅蒲絲艾朶彩團巧粽之賜而外邸節物大率效尤焉巧粽之品不一至結爲樓臺舫輅又以青羅作赤口白舌帖子與艾人並懸門楣以爲禳禱道宮法院多送佩帶符篆而市人門首各設大盆雜植艾蒲葵花上掛

五色紙錢排釘果粽。雖貧者亦然。湖中是日遊舫亦盛。蓋迤邐炎暑。晏遊漸稀。故也。俗以此日爲馬本命。凡御厰邸第上乘。悉用五綵爲鬚尾之飾。奇艷寶鬪。充滿道途。亦可觀玩也。

禁中納涼

禁中避暑。多御復古選德等殿。及翠寒堂納涼。長松修竹。濃翠蔽日。層巒奇岫。靜竅縈深。寒瀑飛空。下注大池。可十畝。池中紅白菡萏萬柄。蓋園丁以瓦盎別種。分列水底。時易新者。庶幾美觀。又置茉莉素馨。建蘭麝香。藤朱槿。玉桂。紅蕉。閣婆。簷蔔等。南花數百盆於廣庭。鼓以風輪。清芬滿殿。御筦兩旁。各設金盤數十架。積雪如山。紗廚後先。皆懸掛伽蘭木真蠟龍涎等香珠百餘。蔗漿金盃珍果玉壺。初不知人間有塵暑也。聞洪景盧學士嘗賜對於翠寒堂。當三伏中。體業戰慄。不可久立。上問故。笑遣中貴人以北綾半臂賜之。則境界可想見矣。

都人避暑

六月六日。顯應觀崔府君誕辰。自東都時。廟食已盛。是日都人士女駢集。炷香已而登舟汎湖。爲避暑之遊。時物則新荔枝軍厓李。二果產閩。奉化項里之楊梅。聚景園之秀蓮。新藕。蜜筒甜瓜。椒核枇杷。紫菱碧莢。來禽。金桃。蜜漬昌元梅。木瓜。豆兒水。荔枝。富金橘。水糲。麻飲芥辣。白醪涼水。冰雪爽口之物。關撲香囊。畫扇。涎花珠佩。而茉莉爲最。盛初出之時。其價甚穹。婦人簇帶多至七插。所直數十券。不過供一餉之娛耳。蓋入夏則遊船不復入裏湖。多占蒲深柳密寬涼之地。披襟釣水。月上始還。或好事者。則敞大舫。設簞簟。高枕取涼。

櫛髮快浴。惟取適意。或留宿湖心。竟夕而歸。

乞巧

立秋日。都人戴楸葉。飲秋水。赤小豆。七夕節物。多尚果食。茜鷄及泥孩兒。號摩喉羅。有極精巧。飾以金珠者。其直不貲。併以蠟印。鳧鴈水禽之類。浮之水上。婦人女子。夜對月穿鍼。鉅釘盃盤。飲酒爲樂。謂之乞巧。及以小蜘蛛貯合內。以候結網之疎密。爲得巧之多少。小兒女多衣荷葉半臂。手持荷葉。效擧摩喉羅。大抵皆原舊俗也。

七夕前。修內司例進摩喉羅十卓。每卓三十枚。大者至高三尺。或用象牙雕鏤。或用龍涎拂手香製。造悉用鏤金珠翠衣帽。金錢釵鉸。佩環真珠頭鬚。及手中所執戲具。皆七寶爲之。各護以五色鏤金紗廚。制闢貴臣及京府等處。至有鑄金爲貢者。宮姬市娃冠花衣領。皆以乞巧時物爲飾焉。

中元

七月十五日。道家謂之中元節。各有齋醮等會。僧寺則於此日作盂蘭盆齋。而人家亦以此日祀先。例用新米新醬。冥衣時果。綵段麵棋。而茹素者。幾十八九。屠門爲之罷市焉。

中秋

禁中是夕有賞月延桂。排當如倚桂閣。秋暉堂碧岑。皆臨時取吉。夜深天樂直徹人間。御街如絨線。蜜煎香鋪。皆鋪設貨物。誇多競好。謂之歇眼。燈燭華燦。竟夕乃止。此夕浙江放一點紅羊皮小水燈數十萬盞。浮滿

水面爛如繁星有足觀者或謂此乃江神所喜非徒事觀美也

觀潮

浙江之潮天下之偉觀也自既望以至十八日爲最盛方其遠出海門僅如銀線既而漸近則玉城雪嶺際天而來大聲如雷霆震撼激射吞天沃日勢極雄豪楊誠齋詩云海闊銀爲郭江橫玉繫腰者是也每歲京尹出浙江亭教閱水軍鱗艘數百分列兩岸旣而盡奔騰分合五陣之勢并有乘騎弄旗標槍舞刀於水面者如履平地倏爾黃烟四起人物略不相觀水爆轟震聲如崩山烟消波靜則一舸無迹僅有敵舟爲火所焚隨波而逝吳兒善泅者數百皆被髮丈身手持十幅大綵旗爭先鼓勇泝迎而上出沒於鯨波萬仞中騰身百變而旗尾略不濡濕以此誇能而豪民貴官爭賞銀綵江干上下十餘里間珠翠羅綺溢目車馬塞途飲食百物皆倍穹常時而僦賃看幕離席地不容閑也禁中例觀潮於天開圖畫高臺下瞰如在指掌都民遙瞻黃繖雉扇於九霄之上真若簫臺蓬島也

重九

禁中例於八日作重九排當於慶瑞殿分列萬菊燦然眩眼且點菊燈略如元夕內人樂部亦有隨花賞如前賞花例善賞燈之宴權輿於此自是日盛矣或於荷燕殿綴金亭賞橙橘遇郊祀歲則罷宴都人是日飲新酒汎萸簪菊且各以菊糕爲饋以糖肉糝麵雜物爲之上縷肉絲鴨餅綴以榴顆標以綵旗又作蠻王獅子於上及麋栗爲屑合以蜂蜜印花脫餅以爲果餌又以蘇子微漬梅滷雜和蔗霜梨橙玉榴小顆名曰春

蘭。秋。菊。雨。後。新。涼。則。已。有。炒。銀。杏。梧。桐。子。吟。叫。於。市。矣。

開爐

是日御前供進夾羅御服。臣僚服錦襖子夾公服。授衣之意也。自此御爐日設火。至明年二月朔止。皇后殿開爐節排當。是月遣使朝陵。如寒食儀。都人亦出郊拜墓。用縣毳楮衣之類。

冬至

朝廷大朝會慶賀排當。並如元正儀。而都人最重一陽賀冬。車馬皆華整鮮好。五鼓已填。擁雜還於九街。婦人小兒服飾華炫。往來如雲。嶽祠城隍諸廟。炷香者尤盛。三日之內。店肆皆罷市。垂簾飲博。謂之做節。享先則以餛飩。有冬餛飩年饊飩之諺。貴家求奇。一器凡十餘色。謂之百味餛飩。

賞雪

禁中賞雪。多御明遠樓。禁中稱楠木樓後苑進大小雕獅兒。並以金鈴綵縷爲飾。且作雪花雪燈雪山之類。及滴酥爲花。及諸事件。並以金盆盛進。以供賞翫。并造雜煎品味。如春盤餛飩羊羔兒酒。以賜併於內藏庫。支撥官券數百萬。以犒諸軍。及令臨安府分給貧民。或皇后殿別自支犒。而貴家富室亦各以錢米犒閭里之貧者。

歲除

禁中以臘月二十四爲小節夜。三十日爲大節夜。呈女童驅儺裝六丁六甲六神之類。大率如夢華所載。後苑修內司各進消夜果兒。以大合簇釘凡百餘種。如蜜煎珍果。下至花錫箕豆。以至玉杯寶器珠翠花朵犀

象博戲之具。銷金斗葉。諸色戲弄之物。無不備具。皆極小巧。又於其上。作玉輅。高至三四尺。悉以金玉等爲飾。護以貼金龍鳳羅罩。以奇侈求勝。一合之費。不啻中人十家之產。止以資天顏一笑耳。后妃諸閣。又各進歲軸兒。及珠翠百事吉。利市袋兒。小樣金銀器皿。并隨年金錢一百二十文。旋亦分賜親王貴邸宰臣巨璫。至於爆竹。有爲果子人物等類不一。而殿司所進屏風。外畫鍾馗捕鬼之類。而內藏藥線。一藝連百餘不絕。簫鼓迎春。雞人警唱。而玉漏漸移。金門已啓矣。

歲晚節物

臘月賜宰執親王。三衙從官。內侍省官。并外圍前宰執等臘藥。係和劑局方造進。及御藥院特旨製造。銀合各一百兩。以至五十兩三十兩各有差。伏日賜暑藥亦同。

都下自十月以來。朝天門內外。競售錦裝新曆諸般大小門神桃符鍾馗狻猊虎頭。及金綵縷花春帖。旛勝之類。爲市甚盛。八日則寺院及人家。用胡桃松子乳曹柿栗之類作粥。謂之臘八粥。醫家亦多合藥劑。侑以虎頭丹。八神屠蘇。貯以絳囊。饋遺大家。謂之臘藥。至於餽歲盤。合酒檐羊腔。充斥道路。二十四日謂之交年祀。竈用花餽米餌。及燒替代。及作糖豆粥。謂之口數。市井迎儺。以鑼鼓遍至人家。乞求利市。至除夜。則比屋以五色錢紙酒果。以並送六神於門。至夜。費燭糝盆。紅映霄漢。爆竹鼓吹之聲。喧闐徹夜。謂之聒廳。小兒女終夕博戲不寐。謂之守歲。又明燈牀下。謂之照虛耗。及貼天行帖兒。財門於楣。祀先之禮。則或昏或曉。各有不同。如飲屠蘇。百事吉。膠牙餚。燒木賣。惜等事。率多東都之遺風焉。守歲之詞。雖多。極難其選。獨楊守齋一

枝春。最爲近世所稱。併書於此。竹爆。驚春。競喧。闌夜。起千門。簫鼓。流蘇。帳暖。翠鼎。緩騰。香霧。停杯。未舉。奈剛。要送。年新。句。應自賞。歌字清。圓未誇。上林。鶯語。從他。歲窮。日暮。縱閒。愁怎減。劉郎。風度。屠蘇。辦了。迤邐。柳忻。梅。妬。官。壺。未曉。早。驕。馬。繡。車。盈。路。還。又。把。月。夕。花。朝。自。今。細。數。

燕射記

元 周密

淳熙元年九月。孝宗幸玉津園。講燕射禮。皇太子宰執使相侍從。正任皆從輦至殿門外。少駐。教坊進念致語口號。作樂於麗正門。由嘉會門至玉津園。賜宴。酒三行。上服頭巾窄衣。東帶絲鞵。臨軒內。侍御帶進弓箭。看箭人。喝看御箭。教坊樂作。射梁前排立。招箭班應喏。皇帝第二箭射中。皇太子已下各再拜稱賀。進御酒。拜宣勸訖。皇太子已下及臣僚射弓。第四箭射中。上再射第三箭。又中的。傳旨不賀。舍人先引皇太子常殿。賜窄衣金束帶。次引射中臣僚受賜如前。再進御酒。奏樂用雜劇。次賜宰臣已下十兩銀碗各一隻。上賦七言詩。丞相會懷已下屬和以進。上乘逍遙輦出玉津園門。教坊進念口號。至祥曦殿降輦。招箭班者服紫衣。僕頭。叉手立於前梁。御箭之來。能以僕頭取勢。轉導入的。亦絕伎也。

洪武聖政記

明 宋濂

自古帝王創業垂統。方有事乎征伐。而於彌綸天下之治。其勢或未遠。及其大統既集。亦不過振厥宏綱。而萬目未盡舉焉。如漢之高帝。得國最正。雖曰算無遺策。而施之政令。猶乏精詳。故史臣贊之。亦但云規模宏遠而已。夫以高帝之雄傑。尙如此。則其餘從可知矣。洪惟皇上。以布衣受天命。蓋與高帝同。雖當開

拓土疆之際。停戈講藝。息馬論道。夜以繼日。無一時之甯。迨夫正天位。朝萬國。孳孳圖治。恆若不足。於是綱舉於上。目備於下。誠有非高帝所可及。是故郊廟以及百神之祭。禮文咸秩。則祀事嚴矣。御極之月。卽立儲位。以正青宮。則大本定矣。衆建諸王。列封功臣。則大分昭矣。兵戎之衆。自京師達於郡縣。率皆設衛其權。一出於朝廷。而爲將者不得私。則軍政肅矣。中外官有定制。一革冗濫之弊。而倖位絕矣。冠服有別。防範有嚴。而民志自定。無僭侈矣。他如申禁令。覈實效。育人材。優前代。正禮樂之失去。海嶽之封。嚴宮闈之法。勵忠節之訓。刻積歲之弊。如斯之類。不一而足。或前王之所未行。或行之有未至者。皆煥然有條。可以垂法後世。此其故何哉。蓋自近代以來。習俗圯壞。殆將百年。天生大有爲之君。首出庶物。一新舊染之俗。與民更始。是故睿思所斷。動契典則。度越千古。咸無與讓。此正所謂錫勇智而正萬邦也。臣備位詞林。以文字爲職業。親見盛德大業。日新月著。於是與僚屬謀。取其有關政要者。編集成書。合爲一卷。凡七類。合若干條。名曰洪武聖政記。然而天之高明也。萬物莫不覆焉。地之博厚也。萬物莫不戴焉。聖人之作也。萬物咸欣視焉。故凡金科之頒。玉條之列。著之於簡書。刻之於琬琰。傳之於聖子神孫者。將與天地相爲無窮。書曰。惟天聰明。惟聖時憲。詩曰。詒厥孫謀。以燕翼子。此之謂矣。其所以政四海。雍熙之治。比隆於唐虞三代者。豈不在於茲乎。臣不佞。請以是序於篇端。極知僭踰。無任隕越之至。翰林院侍講學士中順大夫知制誥同脩國史兼太子贊善大臣夫宋濂謹序。

(嚴祀事第一) 洪武元年春正月乙亥。上以文武大臣百司衆庶。合辭勸進。尊爲皇帝。以主黔黎。勉狗輿情。

乃祭告天地于鍾山之陽。其文曰：維我中國人民之君，自宋運告終，帝命真人於沙漠，入中國爲天下主。其君父子及孫，百有餘年，今運亦終。天下土地人民，豪傑紛爭，惟帝賜臣英賢李善長徐達等爲臣之輔，遂有戡定采石水寨，蠻子海牙方山，陸寨陳也先，袁州殿祥，江州陳友諒，潭州王忠信，新淦鄧明，龍泉彭時，中荆州江珏，濠州孫德崖，廬州左君弼，安豐劉福通，贛州熊天瑞，辰州周文貴，永新周安，萍鄉易華，平江王世明，沅州李勝，蘇州張士誠，慶元方國珍，沂州王宣，益都老保等處狂兵，息民於田里。今地周迴二萬里，廣諸臣下，皆曰：恐民無主，必欲推尊帝號，臣不敢辭，亦不敢不告上帝皇祇。因用吳二年正月四日，於鍾山之陽，設壇備儀，昭告上帝皇祇，簡在帝心，遂卽皇帝位于南郊。定有天下之號曰大明，以吳二年爲洪武元年。是日恭詣太廟，追尊四代考妣爲皇帝皇后，立大社大稷於京師，布告天下。乃命中書省禮部定議郊廟及百神祀典，制曰：朕思天地造化，能生萬物，而不言，故命人君代理之。前代不察乎此，聽人民祀天地，祈禱無所不至。普天之下，民庶繁多，一日之間，祈天者不知其幾。瀆禮犯分，莫大於斯。古者天子祭天地，諸侯祭山川，大夫士庶各有所宜祭。其上下合祭之神，禮部其定議頒降。違者罪之。於是省部定奏天子親祀圜丘，方丘，宗廟，社稷。若京師三皇，孔子及風雲雷雨五嶽四瀆，聖帝明王，忠臣烈士先賢等祀，則遣官致祭。郡縣宜立社，有司春秋致祭。繁人祭祖，父母父母及里社土穀之神，并得祀。載諸祀典。其僧道建齋設醮，不許奏章上表，投拜青詞及塑畫天地神祇，與凡扶鸞禱聖，書符呪水諸術，並加禁止。庶幾左道不興，民無惑志。詔從之。又命禮部論有司謹祭祀略曰：上古君天下者，設官分職，各守方隅，爵及五等，公侯伯子男居之。是五等雖

有巨微。皆稱曰國。莫不以祀戎爲先。自秦漢以下。官雖異古。其祭禮則不殊。邇來天下有司。旣無誠以奉該祀之神。其於人事。又何懼焉。蓋儒者在任。不明於理。或處俗者居官。亦不訪於賢。是故事多。非爲不能。長保富貴也。若有志者居官。必訪於賢者。乃知祀禮之大。必敬勝怠。則事業昌矣。若或不能窮其所以。則怠勝敬。其不滅者鮮矣。朕思之人在世也。若不畏人神。是不可教者也。世之所以成世者。惟人與神耳。豈可慢邪。爾禮部遍告諸司。如勅。四年秋七月辛亥。存心錄成。上覽之。謂諸儒臣曰。朕觀歷代賢君。事神之道。罔不祇肅。故百靈效祉。休徵類應。及乎衰世之君。罔知攸敬。違天慢神。非惟感召災譴。國家禍亂。亦由是而致。朕爲是懼。每臨祭。必誠必敬。惟恐未至。故命卿等編此書。欲示鑒戒。夫水可以鑒形。古可以鑒今。是編所爲善惡。豈止行之於今。將俾子孫永爲法守。

又諭李善長等曰。人之一心。極難點檢。朕起兵後。年二十七。八。血氣方剛。軍士日衆。若不自省察。任情行事。誰能禁我。因思心爲身之主帥。若一事不合理。則百事皆廢。所以常自點檢。此心與身。如兩敵然。時時自相爭戰。凡諸事爲必求。至當以此號令。得行肇成大業。今每遇祭祀。齋戒整心志。對越神明。而此心不能不爲事物所動。檢持甚難。蓋防閑此身。使不妄動。則自信已能。若防閑此心。使不妄動。尙難能也。善長等皆頓首曰。陛下此言。乃聖賢治心之要。心旣治。天下無難治矣。

（正大本第二）上旣御極。卽立長子爲皇太子。正位東宮。以定大本。戒之曰。天子之子。與公卿士庶人之子不同。公卿士庶人之子孫。一家之盛衰。天子之子。係天下之安危。爾承主器之重。將有天下之責也。公卿士

庶人不能修身齊家。取敗止於一身。若天子不能正身脩德。其敗豈但一身一家之比。將宗廟社稷有所不保。天下生靈皆受其殃。可不懼哉。可不戒哉。

禮部尙書陶凱請選人專任東宮官屬。罷兼領之職。庶於輔導有所責成。上曰。古者官不必備。惟賢能是用。朕以廷臣有才望勳德者兼東宮官。非無謂也。嘗慮廷臣與東宮官屬有不相能。遂成嫌隙。或生奸謀。離間骨肉。其禍非細。若江充之事。可爲明鑑。朕今立法。令臺省都督府官兼東宮官。贊輔之。父子一體。君臣一心。庶幾無相構之患也。乃命詹同取東宮官制觀之。謂同等曰。朕今立東宮官。取廷臣勳德老成者兼其職。老成舊人。動有典則。若新進賢者。亦選擇參用。夫舉賢任才。立國之本。崇德尙齒。尊賢之道。輔導得賢。人各盡職。故連抱之木。必以授良匠。萬金之璧。不以付拙工。同對曰。陛下立法垂憲之意。實深遠矣。於是以李善長等皆兼東宮官。乃諭善長等曰。朕於東宮官。不別設府僚。而以卿等兼之者。蓋軍旅未息。朕若有事以外。必留太子監國。若設府僚。卿等在內。事當啓聞。太子或有聽斷不明。而與卿等意見不合。卿等必謂府僚導之嫌疑。由是而生。朕所以特置賓客諭德等官。以輔成太子德性。且選名儒爲之賓友。昔周公教成王。告以克詰戎兵。召公教康王。告以張皇六師。此居安慮危。不忘武備。蓋繼世之君。生長富驕。泥於安逸。多忽於軍旅之事。一有緩急。罔知所措。二公所言。不可忘也。

劉基陶安言於上曰。適聞中書欲倣元制。設中書令。奏以太子爲之上。曰。取法於古。必擇其善者而從之。苟爲不善。而一槩是從。將欲望治。譬猶登高岡而却步。渡長江而同楫。豈能遠哉。元氏事不師古。設官不以任

賢惟其類是與。名不足以副實。行不足以服衆。豈可取法。且吾子年未長。學未充。更事未多。所宜尊禮師傳。講習經傳。博通古今。識達機宜。他日軍國重務。皆令啓聞。何必效彼作中書令乎。

(昭大分第三)元年夏四月辛酉。以封建諸王告廟禮畢。賜宴廷臣。上曰。昔元失其馭。羣雄並起。四方鼎沸。民遭塗炭。朕躬率師。以靖大難。皇天眷佑。海宇甯謐。然治天下之道。必建藩屏。上衛國家。下安生民。今諸子既長。宜各有封爵。分鎮諸國。朕非私其親。乃遵古先哲王之制。爲久安長治之道。羣臣稽首對曰。封建諸王。以衛宗社。天下萬世之公議也。遂詔天下曰。朕荷天地百神之靈。祖宗之德。起自布衣。艱難創業。惟時將帥用命。遂致十有六年。混有四海。功成治定。以膺正統。考諸古昔。帝王既有天下。子居嫡長者。必正位儲貳。其衆子則皆分茅胙土。封以王爵。蓋明長幼之分。固內外之勢。朕今有子十人。前歲已立長子標爲皇長子。爰以今歲四月七日。封第二子棣爲秦王。第三子搏爲晉王。第四子棣爲燕王。第五子櫛爲周王。第六子楨爲楚王。第七子靖爲齊王。第八子梓爲潭王。第九子杞爲蜀王。第十子檀爲魯王。姪孫守謙爲靖江王。皆授以冊寶。設置相傅官屬。凡諸典禮。已有定制。於戲。衆建藩府。所以廣磐石之安。大封土疆。所以養親支之厚。古今通義。朕何敢私。尙賴中外臣鄰。相與維持。弼成政化。

是歲冬十一月丙申。大封功臣。命大都督府兵部錄上諸將功績。吏部定勳爵。戶部備賞物。禮部定禮儀。翰林院撰制誥。以封功臣。次日上御奉天殿。皇太子親王侍丞相。率文武百官。列於丹陛左右。上召諸將諭之。略曰。汝等其能。朕今日定封行賞。非出己私。皆倣古先帝王之典。籌之二年。以征討未暇。故至今日。思昔創

業之初。天下擾亂。羣雄並起。當時有心於建功立業者。往往無法以馭下。故皆無成。朕本無意天下。今日成此大業。有非人力之所致。是皆天地神明之眷佑。然自起兵以來。諸將從朕披堅執銳。以征討四方。戰勝攻取。其功何可忘哉。是用報以爵賞。其新附將帥之有功者。亦如之。其次第皆朕所自定。至公而無私。如左丞相李善長。雖無汗馬之勞。然事朕最久。供給軍食。未嘗乏闕。右丞相徐達。朕起兵時。卽從征討四方。摧堅撫順。勞勩居多。此二人者。已列公爵。宜進封大國。以示褒嘉。餘悉據功定封。書云。德懋懋官。功懋懋賞。今日所定。若爵不稱德。賞不酬勞。卿等宜廷論之。無有後言。諸將皆頓首悅服。乃頒行爵賞。封公者六人。宣國公李善長。授開國輔運推誠守正文臣。特進光祿大夫。左柱國太師。中書左丞相。進封韓公。食祿四千金。信國公徐達。授開國輔運推誠宣力武臣。特進光祿大夫。左柱國太傅。中書右丞相。進封魏國公。食祿五千石。並賜帛百匹。開平王常遇春。子茂。封鄭國公。馮勝。封宋國公。李文忠。封曹國公。鄧愈。封衛國公。俱授開國輔運推誠宣力武臣。特進榮祿大夫。右柱國。並食祿三千石。賜帛各八十匹。封侯者二十有八人。湯和。封中山侯。唐勝。宗。封延安侯。陸仲亨。封吉安侯。周德興。封江夏侯。華雲龍。封淮安侯。顧時。封濟甯侯。耿丙。文。封長興侯。陳德。封臨江侯。郭興。封鞏昌侯。王宗原。封六安侯。鄭遇春。封營陽侯。費聚。封平涼侯。吳良。封江陰侯。吳幘。封靖海侯。趙庸。封南雄侯。廖永忠。封德慶侯。愈。通源。封南安侯。華高。封廣德侯。楊璟。封滎陽侯。康鐸。封斬春侯。朱亮祖。封永嘉侯。傅友德。封穎州侯。胡均美。封豫章侯。韓正。封東平侯。黃彬。封宜春侯。曹良臣。封宣甯侯。梅思祖。封汝南侯。陸聚。封河南侯。俱授開國輔運推誠宣力武臣。榮祿大夫。柱國。其食祿及賜帛各如左。並賜誥。

命鐵券。乃詔天下曰。曩者有元失馭。海宇紛爭。朕自布衣。奮身行伍。觀羣雄之無力。遂率衆渡江。撫太平。定建業。選將練兵。征討四方者。幾二十年。荷皇天宗社之眷。山川百神之助。諸將效謀。六師用命。遂致華夏清甯。蕃夷臣服。一統之業。屬予一人。今者。班師振旅。定功封爵。朕重念諸將士。委身暴露。艱苦萬狀。欲加重賞。則天下鎮守之兵。及京師護衛之士。不下百萬。而民之資力有限。是用計倉庫之所儲。度民力之所具。均其等第。尊爵祿。頒金帛。以勞將臣。仍稽古制。定勳爵。俾其子孫世襲。軍士則各賞白金十兩。錢六千。朕之此言。通于天地。昭布中外。咸使聞知。

(肅軍政第四) 洪武元年春正月。上以太史令劉基奏立軍衛法。乃自京師達於郡縣。皆立軍衛。大率以五千六百名爲一衛。一千一百二十名爲一千戶所。一百一十二名爲一百戶所。每一百戶下設總旗二名。小旗一十名。管領鈐束。通以指揮使等官領之。大小相維。以成隊伍。撫綏操練。務在得宜。毋敢紊亂。空歇。凡有事征伐。則詔總兵官佩將印領之。既旋。則上所佩印於朝廷。軍士則各歸其衛。而單身還第。其權一皆出自朝廷。而不敢有所擅調。

五年夏六月。降律令於各衛。禁止軍官軍人。不得於私下。或明白。接受公侯所與信寶金銀段匹衣服糧米錢物。及非出征時。不得於公侯之家門首侍立。其公侯非奉特旨。不得私自呼喚軍人役使。違者公侯三犯。准免死一次。軍官軍人三犯。發海南充軍。

(絕倖位第五) 上初卽位。會集羣臣。立綱陳紀。法體漢唐。略加增減。亦參以宋朝之典。內置中書省。大都督

府御史臺及六部等官外列都指揮使司布政使司按察使司及府州縣等官網維庶務以安兆民一革冗濫之弊

四年夏五月諭吏部尚書詹同等曰吏部者衡鑑之司鑑明則物之妍媸無所逃衡平則物之輕重得其當蓋政事得失在庶官任官賢否由吏部任得其人則政理民安非其人則瘝官曠職卿等居持衡秉鑑之任宜在公平以辨賢否毋但庸庸碌碌充位而已

六年夏四月令司部訪求賢才上曰世有賢才國之寶也古之聖王恆汲汲於求賢若高宗之於傳說文王之於呂尚二君者豈其智之不足也而遠遠於板築鼓刀之徒蓋賢才不備不足以爲治鴻鵠之能遠舉者爲其有羽翼也蛟龍之能騰躍者爲其有鱗鬣也人君之能致治者爲其有賢才而爲之輔也金山林之士豈無德行文藝之足稱者宜令有司採舉備禮遣送京師朕將任用之以圖正治

(定民志第六)上命中書省定官民房舍服色等第諭之曰昔帝王之治天下必定禮制以辨貴賤明等威是以漢高初興卽有衣錦繡綺縠操兵乘馬之禁歷代皆然近世風俗相承流於奢侈閭里之民服食居處與公卿無異貴賤無等僭禮敗度此元之所以失政也中書其以官民房舍服色等第明立禁條頒布中外俾各有所守以正名分

禮部上考定禮儀上謂尚書牛諒曰禮者國之防範人道之紀綱朝廷所當先務不可一日無也自元氏廢棄禮教因循百年而中國之禮變易幾盡朕卽位以來夙夜不忘思有以振舉之以洗染汚之習故嘗命爾

禮部定著禮儀。今雖已成。宜更與諸儒參詳考議。斟酌先王之典。以復中國之舊務。合人情。永爲定式。庶幾愜朕心也。又嘗諭於達等曰。禮法國之紀綱。禮法立。則人志定。上下安。建國之初。此爲先務。爾等爲吾輔相。當守此道。毋謹於始而忽於終也。

(新舊俗第七)六年冬十一月。命刑部尙書劉惟謙更定新律。每一篇成。輒繕書上奏。揭於西廡之壁。上親御翰墨。爲之裁定。務協厥中而後頒降。

七年春二月。新律成。其篇目一準之於唐。曰名例。曰衛禁。曰職制。曰戶婚。曰厯庫。曰擅輿。曰盜賊。曰鬪訟。曰詐僞。曰雜律。曰捕亡。曰斷獄。其間或損或益。或仍其舊。悉合輕重之宜。合六百有六條。分三十卷。(右申禁令)

上命諸司定文武科取士之法。諭之曰。上世帝王創業之際。用武以安天下。守成之時。講武以威天下。至於經綸撫治。則在文臣。二者不可偏用也。古者人生八歲。學禮樂射御書數之文。十五學脩身齊家治國平天下之道。曰以周官選舉之制。曰六德。曰六行。曰六藝。文武兼用。賢能並舉。此三代治化所以隆盛也。茲欲上稽古制。設文武二科。以廣求天下之賢。其應文學者。察之言行。以觀其德。考之經術。以觀其業。試之書算。以觀其能。策之經史。時務。以觀其政事。其應武舉者。先之以謀略。次之以武藝。取其實效。不尙虛文。然此二者。必先年責成有司。預爲勸諭。俾民間秀士。及智勇之人。各以時勉學。俟開舉之歲。以充貢京師。上嘗謂翰林侍讀學士詹同等曰。古人爲文章。或以明道德。或以通當世之務。如典謨之言。皆明白易知。無深恠險僻之

語至如諸葛孔明出師表亦何嘗雕刻爲文而誠意溢出至今使人誦之自然忠義感激近世文士不究道德之本不達當世之務故詞雖艱深意實淺近即使過楊雄相如何裨實用自今翰林爲文但取通道理明世務無事浮藻（右覈實效）

二年冬十月上諭中書省臣曰學校之教至元其弊極矣使先王衣冠禮義之交混爲夷狄上下之間波頹風靡故學校之教名存實亡况兵變以來人習於戰鬥惟知干戈莫識俎豆朕嘗謂治國之要教化爲先教化之道學校爲本京師雖有大學而天下學校未興宜令郡縣皆立學禮延師儒教生徒以講論聖道使人日漸月化以復先王之舊以革汙染之習此最急務宜速行之

八年春三月命御史臺官選國子生分教北方上諭之曰致治在於善俗善俗本乎教化教化行雖閭閻可使爲君子教化廢雖中材或墜於小人近北方喪亂之餘人鮮知學欲求多聞之士甚不易得今太學諸生中年長學優者卿宜選取俾往北方各郡分教庶使人知務學人材可與於是選國子生林伯雲等三百六十六人給廩食賜衣服而遣之（右育人材）

三年夏六月李文忠等遣人送故元皇孫買的里八剌及其后妃等到京中書上言宜獻俘太廟上以帝王之後有所不忍止令具本俗之服見至日上服皮弁御奉天殿百官具朝服侍班侍儀使引見行五拜禮見皇太子行四拜禮后妃朝坤甯宮命婦具冠服侍班禮畢賜以中國冠服并賜第宅及廩餼封買的里八剌爲崇禮侯誥曰昔帝王之有天下必封前代子孫使作賓王家其來尙矣元失其馭四海紛爭朕以武功削

平羣雄混一區宇爲天下。而主買的里八刺實爲元之宗孫。比者遣將北征。爾祖已殂。既克應昌。爾乃來歸。朕念帝王之後。爰稽古制。錫以侯封。爾其夙夜恭慎。稱朕優禮之意。上尙元主不戰而奔。克順天命。特諡曰順帝。上又以其后妃在京。不能耐暑。且北狄俎知食肉飲酪。乃勅中書省臣。務使之飲食起居適宜。若其欲歸。當遣還沙漠。(右優前代)

上以國家創業之初。禮制未備。勅中書省令天下郡縣。舉素志高潔。博古通今。練達時宜之士。禮送至京。於是各該有司。以儒士徐一夔。梁寅。劉子周。子諒。胡行簡。劉宗弼。董彝。蔡深。滕公炎。至京。時曾魯以元史方成。因奏留之。命與諸儒同纂修禮書。書成。賜名曰大明集禮。其書以吉凶軍賓嘉及冠服軍輅儀仗鹵簿字學樂律六者爲之綱。而其目則吉禮十四。曰祭天。曰祭地。曰宗廟。曰社稷。曰朝日。曰夕月。曰先農。曰太歲。曰風雲雷雨師。曰嶽鎮海瀆。天下山川城隍。曰三皇孔子。曰旗纛及馬祖先牧馬步馬社。曰祭厲。曰祀典神祇。嘉禮五。曰朝會。曰冊拜。曰冠禮。曰昏禮。曰鄉飲酒禮。賓貢。二。曰朝貢。曰遣使。軍禮三。曰親征。曰遣將。曰大將。凶禮二。曰弔賻。曰喪儀。樂律三。曰鐘律。曰雅樂。曰俗樂。其冠服車輅儀仗鹵簿字學各一。凡升降儀禮。制度名數。纖悉具備。通十五卷。詔頒行之。授曾魯徐一夔周子諒董彝以官。惟梁寅等六人以疾賜還鄉里。俱賞賜有差。

四年夏六月。禮部尙書陶凱製宴享九卷。樂成。其曲一曰本太初。二曰仰大明。三曰民初生。四曰品物亨。五曰御六龍。六曰泰階平。七曰君德成。八曰聖道成。九曰樂清甯。先是上厭前代樂章。率用諛詞以爲容悅。甚

者鄙陋不稱。乃命凱等更製其詞。至是上之。命協音律者歌之。謂侍臣曰。禮以導敬。樂以宣和。不敬不和。何以爲治。元時古樂俱廢。惟淫詞豔曲更唱迭和。又使北方之聲與正音相雜。甚者以古先帝王祀典神祇。飾爲隊舞。諧戲殿廷。殊非所以道中和。崇治體也。今所制樂章。頗協音律。有和平廣大之意。自今一切流俗。噍淫褻之樂。屏悉去之。（右正禮樂之失）

三年上以山川之神。不宜加以國家封號。定制止稱本名。詔曰。自有元失馭。羣雄鼎沸。土宇分裂。聲教不同。朕奮起布衣。以安民爲念。訓將練兵。平定華夷。大統以正。永惟爲治之道。必本於禮。考諸祀典。如五嶽五鎮。四海四瀆之封。起自唐世。崇名美號。歷代有加。在朕思之。則有不然。夫岳鎮海瀆。皆高山廣水。自天地開闢。以來。至今。英靈之氣。萃而爲神。必皆受命以上帝。幽微莫測。豈國家封號之所可加。禮不經。莫此爲甚。至於忠臣烈士。雖可加以封號。亦惟當時爲宜。夫禮所以明神人。正名分。不可以僭差。今命依古定制。凡嶽鎮海瀆。並去其前代所封名號。止以山水本名稱其神。郡縣城隍神號。一體改封。歷代忠臣烈士。亦依當時初封。以爲實號。後世諡義之稱。皆與革去。其孔子明先王之要道。爲天下師。以濟後世。非有功於一方一時者。可比。所有封爵。宜仍其舊。庶幾神人之際。名正言順。於理爲當。用稱朕以禮祀神之意。（右去悔岳之封）

上平日持身之道。無優伶近狎之失。酣歌夜飲之歡。正宮無自縱之權。祀嬪無專寵之幸。自以乾清宮爲正寢。后妃宮院。各有其所。每夕進御有序。或有浮詞之婦。察其言非。卽加詰責。故宮無妬忌之女。其外戚亦循理畏法。無敢恃寵以病民。寺人之徒。惟給事掃除之役。凡古昔所深患者。皆絕無之。上每有識記書札。輒命

皇后藏之。倉卒取視。后卽於囊中出而進之。未嘗脫誤。凡進上御膳。后必躬自省視。宮請曰。宮中人衆。可無煩聖體。后曰。吾固知宮中有人。但婦人事。夫不可不謹。膳羞上進。不可不潔。脫有不。至汝輩受責。吾心豈安。吾所以爲此者。一以敬上。而不敢忽。一以保汝輩。免於責也。豈謂無人邪。宮人聞之。莫不感悅。（右嚴宮闈之法）

二年春正月。上勅中書省臣曰。元末政亂。禍及生靈。朕倡義臨濠。以全鄉曲。繼率英賢。渡大江。遂西取武昌。東定姑蘇。北下中原。南平閩廣。越十有六載。始克混一。每念諸將相從。損軀戮力。開拓疆宇。有共事而不覩。其成。建功而未食。其報。追思前勞。痛切朕懷。人孰無死。死而不朽。乃爲可貴。若諸將者。生建忠。勇之節。死有無窮之榮。身雖沒而名永不磨矣。其命有司。立功臣廟於雞鳴山。序其封爵。爲像以奉祀之。

又嘗勅禮部官曰。自古忠臣義士。舍生而取義者。身沒而名存。有以垂訓於天下。後世若元右丞余闕守安。慶屹然當南北之衝。援絕力窮。舉家皆死。節義凜然。又若江州總管李黼。身守孤城。力抗強敵。臨難死義。與闕同轍。自昔忠臣義士。必見褒崇於後代。蓋以厲忠節也。宜令有司。建祠肖像祀之。（右厲忠節之詞）

監察御史高原佩言。京師人民。循習元氏舊俗。凡有喪葬。設宴會親友。作樂娛尸。惟較酒殺厚薄。無哀感之情。流俗之壞。至此甚非。所以爲治。且京師者天下之本。萬民之所取。則一事非禮。則海內之人。轉相視效。弊可勝言。况送終禮之大者。不可不謹。乞禁止。以厚風化。上是其言。乃詔禮官定官民喪服之制。上以唐宋皆有成律。斷獄。惟元不做古制。取一時所行之事。以爲條格。且比例太繁。胥吏因之。易爲奸弊。以出入人罪。故

自平武昌以來。即議定律。後臺諫既立。遂命左丞相李善長。學士陶安等。詳定而痛革舊例之繁。 (右刻積歲之弊)

北平錄

闕名

洪武元年秋七月。征虜大將軍徐達。副將軍常遇春。會諸將於臨清。率馬步舟師。進至通州。元主聞報大懼。集三宮后妃太子。同議避兵北行。詔淮王帖木兒不花監國。慶童爲左丞相。同守京城。夜半開建德門。出奔上都。達等至齊化門外。一鼓而克其全城。時上都特紅羅山。爲藩紅羅山。特上都爲援。皆不設備。遇春使人覘知之。即以銳騎銜枚。具十日糧。晝夜兼行。八月。破紅羅山。及上都。元主遂遁去沙漠。駐應昌府。冬十月。捷至。詔改元。大都爲北平府。

二年秋七月。征虜副將軍鄂國公常遇春卒于軍。詔贈太保。中書右丞相追封開平王。諡忠武。是歲故元將擴廓帖木兒。以兵犯蘭州。時元臣擁兵者。皆次第降附。惟擴廓帖木兒乘大軍之還。復烏合其衆。時爲西北邊患。自以家世封王。故又名王保保。

三年春正月。復命徐達爲征虜大將軍。李文忠爲左副將軍。馮國勝爲右副將軍。及鄧愈湯和等征沙漠。上問諸將曰。元主遲留塞外。王保保近以孤軍犯我州。其志欲僥倖尺寸之利。不滅不已。今命卿等出師。則當何先。諸將皆曰。王保保之寇邊者。以元主猶在也。若以師直取元主。則保保失勢。可不戰而降也。上曰。王保保方以兵臨邊。今舍彼而取元主。是忘近而趨遠。失緩急之宜。非計之善者。吾意欲分兵爲二道。一令大

將軍自潼關出西安。擣定西以取王保保。一令左副將軍出居庸入沙漠以追元主。使其彼此自救不暇。應援况元主遠居沙漠不意吾師之至取之必矣。事有一舉兩得者此是也。諸將皆悅服受命。

夏四月徐達等兵至蘭州。王保保時已引去。達等乃追至定西。大敗其衆。斬首無算。王保保遂棄走漠北。

五月李文忠等兵至應昌。元主前一月已殂。其太子愛猷識理達臘僅以數騎北奔。乃獲其皇孫買的里八剌及其后妃寶冊等物。悉送京師。六月捷至中書省。上言宜獻俘太廟。上以帝王之後有所不忍。止令其具本俗服見。至上服皮弁御奉天殿。百官具朝服侍班侍儀。使引見。行五拜禮。見皇太子。行四拜禮。后妃朝坤寧宮。命婦具冠服侍班。禮畢。賜以中國冠服。并賜第宅及廩餼。封買的里八剌爲崇禮侯。誥曰。昔帝王之有天下。必封前代子孫。使作賓王家。其來尙矣。元失其馭。四海紛爭。朕以武功削平羣雄。混一區宇。爲天下主。而買的里八剌實爲元之宗孫。比者遣將北征。爾祖已殂。旣克應昌。爾乃來歸。朕念帝王之後。爰稽古制。錫以侯封。爾其夙夜恭慎。稱朕優禮之意。上以元主不戰而奔。克順天命。今殂。特諡曰順帝。且以其后妃不能耐暑。况北狄但知食肉飲酪。勅中書省臣務使其飲食居第適宜。若其欲歸。當遣還沙漠。

冬十一月徐達李文忠師還至龍江。上親出勞於江上。達等奉車駕還宮。越明日乃率諸將各上平沙漠表。達表曰。乾坤宣五德之運。歷數在於一人。帝王開萬世之基。功業超於百代。千戈載戢。文軌旣同。欽惟皇帝陛下。聖神合德。文武成能。天命所歸。人心攸戴。拯黎民於塗炭。沛霖雨於焦枯。奮六帥而江漢奠安。揚九伐而荆吳底定。旋收淮甸。遂略中原。齊魯十二之山河兼旬俱下。幽薊百年之腥穢。一旦廓清。旣驅氐羶之羣。

遂復衣冠之治。何我師之奏凱而彼孽之再萌。培兒鞠頑敢寇攘於邊鄙。乘間抵隙。乃賊害於忠良。蜂蠶之毒。豈可復遺。熊羆之師。惡容不舉。臣第是用祗承明詔。恭行天誅。爰以今年四月之中。師至定西之北。逼虜營而築壘。出峪口以陳兵。將校懷敵愾之心。士卒憤超乘之勇。靈驅電掣。渠魁棄甲而遁。逃獸駭禽。驚虜衆望風而降。附吐蕃抱罕之列陣。無不土崩。忙忽高昌之羣酋。悉皆面縛。山川爲之輝震。草木爲之昭蘇。靈裝之迎。無思不服。幅員之廣。有德必歸。臣等仰遵廟算之成。幸獲大勦之集。治平有象。適遭千載之期。功德難名。願祝萬年之壽。文忠表曰。乾坤大一統羣生荷覆載之恩。日月麗中天。萬國仰照臨之德。誕敷文教。而治具畢張。繼揚武威。而妖氛頓息。臣民忻戴。海宇騰歡。欽惟皇帝陛下。卓冠羣倫。茂膺景運。皇圖啓祚。粵申命之。自天歷數。在躬遂化。家而爲國。拯生民之墊溺。救亂世之劬勩。大鈞播而品物亨。皇極建而彝倫敝。凡有血氣。莫不尊親。惟彼殘胡。敢行肆毒。竊乘間隙。侵犯邊陲。赫怒皇心。用加天討。爰聲罪而致伐。乃鞠旅以陳師。臣文忠賦質庸愚。託屬外戚。身受副將之寄。慚無贊畫之能。拜命闕庭。俾率熊羆之衆。總戒行陣。誓空胡馬之羣。前度關而興和之將。卽降後出塞而駝山之兵。旋輒進開平。乘破竹之勢。克應昌奮。覆巢之威。皇孫后妃兩宮之貴人。俱獲玉璽。金冊。歷代之重器。全收皇風。遠被於遠。荒胡運竟。終於此日。凡茲勦庸之建。豈因臣下之能。茲蓋伏遇皇帝陛下。廣運如天。宏謨蓋世。明見萬里之外。遂成千載之功。東日窟而西月氏。莫非王土。南炎荒而北瀚海。共惟帝臣。一統太平。萬年悠久。是日禮成。達等退自西階。皇太子親王及文武百官各上表賀。次日上躬詣郊廟。大告武成。命大都督府兵部錄上諸將功績。吏部定勳爵。戶部備賞物。戶部

定禮儀。翰林院撰制誥以封功臣。又次日。上御奉天殿。皇太子親王侍丞相。率文武百官列于丹陛左右。上召諸將諭之。略曰。汝等其聽。朕今日定封行賞。非出己私。皆做古先帝王之典。籌之二年。以征討未暇。故至今日。思昔創業之初。天下擾亂。羣雄並起。當時有心於建功立業者。往往無法以馭下。故皆無成。朕本無意天下。今日成此大業。有非人力之所致。是皆天地神明之眷佑。然自起兵以來。諸將從朕。被擊執銳。以征討四方。戰勝攻取。其功何可忘哉。是用報以爵賞。其新附將帥之有功者。亦如之。其次第皆朕所自定。至公而無私。如左丞相李善長。雖無汗馬之勞。然事朕最久。供給軍食。未嘗乏闕。右丞相徐達。朕起兵時。卽從征討四方。摧強撫順。勞動居多。此二人者。已列公爵。宜進封大國。以示褒嘉。餘悉據功定封。書云。懋懋官。功懋懋賞。今日所定。如爵不稱。德賞不酬。勞卿等宜廷論之。無有後言。諸將皆頓首悅服。遂頒行爵賞。封公者六人。宣國公李善長。授開國輔運推誠守正文臣。特進光祿大夫。左柱國太師。中書左丞相。進封韓國公。食祿四千金。信國公徐達。授開國輔運推誠宣力武臣。特進光祿大夫。左柱國太傅。中書右丞相。封魏國公。食祿四千金。各賜綺帛百匹。開平王常遇春子茂。封鄭國公。馮國勝封宋國公。李文忠封曹國公。鄧愈封衛國公。俱授開國輔運推誠宣力武臣。特進榮祿大夫。右柱國。並食祿三千石。綺帛各八十四匹。封侯者二十八人。湯和封中山侯。唐勝宗封延安侯。陸仲亨封吉安侯。周德興封江夏侯。華雲龍封淮安侯。顧時封濟甯侯。耿炳文封長興侯。陳德封臨江侯。郭輿封鞏昌侯。王志原封六安侯。鄭遇春封營陽侯。費聚封平涼侯。吳良封江陰侯。吳幘封靖海侯。趙庸封南雄侯。廖永忠封德慶侯。俞通源封南安侯。華高封廣德侯。楊璟封榮陽侯。康

鐸封蘄春侯。朱亮祖封永嘉侯。傅友德封潁川侯。胡美封豫章侯。韓政封東平侯。黃彬封宜春侯。曹良臣封宜甯侯。梅思祖封汝南侯。陸聚封河南侯。俱授開國輔運推誠宣力武臣。榮祿大夫。柱國。其食祿及綺帛各有差。並賜誥命鐵券。乃詔天下曰。曩者有元失馭。海宇紛爭。朕自布衣奮身行伍。觀羣雄之無力。遂率衆渡江。撫太平。定建業。選將練兵。征討四方者幾二十年。荷皇天宗社之眷。山川百神之助。諸將效謀。六軍用命。遂致華夏清甯。藩夷臣服。一統之業。屬予一人。今者班師振旅。定功封爵。朕重念諸將士委身暴露。艱苦萬狀。若加重賞。則天下鎮守之兵。及京師護衛之士。不下百萬。而民之資力有限。是用計倉庫之所儲。度民力之所具。均其等第。崇爵祿。頒金帛。以勞將臣。仍稽古制。定勳爵。俾其子孫世襲。軍士則各賞白金十兩。錢六千。朕之此言。通于天地。昭布中外。咸使聞知。乃大宴諸功臣。宴罷因曰。創業之際。朕與卿等勞心苦力。艱難多矣。今天下已定。朕日理萬幾。不敢斯須自逸。誠思天下大業。以艱難得之。必當以艱難守之。卿等今皆安享爵位。優游富貴。不可忘艱難之時。人之常情。每謹於憂患。而忽於宴安。不知憂患之來。常始於宴安也。明者能燭於未形。昧者猶蔽於已著。事未形。猶可以圖之。患已著。則無及矣。大抵人處富貴。欲不可縱。欲縱則奢。情不可佚。情佚則淫。奢淫之至。憂危乘之。今日與卿等宴飲極歡。恐天下定而忘其艱難。故相戒勉也。明日魏國公徐達率諸將詣闕謝。上退御華蓋殿。賜達等侍坐。從容燕語曰。今成一統之業。皆汝諸將功勞。達等稽首曰。臣等起自畎畝。際風雲之會。每奉成算。出師致討。其次第如指諸掌。及其成功。不差毫釐。此天錫陛下聖智。非臣第能與也。上曰。曩者四方紛亂。羣雄競起。朕與卿等初起鄉土。本圖自全。非有意於天下。及

渡江以來觀羣雄所爲強者不能自責弱者喜於戰鬪而皆無救人之心徒爲生民之患其味士誠陳友諒尤爲巨蠹士誠恃其財富則侈而無節友諒恃其兵強則暴而無恩朕獨無所恃惟不嗜殺布信義守勤儉所恃者卿等一心共濟艱危故來者如歸嘗與二寇相持人有勸朕先擊士誠以爲士誠切近友諒稍遠若先擊友諒則士誠必乘我後此亦一計然不知友諒剽而輕士誠狡而懦友諒之志驕士誠之器小志驕則好生事器小則無遠圖故友諒有鄱陽之侵與戰宜速吾知士誠必不能踰姑蘇一步以爲之援也向若先攻士誠則姑蘇之城併力堅守友諒必空國而來我將撤姑蘇之師以禦之是我疲於應敵事有難易此朕之所以取二寇固自有先後也二寇旣除兵力有餘鼓行中原宜無不如志或勸朕盪平羣寇始取元都若等又欲直擣元都兼舉隴蜀皆未合朕意朕所以命卿等先取山東次及河洛者先聲旣震幽薊自傾且朕親駐大梁潼關之兵者知張思道李思齋王保保皆百戰之餘未肯遽降急之非北走元都則西走隴蜀併力一隅未易定也故出其不意反旆而北元衆膽落不戰而奔然後西征張李二人望絕勢窮故不勞而克惟王保保猶力戰以拒朕師向使若等未下元都而先與之角力彼人望未絕因獸猶鬪聲勢相聞勝負未可知也事勢與友諒士誠又正相反至於閩廣傳檄而定區區巴蜀恃其險遠此特餘事耳若等可以少解甲冑之勞矣於是達等皆頓首謝上又嘗命廷臣試言前元之所以亡與朕之所以興誠意伯劉基進曰自古夷狄未有能制中國者而以胡人入主中國幾百年腥羶之俗天實厭之况末主荒淫法度墮壞民困於貧殘惡得而不亡陛下應天順人神武不殺救民於水火所向無敵惡得而不興上曰當元季君宴安於

上臣跋扈於下。國用不經。征斂日促。水旱災荒。頻年不絕。天怒人怨。盜賊蠶起。羣雄角逐。竊據州郡。朕初起兵。欲圖自全。及兵力日盛。乃東征西討。削除渠魁。開拓疆宇。當時天下已非元氏有矣。向使元君克畏天命。不自逸豫。其臣各盡乃職。孰敢驕橫天下。豪傑焉得乘隙而起。朕取天下於羣雄。不在元氏之手。今獲其遺嗣。嗣漢清甯。自非天之降福。何以至此。詩云。商之子孫。其麗不億。上帝既命。侯于周服。天命如此。其可畏哉。

明史雜詠

柴伯廉

小說之興。昉自漢代。蓋與正史相輔而行者也。武帝時馬遷作史記。厥後劉歆有西京雜記。或謂非歆作。然辭氣近古。殆非盡誣。夫正史所以紀一代典章之大。遺聞軼事。例不得入。往往於小說中見之。裴松之注三國刺取傳記所載。皆小說類也。宋子京修新唐書。世譏其好采小說。然司馬溫公作通鑑。亦兼及小說家言。然則小說固足以補正史之闕略。而爲有識者所不棄也。婁江柴伯廉。孝廉。風雅士也。好讀史。首尾精貫。而尤熟於有明一代故實。嘗取野史雜家之說。多明史所未載者。編成古今體詩數百首。上而宮壺遺事。下而委巷鎖談。靡不兼收並采。雖揆之史體。或未盡合。然要皆可驚可喜。不可磨滅之作。其大者足備廟堂。故其小者亦足資文人學士之談。曠孝廉可謂善讀史者矣。昔吾鄉尤西堂太史者。有明史樂府海內推爲才人。二百年來。無有與之抗行者。得孝廉此編。西堂殆不得專美於前矣。予旣偉其才。又喜其用心之有在也。遂爲之弁其簡端。

同治八年秋九月吳縣馮桂芬序

皇覺寺皇明雜錄帝微時

未聞同泰贖君身誰識閑黎九五尊
半夜伽藍先救佛寺僧夢伽藍曰寺中掃地者歸我充邊一家衣鉢
竟傳孫封桐豈料僧加帽遷鼎空留塔報恩成祖建塔長千里報
借得誌公舊坏土飯依終始覺王門祖

陸宗泰 字字警切

洞庭穴雜錄友族祖墓在洞庭湖帝私掘之

大蛇不死漢高手秦人一鹿當同烹
陳氏祖瘞洞庭穴帝發其骨成龍形
屠龍竟試斬蛇劍地脈干氣全無
靈帝王有真在龍種後宮妖夢啼甯馨帝夢友諫入宮
君不見陰風劫火金川門覆巢破卵誰兒孫

如魯公一筆書何止力透紙背呂家瑣

白駒場紀事本末張士誠

鹿走中原落日荒揭竿醜僧恣跳梁
江湖日下無完土吳楚之間有假王
一夜西風著菜葉幾家冷甕白駒場
薊勝楚開周時童謠張王做事業
只用黃菜一葉三軍軍也可憐東炬宮樓夕
碧血成燐泣苑牆雜錄齊門破士誠驅

三四勁四六工切 宗泰

彭氏名山藏明昇降封歸義侯

帝召其母彭氏入宮三年
花蕊已無院齊雲尚有春
桃花一掬淚莫是息夫人

伯廉胡尖刻乃爾秦宗

主君來

起起起。主君來。英雄奇遇古未有。撫背噴噴虎將才。太祖得遇春喜撫其背曰此吾虎將才也本是梟雄萬人敵。鐵馬瓊戈勇無匹。虵矛十萬如牆立。聳身一躍飛鳥疾。遂報主君得采石。嗚呼汗血百戰九絕倫。烹韓醢越嗟何人。男兒但當橫行沙磧死。裹馬不願褒鄂寫照生。鬪麟。

一結寫明祖誅戮功臣言外自見。王爾疇

青田行

青田山中隱者。乃當世之鳳雛。諸葛方真名士。子陵舊是狂奴。蟠胸數斗血淚。獨上西臺醉呼。少年不知許事。秀才且飲西湖。笑指西北雲氣。十年後當輔此。拂衣謝東諸侯。借箸作赤松子。功成胡不歸耕。辟穀乃因。醜死歎戲。讀寶劍行。吾惜公成進士。

中山王

貔貅十萬定燕京。汗馬功高鐵券盟。一角棋樓完勝局。幾家煙閣畫虛名。景升兒共嗟。豚忝亞父痕。先避狗烹。中夜淒涼。鵝子肉。不如馬革裹關平。

有雄傑氣秦問儲

老客婦列朝詩選上以楊維禎前朝老文學遺使觀之編核賦老客婦行送呈遂旋里

老客婦不再嫁。攘臂肯為馮婦下。微臣昧死言。上有堯舜。下有巢由。臣非薄富貴。野心不可留。白衣來。白衣去。吳淞江上聞鷓鴣。君不見佛影堂中學士宋濂。履聲簾外老臣危素。雜錄濂成夔州過一寺見老僧。濂居士前元仕否曰為學士僧遂

不下斷語。妙在請兩陪客。有無限神味。家璜

皮場廟。類編明初置。剝皮場於府州縣衙門側。立一廟中。祀土神。曰皮場廟。以儆賊吏。

剝皮場開縣門側。祀以土神。司厥職。帝曰。以之做食墨。革囊紫紫。兮新鬼。嗚咽。故鬼嬉。朝來何人。衣緋衣。文曲犯座。血肉飛午門。亦有忠臣皮。

冷峭 宗泰

王保保

功人功狗。刈如草。惜未得臣王保保。王保保。臣嗣王。元臣得此元。不亡死戴君。門天萬里一軍。孤擁和南方。從龍試屈英雄。指中山開平未盡死。帝胡嘖嘖。心羨汝。亦學大風歌。猛士嗚呼。忠臣耶。大將耶。但願來世生吾家。

引出證據。為元人生色。用來恰合題分。蘭卿

金吾射。史類明祖欲廢孟子祀。詔有諫者。命金吾射之。尙書錢唐祖胸入諫。

疾雷未下帝怒起。詔下禮官黜孟祀。敢有諫者飲汝。汝此老公然坦腹。前臣願得為孟子死。嗚呼。胡藍冤獄。

毒○甚○蠶○寇○讎○草○芥○將○毋○同○帝○實○慙○恚○交○填○胸○不○然○大○賢○而○可○攻○並○聖○曷○怪○完○吾○公○野錄魏忠賢自號完吾公

押攻字強如鐵鑄瑣 一氣轉折足見魄力之大 泰

雷斧石 雜錄洪武十一年雷震皇極殿御案上得一石如斧形帝恐立書詔赦獄中八百餘人

雷○響○無○聲○天○耳○塞○怪○哉○之○氣○化○為○石○真○宰○上○訴○天○地○愁○電○光○霍○霍○殿○上○頭○雷○神○稽○首○騰○雲○入○帝○起○再○拜○悚○卻○立○
立○碧○然○擊○案○石○一○拳○八○百○鬼○簿○滿○沈○冤○西○山○老○狐○喜○跳○語○石○破○天○驚○逗○秋○雨○

奇崛瑣

善長獄 功臣錄洪武十三年胡惟庸反詞連李善長詔勿問二十三年復廷訊始坐罪功臣同坐者凡十九家

事○成○分○以○淮○西○地○不○成○不○失○公○侯○位○語見洪武實錄兩人之言疑有無 醞越烹韓亦常事 子尚長公 主身封韓國公
此○老○當○以○富○貴○終○何○至○羽○翼○張○惟○庸○惟○庸○誅○殺○機○伏○十○九○家○駢○首○戮○事○更○十○年○始○定○獄○嗚○呼○沈○冤○入○地○風○怒○號○戴○頭○同○去○問○漢○高○

筆鋒著紙如血濡縷何止冰翦哀梨耶 師竹為浮一大白 泰

逃虛子 姚少師道衍自號逃虛子

初師妙智庵繼事席應真寂寂不耐彌勒笑願奉白帽歸天人一朝侍燕王簷瓦忽墜地沙門參得野狐禪
殘○人○骨○肉○以○為○戲○吁○嗟○乎○房○山○碑○何○崔○巍○自○家○和○尙○做○不○了○焉○用○認○汝○阿○姊○為○

史筆以滑稽出之的是妙才 張遜亭

靖難

倉卒緇衣換御袍。九江豎子曉翻濤。名羞管蔡充姬旦。冤代韓彭報漢高。一片氈毛零夜雨。半邊月影落江濤。果然城外飛來燕。鐵索磯頭鎖不牢。

警切精鍊。伯廉詠古詩。一時絕唱。奉

軍中祭

十二月朔夜半時。有被髮呼天而祭於野者。臣程少師曰。高皇帝在天知之。小臣濟未敢死。將負羈絏。從大師以歸。今冒戰功名在碑。吾師乎。吾師乎。完名恐為跡者狙。高皇帝曰。可。燕師來。椎以斧。石破天驚一角缺。如碎如礎。噫嘻吁。真宰上訴泣。風雨緇衣度。牒脫屣。去大索。軍中石不語。

有盲腐之化境。兼杜韓之勝場。急管繁絃為樂府。中開一生面。家璜

鐵尙書忠節錄鐵欽鄂州人洪武賜字鼎石

鐵尙書字鼎石。死年三十七。白日晝。晦天無色。立不跪。脛可折。罵不止。吻可裂。鐵椎夾屍。轉不得沸。油百鍊。堅如鐵。赫然如山。面南立。嗚呼。神遊天。靈遊地。火光一道如虹。氣臣死。去視高皇帝。

生氣勃勃。捫紙生稜。令人起立。遜事

遜國

滄海龍潛已渺茫。宮門劫火竟紅羊。未聞鸚鵡謠歌哭。豈意鳴鴉反斧斨。病虎眼中無北固。病虎謂道衍也。道衍有北

固青青眼倦看之句

羣鳥朝後尚南荒

惟有意鳥早晚朝建文貴州羅壘壁詩也

可憐舊日閒鷓鴣。曾否驪山問上皇。

伯廉成此詩示余曰。此時藝家尤王格也。今重閱此。如天女裁衣。一無針綫。痕迹誠非獵豔者。比宜老竹之

呼君才子也。拜服拜服。

瑣讀於秦州舟次

百纂字

方先生成王家。卿勿問草詔。須重先生名。先生奉詔腕不停。百纂字易十族。淇麻衣伏地泣。數語便抵傲草揮。陳琳燕許文章。董史筆先生惜墨真。如金嗚呼禪稿紛紛袖上殿。學士胡盧君不見。亦有大筆濡濡瀉。忍死與人作佳傳。

峭拔不羣。自是熟題生做之法。一結尤令胡中庸輩無處生活。泰

呼豬聲

君免乎紅皮篋。臣免乎血影石。兩先生約同盡節。王叔無言但默默。狀元歸家急如廁。闕中有猪尚未飼。叱叱牆頭呼不止。一猪不捨肯捨死。食言者肥肥如豬。求死不得真名士。

短小精悍之作。與前一首同一峭拔。泰

妙秀

冬夜臚記徐妙秀中山第三女仁孝皇后妹也。成祖聞其美。聘之。女伴狂不起。

中山第三女。乳名曰妙秀。再郤成祖聘。不願為皇后。繡佛誓披緇。白壁完貞守。宮中昔年劫火起。不食三日。悲欲死。曰何不御正殿以俟之。誰為朝廷謀。出此嗚呼齊黃之忠徒死耳。所見不如一女子。

奇女子卓識的是過人。正不嫌抹倒齊黃。瓊

瓜蔓抄

瓜蔓抄。嗟忠魂。齊黃死自全其名。株連百口冤覆盆。孝陵尚有未乾土。年年寒食哀王孫。君不見。摘瓜抱蔓。傷其根。

薄命婚史類胡廣女以上命字解縉子縉廣皆卒家欲別字女

春令故有匹不羨鴛飛江水自有味不羨河魴肥中懷一以結音書一以香誓死甘毀容相從願偕老來日鬢如雪去日顏如霞君看堦上血化為斷腸花吁嗟薄命婚裴哀淚沾臆父翁雖已亡去耳聰未塞

古節古音 遜亭

榆木川陳繼儒記成祖回蹕榆木川有美女至行宮次日啓視御帳僅有血數點殆夜叉也因秘之不發喪

榆木川頭古鬼語。獨體珊瑚化美女。旋風入帳滅寶炬。銅荷無光洒土雨。雌蜺涎垂兮龍腦。騰炎精之血點。三五昨夜空山泣。鬼姥瓜蔓冤魂鼓。且舞。

此元詞中急口令也。陰風尸氣出於紙上。幾疑是鮑家墳上鬼詩。一笑。 瑛

西楊謂士奇也

一代鹽梅佐。三朝雨露深。調羹先帝語。賜印老臣心。宮府仍奄寺。樓船尚海濇。獨修成祖錄。下筆費沈吟。

穩切 關卿

龍種詛 名世學山遜國時宮中火建文逸去遺有幼子成祖命世子育爲嗣卽宣宗也

馬渡江兮化爲牛。龍失水兮龍種留。東宮育麟麟赤紱。繫者誰知半邊月。史官大書太孫生。毋乃掩耳工盜鈴。君不聞元順帝牛龍在屋。還是趙家一塊肉。

負銅缸 名山藏庶人煎鑿遺遙城上命昇銅缸覆其背積炭焚之逾時斃死

銅缸何崔巍。然炭累累缸中人。兮熾爲灰。榆木川帝鬼坐呼。魂來笑且唾。謂余生汝如螺。羸汝何帝不類我。賊類我。

純是滑稽口吻。曲折波峭。神來之筆。泰

仆鐵牌 從信錄太祖鑄鐵牌豎宮門內曰內臣不得預政事王振去之

宮門中鐵三尺。上日月下霜雪。王先生如火。烈頑鐵何容當道立。安有周公坐不得。 鄭氏今言三殿成周公輔成王我不得一坐耶上 鷄鳴山血平。積焚將軍眼。眦裂躍馬持椎碎。爾脅笑爾之頭不如鐵。 事類

適鍊 蘭 卿

此處缺一首

周文襄

中丞來吳儂。喜官聲嘖嘖吳趨里。紅塵一騎行如飛。中丞來進錦地衣。老公捧觴大歡喜。好官織此錦地衣。噫。

噫字句雋冷有味 秦

土木狩

伯顏妻侍彈箏。幸不如宋道君。五國城也先妹。顏如玉幸不如劉阿斗。不思蜀。

此題詩與後鹿皮鳥七君子作俱伯廉創調。真樂府中神化之境。 秦

哥哥做

蘇材小纂英宗復辟鐘鼓大鳴景皇曰于謙耶左右以上皇對帝曰哥哥做好

兩帝雨帝雨再來。殿上鐘鼓鳴如雷。家兄皇帝帝如故。官家還與哥哥做。斧聲燭影疑。奈何行不得也。

哥哥

用成語如新脫口。斯為絕妙好詞。 遜享

復辟

鄜王監國同靈武。南內歸來亦上皇。此日竟尸于少保。當年未戮鄧汾陽。駿行倘亦瑤池樂。龍返將毋故劍

忘。帝后事見北狩記略翻幸金縢和不得。勝他五國臥冰霜。

石將軍

迎駕翻成復辟謀。君王已把戰功酬。石人卻誤妖童識。日惟石人不動。孤負兒曹鎖定侯。 名山藏字

鎖鎖其項曰鎖定侯

于忠肅

金甌再造力扶持。豈料童謠應。童謠云：鯨鯢冰上走，何處覓魚鱗。北宋未成南宋議，新君翻啓舊君疑。一腔熱血回天苦。兩字沈冤食報奇。莫道易儲無諫草，黃臺瓜摘子離離。

前咏復辟是雄渾。此詩尤精切。兩作俱極烹鍊。而又一氣呵成。故妙。瓊

玉玲瓏 明史稿英宗復辟有前所服帶曰玉玲瓏在景帝汪后所素之汪慍曰天下還上皇矣一玉帶必欲索耶投之井中

有鳥有鳥尾皇逋。得不求稻得壺壺。舊時天下已還爾。一玉玲瓏安用是。而尙區區不捨此。君不見鼎湖弓鳥。驪山鏡明皇。鈿合徽宗。騰珠還劍合。曾不付。

引證確實。如淮陰將兵。多多益善。瓊

曹吉祥

古來亦有中貴人。得天下耶。有之乃是君家孟德也。 用某御史與吉祥問答語將軍魏武之子孫不負此遙遙華胄者

阿瞞地下勿復噴。門生天子何足云。公然私擬九錫文。御史諾諾走狗紛。他日媚茲子。一人但有洗烏鯢。批鱗噫嘻吁。魚龍變化自有種。見囊駝謂馬背腫。

嬉笑怒罵之文。刻毒如是。 爾卿

吳處士 明史概天順元年十月遣行人官曹隆齋勅書聘江西處士吳與弼

行人齋詔來。先生臥不起。授以左諭德。掉頭歸去矣。意中辛野與商岩。禮今授宮僚。耳奈何就之。夢裏文王復孔子。 與弼曰錄多記夢每見孔子文王先生原是出山泉去作石亨門下士亨族譜稱門下士

古來道學諸公大率類是。先生直筆揭出。世有舉孝廉方正者。讀此應通身汗下。瑣

談諧諫史概憲宗亂萬貴妃用萬安劉吉西廠汪直等中官阿丑以詆諧諫帝有東方朔之風

閣中有一安紙糊沒心肝。糊三閣老之謔。臺中有一吉棉花耐彈得呼之曰劉棉花。閣老更有萬歲名。燒

葱搗蒜相胡行。老奴跟蹤帝笑。噓此亦東方善。諸謔長生亦有玉環妃。惜哉不用黃幡綽。

善於撫摺。比例工切。遜亭

王威寧明史稿正越以功封威寧伯

榆林雪夜醉飛觴。絃索金卮侍兩行。氈帳雙毳酬死士。戶至山藏越坐地。四妓彈琵琶。捧金卮。侍一千

百戰縛生王。中官門下愁金膝。老淚風前泣箭瘡。惆悵滿陵逢醉尉。胡笳吹滿鬢邊霜。越詩有樂為胡笳吹作雪之句

音節蒼涼。唾壺欲碎。遜亭

墮淚碑世史類編項忠平盜李胡子等作平荆襄碑和功曰此亦墮淚碑也

一戰復河套。再戰平荆襄。關外紀戰功。孰有如公強臺官。官受西廠指。朝上彈章暮片紙。壺頭自憐馬伏波。

忠自辨疏有馬援 峴首何慚羊。叔子烽火遶東虛。解圍繡衣謁者行。邊歸年年蔓草江頭綠。蕪沒空山墮淚

碑。

織造謠

織一網打一網。蘇州織造胡太忙。分明要織彌天網。即用謠語 朝官呵殿紛踉蹌。嗟嗟織造爾勿忙。爾不聞花石

綱時曠使四出徵求器玩章瑾以進寶石授鍊撫使懷恩曰此花石綱之漸也

節短韻長神似古歌謠 蔡問儒

二璫忠二璫覃吉懷恩也

老伴來讀孝經。老伴去讀梵經。孝宗呼覃吉為老伴事見史類甯殺恩陛下手無殺恩天下口儲懷恩不可因云云外庭

無人內有人。韋瑾事恩語兵部余子俊曰盡諫之余謝不敢恩嘆曰吾固知外庭之無人也後有覃吉前懷恩鐵牌何必留宮門

清甯災類編內監李廣造毓英亭成清甯宮災宮中言建亭犯太歲廣懼自鴛又籍廣家得一縷有饑黃白米至百萬石者上曰廣食幾何受此多許左右以金銀對

黃金如山穴巨鼠。鼠食幾何餉多許。亭犯太歲清甯災。有鳥噓噓咄咄語。烹弘羊。天乃雨。

警鍊語斌媚乃爾。問儒警策有致 蘭卿

祖東門明史纂劉瑾矯旨勅劉健謝遷致仕李東陽以緘默留因祖道東門執手泣下

岳王范亭死健遷去。祖道東華門。執手涕如雨。今日安用哭為耶。何不當時出一語。劉健豸有冠以觸邪。魚

有骨而哽噓。視汝舌尚存。怕櫻老公怒。嗚呼。老公并不怒汝翻喜。汝喜汝貌如婦人。女子膽如鼠。

長句險勁生辣。可喜。 瑣

琵琶行

大絃嘈嘈小絃急。詔獄呼囚囚飲泣。好風吹來狀元郎。劉瑾對山救我毋相忘。明年召起崆峒職。才人翻污

中官籍。中山一曲續復彈。誰人救汝康對山。負心儂。奈何許聽此琵琶拉雜語。翻手為雲覆手雨。

獻俘明史王守仁執宸濠將獻俘張忠等謂當縱之鄱陽湖俟上親與戰而後奏凱

我○辦○欲○飛○不○得○飛○棘○子○成○林○將○破○衣○奈○何○黃○石○磯○頭○之○水○流○不○歸○內○家○還○欲○殺○一○閹○為○法○王○為○水○帝○為○威○
武○將○軍○弄○兵○亦○兒○戲○嗚○呼○鄱○陽○湖○中○浪○如○山○縛○虎○易○縱○虎○難○

琵琶錯落入古。獻俘跌宕生姿。各擅勝場。可稱合璧。問僑

甯叔史苑武宗呼宸濠為甯叔

黃○石○磯○頭○十○萬○軍○號○清○君○側○指○燕○雲○先○朝○舊○有○周○公○例○一○樣○官○家○愧○建○文○

新建伯史料王守仁以平宸濠功封新建伯

隻○手○擒○濠○鈔○算○來○經○權○一○一○出○心○裁○能○於○道○學○開○生○面○不○論○功○名○亦○將○才○九○死○龍○場○輕○瘴○海○三○生○馬○革○薄○雲○

臺公少年夢謁伏波廟後亦囊尸歸以桂萼之譴奪其封爵乞恩肯負甯藩語片土香魂大可哀

史事以健腕運之。感慨中無限神味。三四渾灑流轉的真唐音。秦

婁妃怨

春○花○不○爭○妍○秋○花○不○愁○冷○妾○雖○女○子○身○忠○孝○能○時○省○君○君○長○自○傷○蛾○眉○嬾○修○整○井○水○本○無○瀾○何○時○理○素○纒○良○
言○本○非○甘○何○時○味○骨○鯁○江○流○一○以○深○妾○心○一○以○永○淇○淇○釣○魚○磯○零○落○芙蓉○影○

胎息於庾鮑諸家亦真摯亦古豔文中逸品也。蘭卿

宣府家江彬勸上於宣府治行宮蓋豹房珍玩美女實其中上樂之日家裏

將軍妙選勾欄伎。史檄上自署寶馬鈿車幸家裏。潘妃市酒至尊沽。官家又是無愁矣。日暮邊城奏鼓笳。榆林亦有玉鈎斜。豹房行幸雖云樂。不及君王宣府家。君王日夜追歡樂。又愛南來打虎曲。玉鞭拾得劉姨釵。油壁旋看寶奴趨。寶奴金陵伎也自號眉山妬殺雛。坊舊日花宮門。無復過羊車。可憐零落長門錦。頭白年年望翠華。蘭卿曰。是縮本連昌宮詞。讀之不覺其短。含毫渺然。是真才子。

渭塘云。渲染風車。一片光明錦也。又似七寶樓臺。打碎不成片段。青邱梅邨。瓣香未墜。

大禮議

定陶議。濮王議。一疏出。羣言沸。若以廟統論。康陵亦可繼。若以世統論。興獻自宜帝。若躋武宗。父孝宗。幼育宮中。始符例。兄終弟及。自古然。父易叔稱。犯名義。縱然死父。而可欺。奈何生母同藩妃。以子。臣。雷。有此母。以子貴。誰云非。嗚呼。奉天門前二百二十人。不負孝宗甘殉身。立言雖謬。皆忠臣。

劉焦抽繭。層層駁辨。可當博議一則。奏

白綾被。列朝詩集楊慎成雲南雪餅游城市諸伎服精白綾被酒間乞償書之曾輒購去

豆子關。打瓦鼓。陽平關。撒白雨。下白雨。寒龍女。織得絹。二丈五。留家於蜀故云。以上用綿洲歌。慎白綾被。龍蛇舞。夢迢迢。夜郎浦。

結用黃夫人何日金雞下夜郎句意。情境合離。耐人尋味。璜

河套

風颯高牆落雁聲。黃河以北不能兵。雲連馬嶺秋微戍。雪壓狼山夜築城。出塞早知功不就。開邊何必費無名。可憐自棄中原土。枯骨年年事戰爭。

於當日形勢瞭然指掌。方能作此侷儻語。真有景略捫虱而談氣概。

馮御史恩

彗星見天耳。瘍疔三奸呼天閻。根本替少帥。張魯腹心替。尚書汪門庭。彗學士方。汪鉉方請削除。應天象。攔上怒子廷杖。恩北跪銛。東向御史頭。忠臣樣。有死耳不書。狀聲公。冤公有子刺血書。疏一紙。縛闕下。請代死。戍雷州。脫西市。吁嗟乎馮御史。

韻脚天然。如鐵鑄定。佈局造句。結構緊嚴。尤見本領。璜

杖楊最明史略郭勳以方士段朝用見楊最上疏諫上怒曰一杖痛一杖毋脫之

郭也肥。進方士。長生藥。安用是。汝勿多言。多言杖汝死。書生之肉瘦。於臆兩股。不如行杖。蠶膽敢鼓舌。擲揄。吾嗟爾書生。太倔強。而怕一杖痛。一杖。

語語播著鼓心。不同凡響。問儒

鬪雞行野談錄京師呼江西人為鷄時黃溪押朝班分宜肩隨其下兩相皆江西籍高拱誦大雞昂然來句戲之

大雞昂然來。小雞竦而待。兩雞鼓翅角一雄。闌入雞羣有鸞在朝廷。大開門。雞坊左。右袒。爭引吭。介溪如鼠。貴溪虎。虎不能飛。竄於鼠淋頭大雨事。夏言誰鼓刀。袒嵩之。繡鸞亦鴉。吁嗟乎。收場君看卑田日。邵待都龍應。

林澗門雞檄青詞醮夜長漫漫雄雞無聲天下白

善用現成句。諸謔風生。自是君房語妙天下。遜亭

青霞哀明史沈鍊字青霞嘉靖朝進士官錦衣衛經歷

胡然白日陰靈翳天。廟堂結舌逢比弗前。觥觥小史恥爾丸全。涕零出師口折款虜。朝批彤鱗。夕編赤伍。請劍無雲。射姦有弩。癭相寄語。債帥巡邊。除蕩是急。蜚名白蓮。祕畫東窗。囚衣西市。破卵覆巢。孔融二子。吁嗟經歷。邊徹孤臣。誓為厲鬼。死不忘秦。椒山把臂。武穆後身。鍊就戮時詩云宋室忠臣在吾廳是後身可憐今將相又是姓秦人

此四言詩中銘體也。簡括本傳事。不溢不漏。斯為百鍊精金。秦

鈴山堂

鈴山岑寂廿年過。忽向朝堂竊太阿。富貴本非寒素幸。奸雄偏是善終多。老猶乞食同癩相。罪豈無名借島倭。回憶讀書蕭寺日。許身禹稷竟如何。

日不常午分宜壽日事見智壽樓記

炎炎者相公府。相公壽日畫扇戶。御史不得前。奴導入室款。盛筵一奴一官私。乞隣御史側。耳奴膝語望官垂。青官記取縱爾填門冠。蓋汗塵土噫嘻吁。日不常午。

筆力橫軼紙上行聲。遜亭

臣夫表野錄楊椒山獄事徐夫人張氏上疏乞代

臣夫前忤鬱。銜恩賜。漸雪。臣夫今忤嵩。顯恩望滅。末臣夫拜杖後。肌肉腐如墨。臣家苦饑寒。止臣紡供食。幸垂覆盆冤。延夫犬馬。齒若以罪不赦。乞臣代夫死。夫雖屏遠。方尙能禦魍魎。不然執戈矛。亦爲致命鬼。此疏不忍讀。讀之淚滂沱。孔雀自有羽。惡木非無柯。一鸞困幾死。百鸞將奈何。

老健之筆。手法絕高。與西堂樂府同題異事。合之可稱雙璧。璜

胡海林宗憲

閩嶠連兵備島倭。風高虎帳枕金戈。一朝名將如公少。珊瑚網梅林合餘姚時錢德淇雖二鼓常開戟門以待。幕下函書徵白鹿。胡得白鹿修表示徐文長文長另作一表上之海東。瑤瑟怨青娥。史料徐海出沒海上誘之降。殲焉。翠翹投江死。傷心自飲龍泉劍。曾爲常年殺賊磨。

三四爽宕五六工切。結韻得味外味。真是工夫到家之作。問僑

華亭相徐階

騎虎不得下。通夕繞牀走。此金十萬多。奈何卻勿受。受以結其心。殺以滅其口。嗜幼首當年事相。嵩爾亦權門。狗媚嵩用事。朝曦嵩敗事後。俟其無能爲殺之名。不朽跡爾。婪詐心實與世蕃。偶所以楊沈不肯一援手。

未免有鍛鍊語。然用筆生辣。是老吏斷獄手。斯爲筆挾風霜。泰

逐新鄭關臣傳高拱欲去馮保張居正灌其謀保矯旨令拱回籍

兩虎勢不下。倒戈授之操。江陵雖賣友。虎鬚實自撩。男子闖入宮。評爲拱所教。奇冤幸終雪。險未韞西曹。所以貴機密。不密人言撓。縛虎虎有佞。况乃縛不牢。

短小精悍 遜亭

江陵相

宣室初前席。經筵正拜官。委蛇中主眷。坐鎮廿年安。顧問慚伊傅。功名媿富韓。千奴方共膽。隻手欲迴瀾。內閣森巖地。先生禮數寬。賜來螭印。易備得袞衣。雖魚笏牙牀富。龍屏寶墨乾。椒湯調御箸。日影障宮紈。故相牛車老。馮保汪高拱事將軍。彝酒歡。李成梁事瓜金揮趙魏。廚俊飽吳餐。芒刺同膝乘。威稜奈豸冠。餘溫灰未死。匪玷壁應完。南國蠻煙戍。西華葛帳寒。勢遮天下目。論定蓋時棺。司禮重壇祭。分宜合傳看。容庵偶筆傳靈寶作明史記江陵與分宜合傳

幸留孫一脈。謂大司馬張同敵熱血瀝忠肝。

隸事妥貼。鍊辭清深。瓣香應在竹垞。五排中工整之作。遜亭

邵金 明史紀事李成梁立戰功受顯秩使人餽江陵金邵金受曰而主以百戰取功名我受其金是得罪高皇帝也

將軍幸自愛功名百戰何勞更餽金。儘有功高未膺賞。人間壯士已灰心。

奪情議

公饒我公饒。我撚鬚。迎屈膝。坐爾殺我爾。殺我索刀來。刎頸可相公。父死不歸哭。殿前糜爛書。生肉書。生去言。蠶起諷臺臣。使留己。嗚呼墨練從事亦。可於書生。勿復疵江陵。但恨前不如李南陽。後不及盧宜輿。

雙起突兀對結整嚴鈎縮奇嘖章法渾成 泰

堯齋禹齋類編世宗自號堯齋神宗自號禹齋

祖堯齋不如堯山中屢進仙人桃孫禹齋禹不如宮中屢獲妖人書嗚呼兩君法堯禹十鈞無一兩畫虎原為狗寫真唐虞幾許胡盧樣

刻畫盡相幾如頰上添毫問僑

倭房公類編房寔官御史按吳政聲狼籍嘗譚海忠介吳人呼為倭房公有倭房公賦

一龍與一猪豈龍之儔一薰與一蕕薰實蕕之讎咄爾御史官吳中熱灰炙手銅山銅一疏再疏彈剛峯吳人號汝倭房公倭房公勿怒蠓虱零星處窮袴秋宵還誦阿房賦

趣極 蘭卿

戚南塘

束髮從戎鎮薊門牙旗高颭夕陽曛閣中姬散草臺柳夢裏禽歸浪泊雲湖岸驕驢老居士郵亭射虎故將軍不堪落日燒荒歎唱與當年部曲聞燒荒行部將陳第作

音節嘹亮規撫中唐 蘭卿

續憂危竑議

諸公不為福王地鄭貴妃語宮中又獲危竑議危竑議出誰手此書似出清流口先生乞全郭侍郎太子語謂日郭正城也

誤服者。齧生光。主名誰不可。君不見黃羅襪。中一張帖。上有天啓。七下有崇禎。十七福王一。
證據奇確。足徵腹笥之飽。

挺擊

宮門白日縱無守。何至奸人膽敢走。鞠未得情。遽處決。實陰斃之。滅其口。瘋顛耶。行刺耶。禍王指使耶。抑閣
奴之故智耶。馮保陷高拱事羣疑影射椒房。慍上意了然。置不問。胡不見貴妃下輦。東宮門繡袍上溼。雙淚痕。

東林

高冠雲集鎮峨峨。壇坵東南本不磨。兩字但爲門戶重。三朝從此是非多。羣奸已撒漫天網。末路難揮落日
戈。剩有諸公清議在。不隨塵劫換山河。

才雄力足。領聯才神駿不凡。此極有關係詩。泰

紅丸

內宮美人歡未央。錦囊媚藥龍涎香。願延聖躬壽無彊。餌紅鉛。餌秋石。誰誤官家消渴疾。金丹豈是長生術。
忠臣忠臣詔賜金。若輩再誤甯無心。外庭無人斷斯獄。胡不刑曹細研鞫。胡弗究崔文昇。胡反寬李可灼。胡
未聞許世子不嘗藥。

移宮

婁猪化爲狗。張口食小龍。哥兒不得脫。手抱長髯公。楊大洪多髯神宗幼呼曰鬚子先生封后不可咄咄。大呼假父。尙有假

母豈無請移宮亦無奈宮中還有祖太太不愛乾娘指李選侍愛阿嬾指客氏不是哥兒駮胡爲乎一蟹不如一蟹

奇恣得未曾有創調亦別調也問僮

奉聖夫人信徵錄天啓二年賜客氏黃金印文曰欽賜奉聖夫人客氏印

雄狐綏綏見雌狸。狐雄不雄狸不雌。一雌一雄掉尾嬉。乾兒義子紛如糜。委鬼坐茄花紅。夫人最喜九千歲。呂家嫪毒何曾宮。狐耶狸耶厥種夥。浣衣血濺蛾眉赭。史概信王登極籍客氏得宮人奸者六人欲如李園故事因掠死浣衣局若然畫得舊胡盧。又是一牛換一馬。

波譎雲詭。拗折峭宕。視西堂之作。可謂後先瑜亮。

熊經略廷弼

再召平臺換戰袍。外庭獄吏議吹毛。可憐半夜收金印。無復長河洗寶刀。脫幘投時目如炬。屬餽賜後魄爲濤。廣甯一走公。應悔不死沙場死。法曹。

平允之詞不肯袒護一筆五六寫生氣凜然鬚眉欲活遜寧

二十四罪楊澹參魏奄款

鬚子先生怒如拂袖疏直入朝堂。揭抉出每干一寸心。來摑千奴膽。裂明年逮公北司獄。長安道上行人哭。囊中紫紫脯豕精。誰之贈者乞丐餘。見忠俠嗚呼二十四罪一疏耳如瓊。何況中宮趙高傳。

生趣橫溢。蘭癩。

六君子

明史稿魏監借熊廷弼獄斃楊漣左光斗魏大中周朝瑞袁化中顧大章於獄

鋤奸烈烈凜風霜。翻坐邊臣百萬賊。竟剗忠良埋詔獄。同騎箕尾訴高皇。血書諫草灰猶熱。肉化靈芝土亦香。逆焰縱能昏日月。普天何地不靈漿。

沉摯。瓊

五人墓

一擊無東廠。豐碑峙五人。莫輕荆謁伍。市井有君臣。

此題多少名作。以二十字括之。具見本領。泰

七君子

周宗建繆昌明周順昌李應昇黃尊素高攀龍周起元

冤不冤。點將錄。慘不慘。北司獄。羞不羞。功德碑。甘不甘。忠臣肉。高公不辱身。池水一盞碧。諸君百萬賊。百口辨不得。惟有大呼天地祖宗共殞賊。是月也大雨雹。地震數十丈。朝天宮。災雷火。王恭廠。見西銘文周來玉墓誌銘

用月令體作結。是此君創格。勁裝古服。日月斬新。泰

奉明珠

周岷公述魏奄欲羅織皇后信王有慈溪人陳大同為主文吏能生殺人一日二更信王至其家跪奉明珠一顆即位後跡之不可得矣

陳大同。狐九尾。叶米音能令老公怒。能令老公喜。羅織誰信王。耳忽雨忽雲。翻覆手跪奉明珠。為君壽。來日真龍。今日狗。嗚呼狐九尾。陳大同。天上日再中。跡之已為亡。是公明珠不復還。龍。

鹿皮島

試望平原臺草碧。血青燐荒臺斷磧。墟其無人當年毛帥屯兵在此一軍共膽百戰不死有帥書生自撒長城登壇手劍鼻首轅門邊臣至此亡國奚論更有曹文盧象昇戰骨劉羅杜杜征魂

從文通別賦得來妙於尺幅中具頓挫淋漓之致亦創調也璜

麻衣哀

生不必苦與。彘死不必衣。與冠馬蹶。鼓死萬死。攢麻衣。血裹身。蠟一斗。鏃一包。士舉。綴斂尸。不歸。盾噫嘻。乎軍門。夜報。統如鼓。宰相紅袍坐政府。時楊嗣昌以奪情柄政紅袍治事給事議之不顧也

愈簡潔愈精神。是詩家老境。璜

結句老健。有盤馬彎弓之勢。問儒

潼關哀

尙書代郡之偉人。橫秋一鷲搏霜。冥丸泥。西封百二秦。秦中墟。邑蠹。塊淪。饑為啄肉。啼莽。棗拍刀。蹶起一旅。振乃搜虎穴。追奔。魏賊胆。駭落鬚。絕倫宵小。蜚語。謗篋。陳法網。竟挂銜。鈎鱗尺符。被收。脫幘。瞋防邊。偵帥。驕不馴。魚羊四地。紛黃巾。廟堂附。髀起寇。恂旌。旗變色。壁壘。新羽書。促戰。驛騎。塵危語。恫喝。百喙。猜凍。雲壓。棧雨。泱旬。貌貅。萬竈。炊濕薪。甲裳。蟻虱。指凍。斃傳。觴行。炙午。一巡。入鼠穴。門馬。挂輪。如山。倒壓。尸塞。津一蹶。千里。援絕。隣還軍。潼關。填土。圍蟻。封四圻。狼內。踐奪。門夜。半敗。將。噴將。星墜。地光。作燐。揮刀。憤扶。睢陽。齟齬。思

一劍大義伸。夫人堂上芙蓉綉。峨峨從者紛。衆嬪梧桐金井波。鄰鄰粉脂紅膩。苦花春閨門死。節眉不舉。壓下將佐忠義均。參軍浴血馬。裹身手掖箕尾。驂紫震遙瞻。太華高嶙峋。嗟公英毅真天神。

純以偏師制勝。毛髮颯爽。褒鄂英姿。此又涪翁一派。蘭卿

周宜興

當筵手擲雉與盧。人朝弭耳鷹與狐。死灰復燃忽復燼。金吾門生擊地呼。永和宮裏弓鞋印。繡絲自著頭銜進。正是華清躑躅時。椒房又受官家慍。事見啓禎。堊乘龍顏不擇危機深。聲毛漿水空沉吟。先生賣身復賣國。僅此馬阮二萬金。嗚呼鷹犬誰援引。卽以子才刺子盾。晚蓋可憐甘蕉稍。纔有味來嚼已盡。

秦良玉

懷宗賜良玉詩蜀錦征袍手製成。桃花馬上請長總。世間不少奇男子。誰肯沙場萬里行。

錦衣玉貌請長纓。召對平臺拜詔行。天子尙會觀賜酒。美人何必盡傾城。宮袍赤汗桃花馬。繡纈紅翻細柳營。誰道鬚眉勝。山國征南愧殺左家兵。

三四旖旎絕世風情。瓊

福鹿酒

一寸之項五尺腹。醉人之味糟猪肉。努力盡此酒。一杯肉肉自倒非人推。我聞董相臍燃油燈。蕭公腹盡箭彌。由來富貴多彭亨。縱如朱粲設人肆。肥者糟滷肉。瘠者乾臘皮。雜以脯炙油醬醢。那有人鹿一釜同煎糜。君其舉肥數某某。尙有人彘姬媚猪后猪王帝。羶紛若狗。

偶然游戲賣弄家賞難待腹筒便奔湊喉下秦

流賊

卵賊者熊文燦餌賊者陳洪餉債帥驕心賊張膽治獄易治闔難坐失機會良可歎弄假成真祖語亦何有
得失俱從盜賊手當年騏驎待功臣今日諸臣努力香游魂如天山雨血千歲齒牙生白骨賊梳軍櫛民奈
常自裕何疏中論一夜君王散披髮

皇來兒李白成

三峯子前猪鬃峯二十三噴丸泥封鐵燈嶽嶽生旋風赤蛇昨日角已龍珊瑚骨節如青銅口餘生紀虎

來兒時入燕中鐵鑲書啓神祇宮難盱一一前生容楚談史乘明祖平演得十人魁盱敢戰愛其亂殺之

金星等斧之見畫軸中人各肖其貌嗚呼壯士亦鬼雄奈何死化真巢熊

有力量關卿

甯武關周遇吉事

尸陀暗咋啼鬼市鬼聲入鼓鼓聲死將軍斫陣駒如龍天半刀光陣雲紫七晝夜戰呼震天身被百創扶兩
齒屋脊銀刀一隊來隨著夫人箭光指手發一箭斃一人數十賊無一虛矢冒死奪還將軍尸鬚眉浴血糝
糊是星星火蕪焰烘天煉出紅顏照青史賊騎酌酒歌營中大同宣府真奴子天下盡如周將軍我輩那得
飛至此嗚呼若輩那得飛至此大同宣府真奴子

如史家敘崑陽之戰。風雨驟至。金鐵皆鳴。是何等神勇。問儒

左良玉

義旗倉卒下荆襄。鼓曲張燈醉未央。朝內已非劉越石。謂侯司河中誰惜李懷光。悲鳴馬。擺蹄先蹶。意氣鷹。韝飽欲颺。剩有龜年老賓客。江南零落鷺如霜。

哀感頑豔。璞

鼎湖歎

臂袒一肩。跳一足以髮披。而不瞑目。母后投繯已斷。魂昭陽殉劍。將埋玉柳棺。一具荒園地頭。家中官見。揮涕。髣髴官家舊。日容三尺龍髯。兩行淚。宵旰年來。事事非不知。何罪遭天棄。地下歎。噓十四王道兒去。問建文帝。嗚呼十八孩兒。入燕市。金川劫火。原相似。諸臣亡國。固有之。誰用諸臣。至於此。君不見。淒風苦雨。掖門開。尚有平章擔子來。甲申紀事。思陵殉萬歲山。左掖門開。宮女亂出。閣臣魏藻德猶喝道而來。宰相擔子見五代史。

中間議論自佳。結亦冷峭。泰

苦蕒圖。紀事本末。甲申之變。翰林徐汧出視。討同鄉從賤者。自畫其像於苦蕒間。

爾孤臣也。宜寤苦爾罪臣也。宜寤。甲申自畫出空山。寢席圖。夢中一覺。朝廷小多少。同鄉是李家。署門一一。修降表。嗚呼。越王殺父。爾竟忘一朝鹿。走蘇臺。荒臥薪原。不聞吳王。

沉著。泰

馬阮門

公聊半出馬阮門。紛紛奄黨虱聚禪。毋乃胡藍獄內之冤死魂。否則父母清白人樣子。胡遽一窩風兒父闈。寺逆燼。星星灰不死。槐國衣冠闕成市。我聞乃公所居曰禪窟。銅山有穴中窩藏。虱我其間附羶蟻。乞兒向火心偏忙。高皇在天掩袖泣。爾輩么麼安足責。惟有官家此座真。真可惜。

福世子

南渡江山又一家。深宮重見玉鈎斜。可憐故劍悲人疑。曾否分羹念帝祀。狎客春詞誇寶輿。孤臣諫疏瘞梅花。六朝一樣風流夢。尚有胭脂殉麗華。

史閣部

那堪帝子竟無愁。殘局支撐誓雪讎。四鎮有兵文信國。三分無地武鄉侯。侍中衣血梅花塚。相府秋聲蟋蟀籌。嘆息當年開府日。靖南未得駐揚州。

三四工絕。結句目光如炬。

太子獄

吁嗟乎。龍胡為魚服。今游於網中。嗟嗟漁父。今不知爾之為龍。龍不變化。今不如潛龍。魚而龍服。今靈以為龍。龍而魚服。今嗟嗟網中。

用傳贊體。絕妙好詞。瓊

左羅石

水覆不再收。雨落不上天。天落可上天。孤臣乃生還。朝拜表夕奉。使聖代原全。義士生臣心。自為先皇死。雪窖甕為孤。竹薇梅花塚。即文山市忠魂。南望小朝廷。糟粕乾坤半。酒鬼古鬼詩。人三百年此。亦南朝李若水。

兩典史

一十萬人併命死。一九之墟血如水。可憐八十一日中生拉。生人死作鬼。人鬼相持互死生。鬼聲一夜喧城市。此時十五葉先王地下吁嗟好。男子相逢若問臣。何官云是區區兩典史。

奇橫之筆。何止握拳透爪。秦

舟山哀

南略魯王遷舟山或勸張國維為與復計國維嘆曰古來誤天下者文山壘山也遂死溺

宋家是誰誤天下。文山壘山兩人者。半壁殘山一葉舟。舟山又是匡山也。少帝魂歸蜀道。鶻孤臣血葬胥濤。馬欲從海國。關乾坤除是龍王水。宮瓦嗚呼仙霞關外降。旗起幾人死。為忠義鬼木石維墳。精衛魂江潮自沒。零丁壘衣冠無地。瘞梅花一片丹山山水。

瞿桂林

瀝酒高皇雪滿呼。乾坤何地可撐扶。渡河縱有宗留守。負帝誰為陸秀夫。國脈已隨纜瘡。盡忠魂不憾鬼雄。孤國敵子雲亭上。虞山老頭白曾修野史。無

賈冕西鼓詞

木皮散人

山不可搖。雲霧宣其氣。海不可量。潮汐洩其機。山海尚有不平之積。而况人之食味。別聲被色。而生者哉。當其寂處。聞然如蠶斯縛。如蝶斯奮。悲喜交集。曲折萬端。泊乎應感。起物心術。形焉。蚩蚩者隨起。而滅稍。有聰明爲之詠言焉。長歎焉。播之音樂焉。蓋余橫目古今之書。莫非心之不平爲之也。天心不可見。聞嘗驗於山之雲。曳紫流光。而必不同於昨日。又卽驗於海之潮。涵天浴日。而必不同於去年。因知心之所觸。各有淺深。目之所遇。各有彼此。心動於中。目接於外。如矢在絃。發不可遏。工拙盡偏。全奚恤。昔自湘江。囚繫尙疑。怨君蠶室。腐史不免孤憤。六經而下。不詭大道者鮮矣。至於文心不同。各創體制。以言語而變。盱睢以鳥迹而變。結繩。褒貶易誓。詰之文。紀傳改編。年之體。文章異態。夫復何窮。乃有傳奇。固三百篇之餘緒。亦越演義。亦麟經。左史之支派。蓋予讀文獻通考之續書。尙列琵琶水滸之稗史。竊謂感慨深言之痛切。尺幅窮萬古之變。片言發千載之覆。如賈先生之鼓詞。卽謂子美詩史。屈平天問。以來堪步。後塵焉。蓋未多愧也。先生濟甯人。字曼西。失其名號。明時進士。其家世亦未暇考。至作書之故。亦未及周知。然觀其字成鬼。哭絲動石。破者先生之唾壺。欲碎先生之柔翰。萬折矣。塗鴉小兒。依口學舌。自矜醇正。方以先生之訕毀。昔氏。噤口不敢道。則是仁義禮智之字。苟楊不識。其點畫易象。春秋之文。莊老未窮。其旨歸也。嗚呼。小知不及大知。豈特蝸與鶯鳩云爾哉。統九騷人撰序。

(序二)余之序賈先生鼓詞。在乾隆元年丙辰秋也。逾年七月二十三日。復爲論述其意。偶以新病。屏筆墨者二十有四時。旣愈而後卒其事。蓋文不加點。難免刺謬。而詞以達情。不避指摘。爰復爲之序曰。

文章之來邈矣遠哉。其端肇於鳥迹。而其盛發爲典謨。臯、夔、拜、手、明、良、作、焉、且、夔、分、陝、清、廟、詠、焉、祭、而、成、章、所以敷皇猷。扶心傳其繫重矣。三代權操於上。故曉言有禁。而橫議者誅。漢世權操於下。故言不雅馴。則薦紳緘口。若是方技百家之說。畔經離道之書。隱僻怪誕之論。學士大夫畏而去之。肄業非所及也。而况乎稗官野史之流哉。顧吾聞尼父之言曰。博奕用心。猶賢乎已。東坡之言曰。苟有可觀。皆有可樂。然則文章小道。大雅不廢。街談巷議。雅化攸關。粵自周室東遷。雜說蠶起。心心有主。喙喙爭鳴。莊叟內外之篇。非堯舜而是桀紂。苟卿禮樂之論。薄孔孟而雜刑名。乃至亂民必誅。而游俠立傳。草竊必殺。而水滸爲書。士君子心胸壘塊。天地文章。借得杯酒互爲草稿。但能以意逆志。何妨往返而不返。則予之流覽於賈先生鼓詞心之所注。何不可焉。且夫君子務知大者遠者。小人務知小者近者。念予家號雅儒。室有縹緗。雖名山之業。未敢妄希。平先進而春官之筆。亦且留意於鴻文。屬以覆盆永戴之故。而中郎萬卷零落。無存。惠子五車。差池未覩。自計身已敗矣。名已裂矣。金殿視草。虎帳飛檄。既已零落於春夢。而載酒問字。對月評詩。又復契闊於鄉儒。惟此鼓詞一冊。風雨晦明。與我共對。時一抱膝長吟。而闕茸獄吏之輩。亦頗能解其旨趣。吟之既久。感之愈深。序而存之。論而述之。譬猶蠅之轉糞。已忘其臭。更如鳩之食蛇。言甘其毒而已矣。嗟乎哉。文章一道。何往不存。苟有心得。隨遇而解。牛鐸可以知樂。曝背可以獻君。故琴瑟在御。而三郎。殫鼓解穢。文爲湧泉。而門人說鬼傾耳。近世之士。沈沒墨牘。文似而實非。尙不如鼓詞之不捨牙慧。使讀者有鬚眉起舞之樂也。時丁巳七月二十七日。統九驕人再序。

開場

論地談天講王說伯。第一件不要支離不經。第二件不要荒唐無味。言言都是藥石。事事可作監戒。那剛胆的人聽說那忠臣孝子也動一番惻隱。那婆心的人聽說那奸佞邪淫也起一番嗔怒。卽如荆軻報讐。田橫死節。講到這個去處。令人慷慨悲壯。吐氣爲虹。又如那忠臣抱恨。孝婦含冤。講到這個去處。令人咨嗟傷歎。歎歎流淚。再提起那曹操殺董承。秦檜害岳飛。講到這個去處。令人怒髮衝冠。切齒咬牙。恨不能生嚼他幾口。又如提起那武二郎手刃西門慶。黑旋風殺場上。劫宋江。講到這個去處。令人心膽俱快。躍然舞起。真個要替他操刀。如歸湖之范蠡。奔山之張良。飄然長往之劉基。看這些人前半截的施爲。功業儘該去做。如驂乘之霍光。得君之管仲。恃功請王之韓信。看這些人後半截的結果。名利事就不爭了。見多少拔山舉鼎的好漢。到後來反害其身。可見生死爲難逃之天。雖說是勢力也不全在勢力。見多少舌劍唇槍的英雄。結果處百無一成。可見成敗有一定之數。雖說是智謀也不全在智謀。想周公恐懼流言。王莽謙恭下士。說到這個去處。可見人心叵測。再不可以言貌取人。像陽貨譏仲尼。臧倉毀孟子。講到這個去處。可見毀譽無憑。是非顛倒。聖賢不得時也。遭世路坎坷。嘗過這些滋味。參透這些機關。纔知道保身是哲士貪位是鄙夫。安分是君子。妄爲是小人。唐虞夏商周。到底同歸於盡。巢許伊周呂。可以並傳不朽。盤泥飛天。各有長短。廊廟山林。各有所好。明公漫道。這是說書的浪談。於人心實有補助。但古今書史。汗牛充棟。從那里開頭。石渠天祿。萬卷千箱。打何處說起。有了有了。釋悶懷。破岑寂。只照着熱鬧處說來。

十字街坊。幾下捶皮千古快。半生湖海。一聲醒木萬人驚。鑿破混沌作兩間。五行生尅苦金纏。
兔走鳥飛催短景。龍爭虎鬪耍長拳。生下都從忙裏老。死時纔會把心寬。一腔填滿荆針刺。
兩肩挑起亂石山。漢陵唐寢麒麟冢。只落的野草閒花荒地邊。到不如粗茶淡飯茅屋下。和風
冷露一蒲團。科頭跣足閒玩耍。醉臥狂歌號酒仙。日上三竿眠未起。算來名利不如閒。從古
來爭名奪利不乾淨。好叫俺老子江頭白眼看。
你看滿目蒼蒿遍地荒塚埋。了多少豪傑也該喚醒大夢。怎麼太上老君。已是住了三十三天。還儘力拉
風匣。落得個踢倒丹爐。成了火燄山一座。花果山孫悟空。已是做了齊天大聖。又去西天取經。路走了八十
一遍。死裏逃生禍中求福。可見富貴功名。最能牢籠世界。在下有一對聯。敢爲聒耳。
混雜的。萬般色相直死歪。生欺軟怕硬。若要平頭正臉。便無世界。
滾圓的。兩個東西連明帶夜。斜行倒走。
倘或叉手打坐。那有乾坤。

又有一首西江月。一併請教。

混混茫茫歲月。嚷嚷鬧鬧塵寰。雖然頭上有青天。自古何曾睡眼。死後七顛八倒。生前萬苦千難。神靈享祭
鬼鬪錢。善惡沒人招管。

老子江頭漫自歸。販來今古作生涯。三百二十八萬有餘載。只用俺幾句閒言講到他家。一時

張開談策口。管教他萬古英雄沒了遁法。混沌初開人物雜。三皇御世駕龍車。庖羲掌教結羅網。鳥躲魚藏把命花。炎帝神農嘗百草。赭鞭草木早生芽。督允反了蚩尤氏。黃帝爲君起了征伐。滅了涿鹿十里霧。從此後欺軟怕硬亂砍殺。

這三皇五帝前後世界。原無文字。纂紀不過衍襲口傳。其間出頭的人物。各要仗自己本領。制伏天下。不知用了多少心機。使了多少氣力。費了多少唇舌。經歷了多少險阻。利害幹過了多少殺人放火的營生。教道壞了多少後人。

你看那茹毛飲血。心已殘。燧人氏着火。又加熬煎。有巢氏不肯在山窪裏睡。遂使那榆柳遭殃。滾成了椽。自古道。牝雞司晨。家業敗。可怎麼伏羲有妹。坐了金鑾。女媧氏鍊石補天。多費手。到於今。萬里覆盆。不見那曆天。少昊命天都曲阜。雲陽埋葬小山尖。顓頊遷國高陽去。有孫彭祖字錢堅。高辛建國亳州住。有四妃生了四聖共八元。只因帝摯九年。諸侯廢。立了個陶唐大聖紀堯年。洛水滔天。誰惹的禍。那百姓鱉嗑魚吞。死了萬千。伯益氏放上一把無情火。狼蟲虎豹也。不得安然。四岳九官舉大舜。一十六字接心傳。丹朱不才臣做主。神禹爲主。又遇着傳賢。爲舜挂的三年孝。四百歷數紀夏元。善射的后羿篡了位。少康一旅整朝權。自從放了夏桀帝。這又是黑色牛犢命該全。

自從神堯坐了哥哥的寶位。大舜得了丈人的家私。神禹受了仇人的天下。成湯奪了暴主的江山。其間一

瞬○千○年○難○明○就○裏○也○有○可○哭○的○也○有○可○笑○的○在○下○只○一○言○兩○句○教○他○哭○也○哭○不○得○笑○也○笑○不○得○

那時筋黑洞洞的世界難睜眼。怎麼得清朗朗的乾坤過上幾年。沉沉重的山河纔到了地。輕清

清的星月未着上天。神人雜處魑魅狂。也虧了三唱更雞驚動鬼門關。那時有十日並出幌了一

幌。唬的些狐子妖孫透胆寒。吃虧了善射的后羿放了九枝鷗翎箭。那十個紅輪只剩了一個圓

爲甚麼大旱七年不下雨。桑林白馬祈龍涎。最可笑剪爪當牲來禱告。不成體統怎麼傳。只

見他桑木板頂在腦瓜上。也不怕滴溜了泥丸打了眼圈。全仗的挺硬的脊梁擔重擔。誰教他擻

起屁股唱個喏圓。更可笑古董斯文知禮數。左拉右扯坐了席筵。誰興的祭祀玉皇殺白馬。側

惹的九萬里清虛把惡心翻。

這話都是中古時候幹的營生遭的年景也有停當的也有不停當的其中最停當的只是神堯大舜雖做
了一朝人王帝主却得一身脫淨萬古傳留且說堯爲甚麼把天下與了舜他想着我這寶位原是我帝堯
哥哥的我將他熱騰騰的寶位坐了七八十年於今髮白齒落也算快活設了可歎生了個兒子丹朱教他
一盤圍棋也不會下待於八位皇子中檢一個聰明伶俐的傳位與他又道天下爺娘向小兒還怕小兄弟
們不知好歹七拗八掙又加上洪水未平共驩苗鯀一般利害行貨倘或乘機弄起刀兵九位皇子那里招
架得起就是兩位公主也要魂魄飛魄散東躲西藏欲把天下讓了巢父許由他又拿頭捏腳洗耳牽牛逃得
影也沒了想一個千妥萬當的法子捨得却還是留得訪聞著有一個壯年好漢吃辛受苦孝行過人不免

將他喚來。試看試看。把九位皇子。託給他兩位公主。嫁給他。後來就委他收拾了四凶。再把天下讓與他。既不落老年帝主與兵誅戮的名色。又省的惹下許多冤仇。我那後代子孫也免得受刀下之苦。這是不把天下與了兒。便把天下與了女。所以說堯讓天下與舜。

正是天下原非一人有。子孫傳流不到頭。堯承翁業真奇事。不是大舜千古仇。想當時陽城一避。雖然假。又怎奈朝觀謳歌不自由。

再說舜爲甚麼把天下與了禹。舜想道我從耕田耙地出身。這天下是我丈人給我的。何嘗是俺家世傳的祖業。也不是白手打來的江山。當年鯀治洪水。八年不成。原來天數如此。就是懷山襄陵。合該有此劫難。道與他相干。我承岳父之命。將他殛死。羽山化作一個三足黃鼈。我又生下一個商均。不肖之子。恰好外甥隨舅。那鯀却生的兒子。神道廣大。伏虎降龍。手下天兵。天將。那等利害。自古道打倒不如就倒。不免把這儻來的天下。做個現成人情。落個好相與結識了。這個英雄。他也就恩怨兩忘。我也好身名無累。主意定了。遂帶着英皇二位娘娘。駕幸湘湖。還是避湯城的故事。假託名色。說五年巡守。原是舉例如此。一去不返。遂即宴駕蒼梧之野。這就是舜把天下讓與禹。

正是百丈纓纜千尺篷。一帆高挂水天空。縱然颶母風頭險。只在丹山碧島中。英皇鼓瑟何必多啼哭。也省得湘竹班班血點兒紅。

再說那幹得停當的。屈指無多。就數着了。周家文武父子。也算得真正聖賢。真正豪傑。那豪傑認得真。真拿得

定忍得住。下得手纔幹。事自從姜里中潛龍七載。從伏羲八卦演出。生剋剝復之理。凡卜世卜年。九五飛天。以及洛邑定鼎。東周降秦。都算的明明白白。雖曰人事。實由天命。自我看來。總之弱肉強食。盡之乎矣。最可恨。翻舌頭的殺才崇佞虎。挑唆的西伯。囹圄住成了家。散宜生定下一條胭脂粉計。獻上個與周滅紂的女嬌娃。因此上姜里放出周西伯。倒加上提調兩陝專征伐。夜夢飛熊獵渭水。收了個能征慣戰的姜子牙。世子納聘了邑姜女。全仗着白鬚丈人把舵拿。他爺們晝夜商議行仁政。那紂王胡里胡塗在黑影爬。幾年家軟刀子割頭不覺死。只等得太白旗懸。纔知道命有差。自西伯得專征伐。三分有二。還咬著牙根不肯動手。到臨終時密囑世子道。時至勿疑。至世子承襲。天命已歸。陳師牧野。燒了姐已。劍誅了商紂。天下方爲周有。假如武王假斯文道學起來。高抬貴手。姜太公刀下留情。那紂家十萬億的子孫。六百年的故舊。安知不死。灰復燃。况有伯夷叔齊一班義士。微箕膠鬲無數忠臣。就是太子武庚。還不是敗家之子。於今替他想一想。

那紂王七十萬雄兵肯出力。那武王前思後想留點人情。姜太公一肚子陰符少施展。那虎賁三千喪了殘生。黃金斧鉞折了刃。甲子日回不去孟津城。三位叔叔保來武庚的駕。朝歌城一戰。齊唱凱歌聲。到於今武王縱有千張嘴。誰是誰非說不分明。所以武王認得真。拿得定。到這忍不住的時。便狠一狠。就下了毒手。一刀請下紂王的頭來。懸在太白旗上。姜太公白髮飄飄。鷹揚馬上。指麾三軍。布告中外。放了三聲大炮。又吶喊了三聲。哈都來看紂王的頭呀。那

朝歌城裏人山人海。

一齊說無道昏君合該死。咱把這新主龍爺尊又稱。這纔是一刀兩斷君臣定。秤錘綁住在定盤星。全不想六百年的故主該饒命。同口說七竅的賢人爲甚割了心。嗟沒眼色的餓殍叩誰的馬。你看俺行孝的君王還載著木父親。滿街上拖男攜女去領鉅橋粟。後宮裏美女佳人跟著虎皮軍。一霎是血流標杵殺了個淨。這才是自古靈樞第一君。

後來倒賠上了兩位孔懷兄弟才成就了一吊八百算來縱就是積德累仁還是強的得手弱的吃虧因想起夏桀不殺成湯於夏台成湯一得脫身却放夏桀於山東定陶縣遂囚死南巢商紂不殺西伯於羑里遂落了這場結果後世如趙國不殺秦家質當的異人帶犢子呂政便滅了趙國鴻門宴楚霸王不肯害沛公烏江問渡高皇帝定要逼死項羽那韓信不聽蒯徹之言背畔高祖高祖却用呂后之謀害韓信寫不盡今來古往懊悔殺壯士英雄按下後事再整前腔。

靈長自古讓周朝。王氣東還漸漸消。春秋瓜分十二國。七雄割據逞英雄。秦家雜種把六國滅。只落得胡亥子嬰沒有下梢。烏江逼刎了盟兄弟。負義劉邦功業高。當初腰斬白帝子。變了個謙恭王莽篡了朝。光武中興桓靈敗。錦繡江山姓了曹。三人結拜桃園義。三顧茅廬不憚勞。累殺了英雄只爭掙三分鼎。不如那甘受巾幗的曉六韜。赤壁慶兵把心使碎。際的先王剛把命逃。木牛流馬排八卦。六出祁山替誰家熬。

你看那周秦兩漢轉眼都成夢幻。曹瞞欺孤滅寡。落了萬世的罵名。司馬懿依樣葫蘆。看他有何結果。

秋風吹落中營星。銅雀春深一望空。賈履分香還掉鬼。曹瞞死後馬啼鳴。你看他如狼似虎惡

父子。再一輩行酒驛亭打支應。那劉聰札住圍營洛陽縣。堂堂的主公降了驛丞。金牛跳了能

行馬。玉板登舟化做了龍。奸心狡計司馬氏。百年何嘗有一日甯。正是生靈血混長江水。到

於今一陣風來草木腥。

話說兩晉風流又變做了六朝金粉。其間五胡雲擾後起了十六處烟塵。在下錯斷龍掉尾。省些兔頰文。

江南五代起宋家。一擲百萬羊狡猾。龍行虎步生成貴。可怎麼八世爲君都犯着殃煞。蕭梁事

業傳同姓。同泰寺舍身把金錢花。侯景兵來神不祐。餓死臺城睜着眼巴巴。陳霸先陰謀奪了

幼主位。隋楊堅害了外甥起大家。無人倫的楊廣殺了父。積作的看花揚州把命搭。這其間六

十四處刀兵動。十八國改年建號。亂如麻。何時翻了江河水。淘淨潢池戰血沙。

再說大唐之國氣象何等冠冕。體統那樣廣大。傳國二十一主。享祚三百餘年。然春秋責備賢者。且將他倫

常宮闈排說幾句。並梢帶五代過手。後接入大宋遼金。

大唐傳國二十輩。李世民血濺宮門兄弟上差。後宮裏四百宮人放出去。倒把個巢刺王把做了

渾家。不識羞的則天戴上冲天帽。沒志氣的中宗還把盆口誇。洗兒錢接在貴妃手。赤條條的

祿山學打個哇哇。擅殺了留後自稱節度使。藩鎮當權主征伐。碭山的賊民升了御座。只有那

殿下獠。搗了幾搗。從此後朱溫家爺們滅了人理。爬灰的老賊被兒子砍殺。沙降陀將又作了皇帝。十三太保亂當家。石敬瑭倒踏門女婿。奪了丈人的碗。堂堂男兒靠著個嬌娃。李三娘的漢子又作了唐高祖。咬齧郎登極忒軟。郭雀兒兵來撐不住。把一個後漢江山送與他。最可憐三娘打水受了半生苦。作了太后臨朝還在亂軍裏爬。郭雀兒天下落在妻姪手。柴世宗販傘螟蛉沒太差。五朝八姓轉眼過。日荒摩盪照天家。紫雲黑龍護真主。陳橋兵變統中華。身加黃袍伴打掙。這還是香孩兒郎弄狡猾。聽信娘親把江山讓。燭影搖紅是甚麼家法。二支承襲偏興旺。賢臣猛將總堪誇。那其間生龍活虎遼金夏。鐵馬銅鎗亂擠插。雖然出了幾個賢國母。馬角不生睜著眼。三百年的江山倒受了二百年的氣。掉嘴的文章當不得斷綬。道通天地有形外。男兒金繒費扒扒。日射晚霞金世界。擔頭折盡江南花。雄糾糾契丹並阿骨打。中原拉碎亂如麻。滿朝裏道天講學空拱爪。鐵桶乾坤半邊場。從古至今皆如此。說那些古董斯文作甚麼。十二道金牌害了岳武穆。也是他講和的秦檜不打死蛇。宋朝裏的江山原沒一統。鐵木真殺戮蠻情手太辣。可惜了文天祥脚不著地全無用。陸秀夫葬江魚腹。齧牙。這是那宋家崇儒重道三百載。天遣下兩位忠臣來報他。

在下只兩片唇一張嘴。把他那六七百年的英君懿主。武將文臣。驚天動地。伯業皇圖。生前的金甲玉印。死後的白骨紅塵。一氣攢來幾言道。破列位試猜一猜。只有八個字。還是欺軟怕硬。直死歪生。

世事茫茫不可論。北元又起奇渥溫。幹灘河上雄兵擺。大宋凌夷換了乾坤。剪斷截說到了順帝。優游不斷任權臣。反了挑河貧手十七萬。引起了山童妖氛戴紅巾。皇覺寺裏生好漢。英烈歸心不讓人。徐達三軍無對手。闔外排兵常遇春。沐英鄧愈胡大海。十八個豪傑建大勛。誰想分茅裂土山河淨。血流之災又在本門。長子早亡孫承重。爲甚麼仗着毒叔謀幼君。他八十歲回家也該饒命。到於今骨頭渣子沒處尋。方孝儒自作原該自己受。那朋友門生是他甚麼親。鐵鉉死守濟南府。只掙了一對女兒落在風塵。這纔是大水冲了龍王廟。狠心的金龍不認得一家人。有一朝金枝玉葉風吹落。報應在渦轍裏龍子與龍孫。爲甚麼說到中場便罷手。只怕你鐵石心腸也拭淚痕。

在下不是逞自己多聞。誇自己多見。但讀些古本正傳。曉得些古往今來。你看那溝窪裏十字大路上。放响馬的賊棍。騎着馬。兜着弓。撞着那寶貨客商。大吐一聲。那客商就跪在馬前。叫大王爺饒命。雙手將金銀奉。上那賊棍用弓梢接住。搭在馬上。揚鞭徑去。到了楚館秦樓。偎紅倚翠。煖酒溫茶。何等快活。像俺談策之輩。也算九流中的清品。不去仰人家鼻息。就在十字街坊也敢師生對坐。只是荒村野店。冬月嚴天。冷炕繩床。涼席單被。一似僵臥的袁安。嚼雪的蘇武。

像俺這滿肚裏鼓詞。蓋着冰冷的被。倒不如出鞘的鋼刀。挑着火炖的茶。

列位老東主。你聽這却不是異樣的事。從來熱鬧場中。便宜多少。驚羔賊種。幽囚世界。埋沒無數孝子忠。

臣比干夷齊。誰道他不是清烈忠貞。一個剖腹於地。兩個餓死於山。王莽曹操。誰說他不是奸徒賊黨。一個竊位十八年。一個傳國三四代。還有甚麼天理。話猶未了。有一位說道。你說差了。請問那忠臣抱痛六月。飛霜孝婦含冤三年。不雨難道不是天理。昭彰麼。我說咳。忠臣抱痛已是苦了。好人六月飛霜爲甚麼。打壞了天下嫩田苗。孝婦含冤那里還有公道。三年不雨又何故。餓死許多百姓。况於已經害了的忠臣。孝婦何益。曾記的在某鎮上。也會說過這兩句話。有人也道。你說錯了。到底是積善之家。必有餘慶。積不善之家。必有餘殃。我便說不然。昔春秋有位孔夫子。難道他不是積善之家。只養了一個伯魚。落了個老而無子。有人說他已成了古今文章祖。歷代帝王師。依我說來。就留着伯魚。送老他礙不着文章祖也。不了帝王師。再說三國志裏曹操。豈不是積不善之家。共生了二十五子。大兒子做了皇帝。傳國五輩。四十六年。又說他萬世罵名。依我說來。當日在華容道上。撞着關老爺。提起青龍偃月刀。砍下頭來。豈不痛快。可見半空中的天道也。沒處捉摸。來世裏的因果也。無處對照。你是和誰使性。和誰賭氣者。

忠臣孝子是冤家。殺人放火的天怕他。倉鼠偷生得宿飽。耕牛使死把皮剝。河裏游魚犯了何罪。刮了鮮鱗還嫌刺。殺人的古劍成至寶。看家的狗兒活砸殺。野雞兔子不敢惹禍。剝成肉醬加上蔥花。殺妻的吳起倒挂了元帥印。可怎麼頂燈的裴瑾多捱了些嘴巴。玻璃玉盞不用。倒不如錫蠟壺。磁打。打牆板兒翻上下。運去銅鐘聲也差。管教他來世的鴛鴦醜似鬼。石崇託生沒個板渣。海外有天天外有海。你腰裏有幾串銅錢。休浪誇。俺雖沒有臨潼鬥的無價。

寶。只這三聲。鼙鼓走徧天涯。覽罷閒言歸正傳。試聽俺光頭生公講大法。

原跋

木皮者鼓板也。嬉笑怒罵之具也。崇禎末年先生以明經傳家。爲縣令。遷部郎。鼎革後高尙不出。行年八十笑罵不休。自曲阜移家滋陽。閉門著書數十卷。木皮子之嬉笑怒罵。有憤心矣。鄉人多不解。有沛縣閻古。諸城丁埜鶴。爲手訂付其子。蓋閻丁當時常往來其家云。

按此本贈彘人口。而大同小異。外有太師摯適齊章平話一篇。已僂入桃花扇中。蓋木皮先生以前代逸民憤結於中。隱姓埋名。一鼓一板。遨遊城市衢巷。間信口成文。與屈子離騷。虞遷史記同一抑鬱而發。爲不平之鳴。使聞者歎。歐悲感。有心者各錄其稿。故詳略不同。前兩序爲予曾伯祖萼亭先生諱。口口作先生。雍正癸卯拔貢。高才絕學。終身不第。抑鬱以終。曾因事逮繫。其悲憤之氣。有不覺溢於楮墨者。所著詩古文詞。經義韻學。已刊望奎樓全集。今板已漶滅大半。未刻者有註釋奇門烟披釣叟歌等書。其治河一冊。則采入經世文編矣。諸城野鶴先生所著十餘種。亦尙有藏本未刻者。惜皆未觀其全。同治戊辰閏月。竹石主人附識。

永嘉五年。晉懷帝蒙塵於平陽。劉聰以帝爲會稽公。

七年春正月。劉聰大會。使帝青衣行酒。旋遇弑。

懷帝武帝子

建興四年。晉愍帝降於劉聰。劉聰假帝光祿大夫。五年。劉聰出獵。令帝行車騎將軍。戎服執戟爲導。後大會。

使帝行酒。旋亦遇弑。愍帝武帝子。

臨海公主。初封清河。惠帝女。賈后所生。洛陽之亂。爲人所略。傳賣吳興錢温。温送女。女遇之甚酷。元帝鎮建業。主詣自言。元帝誅温。及女改封臨海宗正曹統尙主。

驛承事不見正史。

太安之際童謠云。五馬浮渡江。一馬化爲龍。及永嘉中。王室淪覆。元帝與西陽汝南南頓彭城五王獲濟。而帝竟登大位焉。初玄石圖有牛繼馬後。故宣帝深忌牛姓。旣其大將牛金。而恭王妃竇通小吏牛氏而生元帝。元帝晉宣帝曾孫。

桓玄篡晉。宋高祖從桓修入朝。或說玄曰。劉裕龍行虎步。恐不爲人下。義軍旣起。桓玄憂懼。無復爲計。或曰。何慮之有。玄曰。劉裕一世之雄。劉毅家無擔石之儲。樓蒲一擲百萬。何無忌。劉牢之甥。酷似其舅。共舉大事。何謂無成。

宋武帝少帝文帝孝武帝前廢帝明帝後廢帝順帝。凡八代。多被廢弑。齊高帝武帝廢帝鬱林王廢帝海陵王明帝廢帝東昏侯和帝。凡七代。梁武帝簡文帝元帝敬帝。凡四世。

陳武帝文帝廢帝宣帝後主。凡五世。

周武帝聘隋高祖女爲太子妃。宣帝卽位。以后父徵拜上柱國大司馬。宣帝崩。靜帝幼冲。高祖入總朝政。始封隋國公。繼封隋王。加九錫。遂受周禪。周靜帝爲高祖外孫。高祖諱堅。煬帝高祖子。名廣。隋

大業九年三月丙子。濟陰人孟海公起兵爲盜。衆至數萬。庚子。北海人郭方頂聚徒爲盜。自號盧公。衆至三萬。五月己卯。濟北人甄寶車聚衆萬餘。寇掠數邑。六月乙巳。禮部尙書楊元感反於黎陽。七月癸未。餘杭人劉元進舉兵反。衆至數萬。八月癸卯。吳人朱燮。晉陵人管崇。擁衆十餘萬。自稱將軍。九月己卯。濟陰人吳海流。東海人彭孝才。並舉兵爲盜。衆數萬。如此者不可勝數。所謂六十四處刀兵。指此。

隋大業末。天下大亂。劉武周起馬邑。林士宏起豫章。劉元進起晉安。皆稱皇帝。朱榮起南陽。號楚帝。李子通起海陵。號楚王。邵江海濠歧州。號新平王。薛舉起金城。號西秦霸王。郭子和起榆林。號永樂王。竇建德起河間。號長樂王。王須拔起恒定。號漫天王。汪華起新安。杜伏威起淮南。皆號吳王。李密起鞏。號魏公。王德仁起鄴。號太公。左才相起齊郡。號博山公。羅藝據幽州。左難當據涇。馮盎據高羅。皆號總管。梁師鄭據朔方。號大丞相。孟海公據曹州。號錄事。其別後諸盜。尤不勝數。後至唐初。皆討平之。

唐高祖至哀帝。共二十世。武則天。唐書列於本紀。故曰二十一主。武德九年六月。秦王世民。殺太子建成。成元吉。建成元吉謀害秦王。房玄齡杜如晦等。勸秦王先除之。長孫無忌等入伏兵於元武門。射殺建成元吉。爲尉遲敬德所殺。元吉諡曰巢刺王。妃有殊色。太宗納之。

高祖后武氏。唐曰周。號則天皇帝。

中宗后韋氏。與武三思。雙陸。帝爲之點籌。

元宗妃楊氏。以安祿山爲養子。帝賜洗兒錢。

朱溫礪山人初從黃巢爲賊。後竊兵柄。遂行篡弑。易唐爲梁。荒淫無人理。爲子友珪所殺。唐莊宗名存勗。晉王李克用之子。其先世本號朱邪。後自別曰沙陀。克用以破黃巢功。封晉王。多收養子。號十三太保。明宗李嗣源。卽養子也。石敬瑭。明宗之壻。代唐爲晉。李三娘。劉漢高祖后。高祖名智遠。又代晉爲漢。

殿下糊猴。幕府燕閒錄。昭宗播遷隨駕。有弄猴者。猴頗馴。能隨班起居。昭宗賜以緋袍。號孫供奉。朱梁篡位。取此猴。令殿下起居。猴望見全忠。徑趨其前。跳躍奮擊。遂被殺。

咬臍郎。漢隱帝也。郭雀兒。周太祖也。太祖無子。養柴后之兄子榮爲子。是爲周世宗。

香孩兒。宋太祖也。太祖陳橋兵變。黃袍加身。皆太宗預與諸將謀。杜太后傳弟之詔。趙普金匱之書。皆太宗深謀也。燭影搖紅。史不明言太祖之被弑。第云遙聞斧聲。及太祖好自爲之一語。遂爲千古疑案。然存疑者。正以實坐太宗之弑也。

宋太祖趙匡胤。涿郡人。父宏殷。爲周檢校司徒。岳州防禦使。娶杜氏。生帝於洛陽夾馬營。赤光滿室。異香經宿不散。人謂之香孩兒。軍校苗訓。號知天文。見日下復有一日。黑光摩盪者久之。指示匡胤親吏楚昭輔曰。此天命也。是夕次陳橋驛。匡胤時被酒臥。欠伸徐起。將校已露刃列庭曰。諸將無主。願卅太尉爲皇帝。匡胤未及對。黃袍已加身矣。衆羅拜。呼萬歲。掖上馬還汴。匡胤攬轡曰。能從我命則可。不然。我不能爲若主矣。皆下馬曰。願受命。

董遵誨父宗。本仕漢。爲隨州刺史。宋主徽時往依焉。遵誨一日謂宋主曰。每見城上有紫雲如蓋。又夢登高臺。遇黑蛇。約長百尺餘。俄化龍飛東北去。雷電隨之。是何祥也。宋主皆不對。

宋太后杜氏疾革。召趙普入受遺命。且問宋主。汝知所以得天下乎。由柴氏使幼兒主天下。若周立長君。安得至此。汝百歲後。當傳位光義。光義傳光美。光美傳德昭。宋主泣曰。敢不如教。

湘山野錄。太祖召太宗入禪。其夕遙見燭影下斧聲。遂令宋家兄弟。有千古不決之疑。

光獻曹后。宣仁高后。欽聖向后。元祐孟后。皆賢后也。

契丹遼之初號也。阿骨打。金太祖也。日射晚霞。全世界擔頭。折盡江南花。皆宋時詩識也。

木真。元太祖也。

文天祥入燕。坐臥一小樓。不履其土地。後畢命於柴市。陸秀夫負帝昺投海而宋亡。幹離河。元太

祖發蹟之地。元順帝失政。挑動黃河天下反。亦識記也。紅巾賊以韓山童爲首。明太祖始投皇覺

寺爲僧。徐達。常遇春等十八人。皆開國功臣也。

太祖立惠帝爲太孫。嗣位建文。中靖難兵起。永樂乃有天下。

稗史言惠帝易僧服遁出。成祖求之不得。至正統五年。詣恩州。自稱建文皇帝。迎八大內。號老佛。以壽終。方孝孺夷十族。相傳禍及師友。似不足信。

鐵鉉家屬沒入教坊司。

甌江逸志

王十朋字龜齡。梅溪樂清人。年四十七。魁天下。以書報其弟夢齡。昌齡曰。今日唱名。蒙恩進士及第。惜二親不見。痛不可言。嫂及聞詩。聞禮。可以此示之。詩禮其二子也。此二語者。上念二親。而不以科名爲喜。特報二弟。而不以妻子爲先。孝友之意。可見矣。爲御史。首彈丞相史浩。乞專用張浚。上爲出浩帥紹興。龜齡又上疏言舜去四凶。未嘗使之爲十二牧。其忠義。蹇諤如此。今世俗所傳荆釵記。因梅溪劾史浩入罪。孫汝權實德。惡之。史氏切齒。遂令門客作此傳。以讎之。蓋玉蓮乃梅溪之女。孫乃梅溪同榜進士也。史客故謬其說耳。又有一說。玉蓮實錢氏本娼家女。初玉與之傾心許嫁。王後。王狀元及第歸。竟不復顧。錢憤而投江死。二說頗異。大約傳奇中如此。假託附會者極多。不足深究耳。

正統丙辰狀元周旋。溫之永嘉人。楊文貞所取。一甲三卷。未決狀頭。問同事。有識周旋儀表者。否其人。以面白豐美。對遂以旋卷首。晉及臚唱。陛見貌寢甚。衆論悵然。蓋所問者。周旋所答者。淳安周瑄也。此數之前定如此。

季德卿。福以選薦。應順天鄉試。先日主試者。謁張文忠。文忠素啣季。接談頃。方提季福姓名。遽報客至。起而迎之。未竟其說。主試者謂張所注意。謹誌之心。初未解其欲斥之也。卒爲取之中式。夫以權相斥一儒生。如發蒙振落耳。反藉之發名。信有命哉。

張永嘉字敬當。國時有一致諷起復。補官入辭。例當用手本。而誤用折簡。張相怒。召文選。以折簡與之。而未

言也。會二尙書。至而忘之。文選出。莫得所謂。以爲相君知厚也。持白大家宰。破例陞郡通守。一日張相忽記憶。召故文選。問而去之。其人已抵任三年矣。

瑞安黃醫。名鳳素。戒殺刻太上感應篇。印施無數。已未春。病劇。恍惚被二役捉去。至中途。見三神人立空中。一黃衣者曰。此人奉行感應篇。可速放回。二役云。快去。黃以足疲不前。役扶之歸。已三鼓矣。家人方灌以參湯。黃遂甦。備述其故。病尋愈。後黃年古稀。鬢眉復黑。齒落更生。

平陽周震。恃才無忌。甫秋試。語父曰。我等貴子。非爾所生。父忍之。已而震雙目忽盲。變驢鳴而死。有人死而復甦。見震在冥司。冥主命吏藉之作驢。震辨曰。何罪。冥主曰。汝忤逆不孝。非畜而何。震曰。旣爾願就善地。冥主曰。汝眼界自大。俾覆兩目。行磨受箠也。蒙皮而去。

東嘉有梅大歇者。學神仙之術。一日芹宮釋奠先聖。大歇與其友某言曰。天下丁祭多矣。一聖人詎能遍降。試同汝出神。一占望之。其友之術少遜於梅。將至學宮。見前途擁衛皆溫境神也。喝禁之。足不能前。獨大歇得諸門首。遙見先聖神位中一巨星。爛然餘無所見。所遇截路之神。一一與其友見者相同。

明宏治戊午六月。京師西直門有熊入城。守者初不覺。兵部尙書馬文升。乞嚴武備以防不虞。郎中何孟春獨謂同列曰。熊之爲兆。宜慎。火未幾。城內在處有火災。旣而禁中亦火。或問孟春。傲于古出何書。孟春曰。子曾記紹興己酉永嘉災。有此異。余故云然。不意亦其驗也。

闡然堂類纂云。劉衡山懋功。道雷震孔老人家事。孔故劉同巷居者。孔有女。嫁某氏而寡。遺孤始孩。鞠於孔。

氏。孔氏子通其乳母。因與乳母謀。是藐然孤者。易斃耳。其產可攫而有也。乃陰令所畜童購毒。伺夜投之。而以兒急驚譁。明則瘞之。謀定時初昏。雷卽轟然自雷從柱而下。震孔氏子與童皆死。乳母方手其孤。雷揖孤置几上。震乳母死。柱亦折。兒竟無恙。明隆慶四年五月間事也。嗟乎。雷不震之於斃孤之後。而竟全此藐孤也。異哉。

朱和尚者。不知何許人。負乾求之術。寓嘉福寺。寺隣周大節。胥役也。知其術。思欲奪之。適其代巡至。乃脅以左道惑衆。以求必得。朱無奈。乃共對天設誓。不妄傳人。卽同周登寺山上。采藥草授之。屢試輒驗。朱竟他往。周得其術。頓改故態。頃之。隣婦避疫寺中。周挑以汞金。因而私之。脫陽而死。夫恃邪妄之財。逞非義之慾。天道豈容之哉。吁。今之術士。以此惑人。動稱燒煉。可成以致。執袴之子。俾其所。愚家爲之傾者。比比然矣。明理君子甯惑此哉。

平陽縣初築垂楊埭。屢築屢圮。官用巫者言。將以牛祭。時有了與法師。在萬全鄉。牛竟啣刀奔至師前。逐者踵至。師止其殺。解袈裟付之曰。若以置埭下。埭自可固。慎勿用牛。已而果然。牛放山中。師建塔院。呪牛曰。爾能練泥乎。牛俯首就役。塔成七日而牛死。師曰。此牛已生善道矣。瘞之有香氣。觸人十餘日不散。

平陽靈鷲寺僧妙智。畜一貓。每遇講經。輒於座下伏聽。一日貓死。僧爲瘞之。後瘞處忽生蓮花。衆發之花自貓口中出。

永嘉場昔有遇仙者。不知誰氏子。曾遇異人授以醫術。不假藥餌。但遇物隨手試之。無不驗者。郡守某嬰風

疾召之治。一見卽手批其頰。守大怒。命左右收之。仙徐云。須用被蓋。如其言。發汗而愈。又一人病喉癰且殆。仙出片紙拭鷄屎塗其口。病忽如失。永康馬自然治病。不用藥。第以杖擊患處。或指之卽愈。故知世間自有異術也。

永嘉王子孝。隨其父鍊。之任竹山教諭。其邑藍氏女。夢有都御史來游園。主人奇其夢。誌且伺之。乃子孝也。卽以是女妻之。後果至。僉都御史。先是巡按雲南劾沐黔國罪狀。離任數舍。忽有物動搖喉下。公疑爲蠱毒。所中乃以已意研辰砂并燒酒飲之物。則下搖膈間。又飲又下。至腹腹遂大痛。瀉出生血如鱗者數千百而愈。温州作蠲紙廣輿記。所云蠲糶紙也。潔白緊滑過於高麗。吳越時供此紙者。蠲其役名。賓退錄曰。温州貢紙五百張。其來久矣。明開局於瞿溪。差官監造。何東園出守。慮其病民用計潛濁其水。製紙轉黑。乃以地氣改遷奏聞。奉旨勘實。方得除免。此固愛民盛心。但少此佳紙爲可惜耳。

温州向有歲進如石首魚、龍頭魚、黃鯽魚、蝦米、金豆、金橘等物。張文忠當國。奏罷之。至編戶賦役。嘉靖以前。勝繁。困若買辦。差解庫子斗級。率至破產。巡按龐公酌除諸弊。行均平需鞭法。民甚便之。

吳門文公林。乃徵明之父。官永嘉時。地產美梨。有持獻中官者。中官令民納以充貢。公曰。梨於民何濟。使歲爲例。其何以堪。命盡伐去之。中官大怒。會公舉卓異。將擢憲職。中官讒之。竟受太僕寺丞。謝靈運西堂春草池。在華蓋山下。卽夢惠連得句之所。靈運嘗流觴於此。今遺跡尙存。

明宣德癸丑。溫守何文淵。於明倫堂入諸生講書。有羣蜂擁一巨蜂集楹間。聲如雷。顧謂諸生曰。蜂有巨儒。

之象來科狀元定有其人周公旋果狀元及第。

宋邵澤廷對日午未成一字。有中貴人巡案見澤所磨墨甚佳意欲之。邵卽與弗吝。中貴曰。上三日前御苑方建一亭名定一。上謂若士人用此立說取爲狀元。邵得其說揮毫如飛。中貴人奏曰。陛下三日前建定一亭。臣竊見一士人用以立說。上大喜歡。求此卷得邵澤欲置首選。時已取周坦爲榜首。羣臣賀曰。陛下今日得周邵於是澤爲榜眼坦溫之平陽人。

鄭剛中爲温州通判歲飢民流乃出俸勸糴賑濟守曰恐實惠不及飢者鄭曰已有措置乃以萬錢每錢押一字夜出坊巷適飢餓者人給一錢誠曰勿拭去押字翌日憑錢給米飢者無遺宜齋曰此是大經濟莫輕看過然設有飢者詰晨遠來夜不臥坊巷者則將遺之乎後之賑者尙須酌之。

李臯字子簡爲溫州長史未幾攝行縣事歲歉有官粟數十萬斛臯欲以賑救掾吏乞候上旨臯曰夫人數日不食則死安暇稟君命若殺我一身活數萬命利莫大焉於是開倉盡貸之飛章自劾上嘉之。

永嘉王義民延僻居山中每以利濟爲念嘗曰散財濟民其利有限可以長久者惟古之義倉而已得人掌之其惠無窮也於是置倉貯粟凶散豐斂上聞降勅旌爲義民復其徭役宜齋曰此事甚妙但行之不能無弊奈何所謂有治人無治法也。

臥冰得魚此王太保通神之孝也乃王梅溪大父格病篤思得鯽魚方盛暑不易致梅溪父輔禱於井釣而得巨鱗進父病旋愈時梅溪年十一親見之。

周坦未第時。坐於觀橋市肆。厲聲詬僕。時有富春子孫君者。少病。嘗遇異人。授以審音之術。其千萬物。始終盛衰。恆以音決之。聞其聲。往揖之。曰。狀元何來耶。周以給己不答。後果擢進士第一。

王侍郎瓚。初嘗讀禮。開元寺僧舍有芙蓉。五月盛開。遂于宏治丙辰。聯科及第。瓚少貧。販鹽爲業。值寒夜。泊舟仙洋。應氏之船枋主人有異夢。因款留之。遂妻以女。後以榜眼。歷官司成少宗伯。應之物色亦奇矣。瓚謚文定。素仁厚。善體人情。雖躋臚仕。每歸鄉。必設席。邀其鄰曲。酒至半。必親執醕。逐席勸酬慰勞。及至某入席。詢以近日生理若何。答云。夫舊遠甚。細叩其故。則曰。公家構樓妨礙所致也。公笑曰。此最易事。何勿早言哉。次日。語家人曰。卽撤某樓。吾將更新之。樓旣撤。遂不復構。

順天蕭鳴鳳。精於星學。推算休咎如神。官郡守。以不職罷歸。舟次。遇比部張公聰。卽賜名孚。敬文忠公。張素聞蕭術神。試以已命叩之。布算良久不言。因問之。曰。祿命書從此可焚矣。問何故。蕭曰。僕平生閱人多矣。無不中者。獨於僕與君而失之。張曰。何也。曰。僕自揣祿位。應至方伯。而今止於二千石。觀君之命。不出三年。便當入相。而君猶然。郎署也。豈吾術有未至耶。遂別去。張公入京。僅三載。以議大禮。中上意。遂大拜。旣貴。憶蕭公言。卽起之。十餘年。果至方伯而卒。

光山王相爲御史。謫判高郵。有精鑒。時張羅峯文忠以落第。候除。相一見奇之。謂曰。子有異表。他日所就。奚止科第。因厚貽之。羅峯旣贖。上疏曰。王相以忠鯁蒙譴。宜卹。詔贈光祿寺少卿。

溫州州治。宋時建紅霞閣。簷外有紅梅二株。又名紅梅閣。

趙彥櫛尉樂清。會大旱。令循故事禱雨。而責租益急。櫛曰。損斂已責。所以招和氣也。何禱爲。已而果雨。郭若虛畫論。有陶宏景永嘉邑居圖考之地志。如未流嶼。甯鳥山。綠嶂山。白泉爲石均爲宏景流寓之區。見有遺跡存焉。第不知所圖者果何屬耳。蘇長公詩。能使江山似永嘉。則永嘉山水著名非一日矣。

温州自夏徂秋。常觀雲以候風。日間雲或黑或赤。低過凝澄密而不散。則居民海賈咸以爲憂。方未風時。蒸溽特甚。而波濤山湧。若或驅之。謂之海動。旣而暴風起。其色如烟。其聲如潮。振動天地。拔木。瓦風稍息。則雨大傾。雨稍霽。則風復作。一日之間。或晴或雨。無慮百數。謂之風癡。其始發於東北。微者一晝夜。甚者三數日。已而復有西南之風。隨其一晝夜。三數日以報之。謂之風報。凡風雨作。則無雷。唯得雷而後測霽止之期。每五六月以往。邦人率以爲可虞。迨秋冬。方始相慶。謂可無恐。方風之來。狂暴而喧。厯不止。故謂之癡。二廣則謂之颶風。大率海濱多有之。

宜齋曰。康熙甲子六月廿九日。狂風大起。拔木飄瓦。人人驚恐。纔得二日耳。乙丑七月十六日。天氣忽變。驟雨狂風。或晴或雨。幾至月餘。真有如前所云者。兼之濕熱困人。不能終日。苦不可言。日候雷發。杳不聞聲。所云秋冬相慶。何未爾也。書此以誌悶。

雁蕩山有東西內外谷。諸峯險怪。皆包在諸谷之中。嶺外望之都無所見。東外谷之峯五。東內谷之峯四十。八。西內谷之峯與西外谷之峯各二十。有四建寺。十有八。朱相湧幢小品云。雁蕩山前世人所未見。卽謝康樂好游。亦未曾至。宋真宗建玉清昭應宮。因采木深入窮山。此境始露於外。近年葉少師開福廬山。頗亦相

稱云。唐釋貫休。詠雁山十八寺詩。本覺。凌雲。到寶冠。能仁。古塔。上飛泉。普門。羅漢。石門。裏瑞鹿。華嚴。天柱。邊。古洞。靈峯。真際。並靈巖。霞嶂。淨名。連石梁。不與雙峯遠。十八精藍繞雁巔。

永嘉縣學。在華蓋山下。署中有一井。甚古。相傳仙子所開。其井之水。甘美異凡。井與泉相似。井上刻容成太玉洞天六字。書法適古。可愛。相傳爲王羲之書。署後有三生石。爲茂草所掩。余拂而出之。頗平平無奇。廣輿記云。黃帝時。容成子修道於此。宋仁宗三遣使訪之。但有三生石存焉。卽此也。

蒙泉在縣治東。頗清甘。或謂飲之。則蒙昧貪胃。殆與吳隱之所飲貪泉埒。

仙巖山。去温州郡城三十里許。曲徑。脩篁。迥非人間世。其最佳者瀑布泉也。張又新云。劉伯藹稱揚子江南零水第一。及刺永嘉。取仙巖瀑布水用之。不下於南零。

太平清話云。天下瀑布皆有聲。唯雁蕩者無聲。

一清泉在華蓋山麓。泉甘且冽。飲之已病。泉左巖脚。鑿二詩。去浮土乃見。東山下泉。無塵。長皎潔。不須比飲。廉遠似。天邊月。混混穿蟲。出天上。同一色。不知千百年。誰是濯纓客。隸書某庵題。

温州向多娼家。今已蔑有所可恨者。其俗最好演戲。或於街市。或於寺廟。庵觀。婦女如雲。搭臺縱觀。終日不倦。甚至有佻達之子。以看戲爲名。窺。瞞。謔。浪。靡。所不至。以至調情。啓淫。觸怒。涉訟。皆屢屢見之。此風俗之最惡者。亟宜禁之。

溫郡之俗。好巫而近鬼。大率佛事。道場。靡不盡心竭力。以爲之。不惜重費。乃若正月初旬。以至燈市。十餘日。

晝夜游觀。男女雜沓。競製龍燈。極其精工。大龍燈一條。所費不下數十金。鑼鼓喧闐。舉國若狂。不數日間。付之一炬。此種妄費。亦常急爲禁革者也。

温州四邑之柑。唯泥山者爲最。泥山地不彌一里。所產柑。其大六七寸圍。皮薄而味珍。脈不結瓣。食不留滓。一顆之核。纔一二間。有全無者。一名真相。一名乳柑。一名御柑。今罕其種矣。鄉民間或有此種者。亦秘不與人恐聞之上官來取索也。宋時以温州所進柑。遍賜羣臣。謂之傳柑。

王梅溪曰。子往在夔。食黃柑。味頗佳。然不及溫柑遠甚。乃知是物之檀美於甌者。信有然矣。真堪與閩之荔支稱雙絕云。

永嘉金柑。卽金豆。獨名羅浮者。或產于江北之羅浮。其品最佳。故以地名之。溫人去核。浸以白糖。入口香美。點茶絕勝。

永嘉之士。宜樹橘。韓守彥直之譜。足徵。宋世產於西山。葉正則詩云。有林皆橘樹。無水不荷花。是也。厥後盛於隔江之河田。而上崗。而南仙洋。漸至於吳田地氣之遷徙。昔西北而今東南矣。按東嘉之橘。與浙西之蜜橘相似。其味甘美。以無核者爲上。廣輿記所云乳橘。卽此也。

唐人酒多以春得名。如拋青春。松醪春之類。東嘉豐和春。亦著名酒史。蓋倣於唐也。又有名碧露者。徐昌穀贈王敬止。令永嘉詩。有金盤滿碧露之句。近今佳釀。號爲金酒者。或謂色黃如金。或謂釀法。剗於金氏。未知孰是。昔人有云。永嘉及紹興酒絕佳。勝於蘇州。吾又不知其何如也。

浙東多茶品雁山者稱第一。每歲穀雨前三日採摘茶芽進貢。一鎗二旗。而白毛者名曰明茶。穀雨日採者名雨茶。一種紫茶。其色紅紫。其味尤佳。香氣尤清。難種薄收。土人厭人求索。園圃中少種。間有之。亦爲識者取去。按盧同茶經云。温州無好茶。天台瀑布水。甌水味薄。唯雁山水爲佳。此山茶亦爲第一。曰去腥膩。除煩腦。却昏散。消積食。但以錫瓶貯者。得清香。味不以錫瓶貯者。其色雖不堪觀。而滋味且佳。同陽羨山茶。茶無二無別。採摘近夏。不宜早炒。做宜熟。不宜生。如法可貯二三年。愈佳。愈能消宿食醒酒。此爲最者。

永嘉歲進茶芽十斤。樂清茶十五斤。瑞安平陽歲進亦如之。

按茶非甌產也。而甌亦產茶。故舊制以之充貢。及今不廢。張羅峯當國。凡甌中所貢方物。悉興顯蠲。而茶獨留。將毋以先春之采可供香馨。且歲費物力無多。姑存之以稍備芹獻之義。乃後世因採辦之際。不無恣取上爲一下。爲十。而藝茶之圃。遂爲怨叢。唯願爲官於此地者。不取於數外。庶不致大爲民病耳。

雁山五珍。謂龍湫茶。觀音竹。金星草。山樂官。香魚也。茶卽明茶。紫色而香者名玄茶。其味皆似天池而稍薄。觀音竹形小葉長。翠潤奪目。植岩石上。經冬不凋。金星草葉上有金如星。根中有黑筋如髮。用以浸油。能黑髮。山樂官似金雀。聲如簫管。香魚鱗細不腥。春初生。月長一寸。至冬月長尺餘。則赴潮際生子。生已輒槁。唯雁山溪澗有之。他無有也。一名記月魚。

隋志云。永嘉之俗。婦人勤於紡績。有夜洗紗。而且成布者。俗呼爲鷄鳴布。今無有也。

温州地氣和暖。故茉莉最盛。冬間置簷下。不畏風。不須遮護。逢春發葉甚茂。至有高一二丈者。開花無算。其

小者亦丈許。花亦不可勝計。他處無有也。蘭有四季。蘭有秋。蘭皆不可多得。唯夏蘭家家有之。不以為珍。藉此差不寂寞耳。

温州自百里坊至平陽峙。百里皆荷花。王右軍自南門登舟賞荷花。卽此地也。永嘉譜云。南塘舊以荷花名。夾岸又多橋園。爲夏秋勝賞。

王順伯爲平陽尉。嘗於九月詣村野。道間見杜鵑花一本甚高。花開幾數千朵。色如渥丹。照人面皆頰。訝其非時。詢之土氓。皆云此種只出此山谷。一歲四開。春秋獨盛。

温州芙蓉。高與梧桐等。八月杪卽放花。九月特盛。遍地有之。登樓一望。但見紅霞燦爛。亦奇觀也。最妙者名醉芙蓉。晨起白色。午後淡紅。晚則變爲深紅。其樹宛若梧桐。殊堪賞玩。甌江又名芙蓉江者。蓋謂此也。至正庚辰四月九日。崔履謙同知家。鷄生四足。具五指。越五日。商周郁治中家。雞亦生四足。大抵衰亂之世。妖孽之生。皆非吉事。崇禎甲申。何家圈居民。有鷄雛四足。送余驗視。未幾而寇變至矣。梁天監中。近臣獻四足鷄。以爲瑞者。其何誕歟。

宜齋氏曰。東甌向稱沃壤。名小杭州。自耿逆倡亂。僞將會養性盤踞郡城。逼勒富家助餉。無一得免者。比比破家。兵燹之後。生計蕭條。手足無措。而穀賤更踰於他郡。以故官族舊姓。坐食莫展。日漸凋敝。嗟嗟。今之東甌。非昔之東甌矣。卽幸海禁大開。而貧窘之狀依然。如昨。不知何日得返盛時氣象也。言之不勝愴然。

靖逆記

(此記照原文輯入。不加增損字。句數響在所不免。閱者亮之。)

蘭蔭外史

平定林逆

嘉慶十八年癸酉七月。駕幸木蘭。行秋欄禮。皇子扈從。八月癸丑。上至布克崖口。時天氣晴爽。上命進哨。行十三圍。於九月戊辰。出哨回蹕。是夕。忽暴雨。墜三晝夜。溪水驟溢。沙漬泥淖。人馬皆不得前。丙辰雨霽。僅行五圍。卽從中哨門伊瑪圖口。回駐山莊。皇子先歸。九月十五日戊寅。天理教賊黨犯闕。天理教按列八卦爲八股。又名八卦教。其首逆有三。曰林清。曰馮克善。曰李文成。林清倡亂京畿。馮李二賊蹂躪豫東。爲清聲援。清之初入教也。意圖斂錢。無大志。旣而脅惑者衆。諸賊推爲坎卦教主。坎卦卦之外。七卦皆屬李文成。清又統領之聲勢。益張。賊造妖書。言彌勒佛有青洋紅洋白洋三劫。此時白洋應劫。清乃太白金星下降。故旗幟皆尙白。又童謠云。八月中秋。八月黃花滿地發。癸酉置閏八月。後改甲戌閏二月。賊以九月望日爲第二中秋。故起事以應之。先是李文成遣其養子劉成章潛至京。會清於黃村之宋家莊。議以戊寅之日。河南山東合畿內之衆。同時進發。且乘蹕回鑾。伏莽行在。謀藪已定。而河南之滑縣。山東之金鄉。定陶。曹縣。先後緝捕。賊恐敗露。不能久待。乃卽揭竿蠶起。官兵絡繹徵調。而十五日之約。遂不能密赴。十四日丁丑。清命其黨陳爽。陳文魁等。偕入京。匿於市人家。明日平明。賊衆自黃村。至日方午。賊進內城。分東西兩隊。其東陳爽居首。劉呈祥押其後。進東華門。其西陳文魁居首。劉永泰押其後。進西華門。其爲賊嚮導者。太監劉得財。劉金引其東。張泰。高廣。福引其西。王福壽。閻進喜。居中接應。爽與文魁。偕頭目數十人。皆清所調遣。清居黃村。將候河南賊合集而進。時儀親王。成親王。莊親王等。聞警急召營兵。自神武門入。賊已至中正殿門外。諸王率

兵禦之。有數賊突入大內。當是時。皇次子皇三子咸在尙書房。聞內侍疾呼關門。皇子卽自日精門詰問。將至近光門。總管常永貴擒賊二人。各執利刃。頭裹白布。諸內侍禦賊於門。互有殺傷。皇四子自書房出。皇次子、皇三子將同至儲秀宮。於皇后前請安。學士寶興尙書房散直。未出東華門。見官兵與賊力戰。急入乾清門。奔告皇子。皇子速至儲秀宮。見賊越牆西入。皇次子命進撤袋烏鎗腰刀。常永貴執白木棍。立於遵義門之內。以拒賊。諸內侍登垣望之。賊大至。旋自膳房之上。自西而北。皇次子發烏鎗擊之。殪賊續至。執白旗以指揮。皇子復擊之。又殪儀親王子。貝勒綿志。亦以鎗擊賊。賊復殪。賊乃不敢升垣。皇次子馳至西長街西廠。督同常永貴率內侍擊賊。日將哺。諸王及內務府大臣各引兵入衛。賊勢漸蹙。將縱火。忽大雨。雷二賊震死。墮武英殿之御河。電光中恍惚。關帝端坐午門。乃股慄不能奔竄。投河溺死者甚衆。餘賊皆就擒。十六日己卯。聖駕由了髻山至白澗途次。皇子諸王及總管內務府大臣。穆克登額、徵瑞、蘇楞額、左翼總兵玉麟等。皆由八百川飛報行在。十七年庚辰。聖駕自白澗回蹕。駐烟郊。頒示遇變罪己詔曰。朕以涼德。仰承皇考付託。兢兢業業。十八有年。不敢暇豫。卽位初。白蓮教煽亂四省。黎民遭劫。慘不可言。命將出師。八年始定。方期與我赤子永樂昇平。忽於九月初六日。河南滑縣又起天理教匪。由直隸長垣至山東曹縣。亟命總督溫承惠率兵剿辦。然此事究在千里之外。猝於九月十五日。變生肘腋。禍起蕭牆。天理逆匪七十餘衆。犯禁門。入大內。戕害兵役。進宮四賊。卽卽細縛。有執旗上牆三賊。欲入養心門。朕之皇次子親執烏鎗。連斃二賊。貝勒綿志續斃一賊。始行退下。大內平定。實皇次子之力也。隆宗門諸王大臣督率烏鎗兵。竭二日一夜之力。剿

捕。搏。拿。淨。盡。矣。我大清國一百七十年以來。定鼎燕京。列祖列宗。深仁厚澤。愛民如子。聖德仁心。豈能縷述。朕雖未能仰紹愛民之實政。亦無害民之虐事。突遭此變。實不可解。總緣德涼。愆積。惟自貴耳。然變起一時。禍積有日。當今大弊。在因循怠玩四字。實中外之所同。朕雖再三告誡。舌敝唇焦。奈諸臣未能領會。愆忽爲政。以致釀成漢唐。宋明未有之事。較之明季。挺擊一案。何啻倍蓰。念及此。不忍再言矣。予惟反躬修省。改過正心。上答天慈。下釋民怨。諸臣若願爲大清國之忠良。則當赤心爲國。竭力盡心。匡朕之咎。移民之福。若自甘卑鄙。則當挂冠致仕。了此一身。切勿尸祿保位。益增朕罪。筆隨淚灑。通諭知之。是日封皇次子爲智親王。貝勒綿志。賞加郡王銜。其餘諸王大臣。晉秩賞賚有差。紫禁城值班護軍統領楊樹曾革職。發往伊犁效力贖罪。賊之犯大內也。在宣武門外糾衆。卽進城直犯西華門。赴尙衣監斬關而入。由西路北上。諸賊預若知大內。在西專肆凶逆。旣而貝子莽紹擒賊陳爽。鞠訊之。供云。賊首林清先通內監。以爲策應。鍾粹宮太監高廣福。爲官兵所殺。獲屍於西華門外。天穹殿太監劉金基。化門太監劉得財。月華門太監張泰。御書房太監王福祿。坤甯宮太監閻進喜。皆押送刑部。先赴山東巡撫同興。密奏有賊人劉林。一名劉真空。潛匿京南二十八里之沙河。步軍統領英和。派弁兵緝。知劉真空係林姓。十七日薄暮。番役張吉。高鐸。徐永祥等。獲林清歸。英和飛奏行在上。命逆犯林清暨太監劉得財。俱俟回鑾廷訊。盡治懲治。十九日壬午。自上自烟郊還宮。皇次子奉旨。在內東華門接駕謝恩。皇三子皇四子在內接駕。自十五日禁城遇變。人情惶懼。訛言四起。十六日夜半。忽傳廣甯門外。賊衆大至。居民倉皇無措者四日。及駕至。而內外臣民皆欣慰矣。二十三日丙戌。

上御瀛臺北門。親訊首逆林清。賊日劉進亭、太監劉得財、劉金俱寸磔。傳首直隸河南山東。餘賊以次伏誅。妻子緣坐。嗣後都司曹繪謀逆事發。與其子曹福昌俱磔於市。禁城之變。事在倉猝。外兵不及調遣。自侍衛護軍以下。與賊徒手格鬥。殺傷頗多。既而諸王領兵從神武門入。大呼殺賊。賊負死鬥。官兵爲賊所害者亦多。大學士董誥等。查核殉難諸人。列名具奏。正黃旗頭等侍衛那倫、鑲黃旗護軍烏勒興阿、勒福、伊宮、泰、伊靈、泰、成、泰、鑲藍旗護軍達克塔那、內火器營鑲藍旗烏鎗護軍校德玉、鑲黃旗蒙古烏鎗護軍察普都爾札布、步軍統領衙門正紅旗滿洲步甲代雷善德、內務府正白旗護軍校四德、鑲黃旗護軍恆慶、金德、福保、常、永、德、陞、慶、詳、達甯阿、披甲安保、慶福、鑲黃旗匠役譚三格、常陞、滿昆、增福、正黃旗匠役李老兒、恆兒、四小兒、進保、常德、正白旗匠役吉蘭泰、德安、吉林福亮、鑲黃旗校尉全福、正白旗校尉永恆、鑲藍旗漢軍武備院弓匠六十五、文穎館候選從從九品供事倪大銓、本姓胡江蘇太倉州寶山縣人蘇濤、候選未入流供事戴木、茶房李得、俱死於難。又有諸達大內職官名觀定保、鑲黃旗護軍校雙喜、噶隆阿等。俱爲賊所傷。奏入。奉旨那倫等四十一名。俱照陣亡例賜卹。觀定保等九十名。俱著照軍營受傷例給賞。

繭繆外史曰。八卦教倡亂畿南。震驚宮闕。若非聖謨廣運。仰契天心。則潢池之水。勢漸滔天。燎原之火。焰難遽滅。矣。是以行圍雨阻。皇子先歸。宮牆之賊。駢首就戮。且時屆附蟄。迅雷轟發。神明有赫。賊膽盡寒。信天人之相感爲不爽也。那倫烏勒興阿諸人。捐軀殉難。忠義激勸。尤見我國家養士百餘年來。仁周義浹。靡不覃敷。彼封狼之走險。梟首之肆惡。只自速辜耳。曾何損於祥和之宇宙乎。

豫親王削職

癸酉九月以後。諸賊隸逆案者。以次正法。惟祝現、劉第五、劉呈祥、董伯旺、支進才、劉成章六人。皆起事首惡。與林李二賊合謀。爲最要犯。又從逆五十餘人。爲次要犯。俱嚴緝不獲。豫親王府有四品典儀之子祝海慶者。祝現之族姪也。九月初八日。海慶將祭祖墓出郭。至桑堡村。村在畿南。現氏聚族而居。海慶之族叔祝嵩。山語海慶曰。聞諸戚黨。現也將有異謀。吾伺其舉。止晝伏夜動。與數十百人竊竊私議。其情叵測。若不早圖。吾宗將不血食。子其圖之。海慶方食。大驚。失箸曰。吾不可久留於此矣。遂辭嵩山入城。見其伯祝貴山告之。故貴山亦大驚。偕海慶見佐領善貴。復邀善貴奔告於王府護衛拜綱阿。阿曰。速具結。吾以懇於王。且速召屯領催祝瑞。會同具呈。瑞現之從弟也。初十日薄暮。拜綱阿以祝現謀反。密啓於王。王以其無所證也。令俟具結。明日拜綱阿復請於王。王仍如前諭。時海慶已再至桑堡村。見瑞曰。須審聽詳確。萬一不實。後悔何及。海慶馳歸。十五日黎明。祝瑞偕嵩山妻子。同至海慶家。曰。信矣。祝貴山祝海慶即以祝瑞列名。首告祝現逆狀。投於佐領善貴。貴轉遞參領伊精阿。阿囑令自稟。輾轉投遞。而賊衆已薄城下矣。現之謀逆。瑞稔知之。所以不卽首告者。將以脫現之罪。而又恐己之罹於禍也。故至十五日始首其事。使之不及措手。海慶等不知之。乃墮其狡計。是日王入衛大內。善貴等不能進。明日王籌散兵食。歸至府。善貴引海慶等。投呈於王之馬前。王閱畢發還。語善貴曰。此事戒勿張皇。應在那裏辦。卽在那裏辦可也。薄暮。王仍入衛。王遣護軍校至府。索取原呈。以進。閱畢仍發還。誠護軍云。祝現事無容聲張。而現已逸去。二十二日。現復歸桑堡村。後不知

所之民間競言匿豫王府中。遠近藉藉。漸達天聽。諸王宗室皆爲豫王危。而王若勿聞也。俄而肅親王永錫傳旨。令步軍統領英和。至豫府提祝海慶詰訊。未得其實。上復命莊親王綿課。同英和至豫府詳問祝現蹤跡。佐領善貴。具言祝貴山祝海慶率祝瑞遞呈事。軍機大臣議將拜綳阿革職。拘同海慶等嚴訊。始得其實。乃治祝瑞之罪。而復拜綳阿職。且賞嵩山貴山海慶三人。撥入本旗大營當差。內閣傳旨。豫親王裕豐革去王爵。交宗人府軍機大臣大學士六部尙書會同議罪。莊親王綿課等擬已革親王裕豐。應照謀反大逆知情不首律。杖一百。流三千里。照例折圈二年。奏入。得旨裕豐杖流折圈實屬罪所應得。惟念伊祖豫通親王多鐸。在開國諸王中。勳積最著。皇考高宗純皇帝復爵紹封。追配太廟。國家議功議親。載在會典。朕推念舊勳。宥及後裔。裕豐賦性慳愚。不能復列屏藩。業已革去王爵。加恩免其圈禁。卽令在王府閒房居住。不准出門閒遊。令其閉門思過。上年議罰王俸十年。扣除本年春季俸銀外。其餘未扣者。責令於兩年內全數繳出。交部納庫。其應襲王爵。著宗人府照例查辦。

蘭繆外史曰。拜綳阿會以祝現事密啓於王。王若飛章馳奏。不惟罪人斯得。而禁城之變。可弭於先。何乃遷延至再。慎戒聲張。王意非欲保全祝現也。祇以祝氏多王府舊人。恐彼此株連。王亦不免懼咎耳。盍思賊黨聚衆。謀爲不軌。反情已露。而敢掩覆之。繩以誅意之法。則阜陵之延。廣陵之荆。充義至盡。曷由解免。天子念宗臣櫛沐之勤。不忍致王於理。免其圈禁。屏居閒房。獲斯辜者。王自取焉。曷曰棟橈之凶。不可以有輔焉。其豫王之謂乎。

金鄉守城事

癸酉九月。山東賊起。曹縣定陶。俱被蹂躪。而金鄉獨完。是年夏。縣南賊人。夜聚晝散。反形漸露。學使張鵬展。移咨於撫臣同興。金鄉縣署典史梁玉振。密請緝賊。撫軍委轅弁左壽甯。往偵之。壽甯盡得其實。七月朔。賊渠崔士俊。於城西茂林。椎牛設酒。享客八晝夜。縣役營兵。絡繹赴會。又有孫戰標者。亦士俊黨。擇期七月二十七。日。享客於李家閣。二十八日。試考。銓選偽官。人情洶洶。亂有日矣。縣令黃。以事留省。暴卒。撫軍命候補知縣吳塔。攝金鄉篆。塔字禮石。江蘇陽湖人。曾隨撫軍至臨清。催漕。撫軍知其才。委以辦賊。塔蒞金鄉。往見邑紳張觀察體公。觀察極言。地方不靖。不久必有奇變。且曰。境內士民避亂者紛紛矣。豺狼滿野。去將焉往。余老矣。當早覓死所。不煩以頸血濺賊刀。因泣下。塔曰。公無憂。營謀所以禦賊者。遂辭歸。左壽甯入見。具言撫軍捕賊之令。初下。縣官過於張皇。賊皆走。未易緝獲。塔乃詭作縱賊者。告諭鄉城。謂刁詐之徒。挾私誣告。妄指某某爲教黨。苟無確據。罪必反坐。賊皆喜。相率逃歸。意縣令之不復圖己也。遂飭刑房張自修。皂頭李爲。密緝南路各賊。初塔自臨清來。途次占牙牌數。有云龍華會上人。全仗修爲力。平時不用功。佛脚抱無益。及見張自修。李爲。名始大悟。察其人誠樸。任用之。賊渠之擒。二人之力也。未幾。崔士俊。孫戰標等。悉就擒。又獲士俊之僞副元帥宋大勇。及其婿李敬修。嚴鞠之。云。士俊之師朱成貴。曹縣扈家集人。朱成貴之師徐安國。直隸人。徐安國之師在河北。忘其姓名。總教師在雲城。雲城者。遠望爲雲。近望爲城。南至黃河北。至燕東。至海。西至山。此間數萬餘人。俱同習教。敬修又云。我丈人崔士俊。號天下都招。討兵馬。大元帥。我爲後軍督。

府金鄉有李鄉紳宅。異日卽爲我第也。張自修、李爲。又密往城北十里鋪。獲賊周廷材、周體清、周緒軒、周存保、翟興貴五人。皆偉壯桀。驚茹不吐。供嚴刑拷掠之始。服。供稱總教師劉林。居京南二十里外。素與內監相往來。總教師所傳號令。爲大令徐元帥、安國所傳。爲小令。塔手啓驄白撫軍。又移檄曹縣。緝朱成貴。曹縣令姚國旂。寢其事。成貴颺去。卒爲大慈塔之令。金鄉也。倡議捕賊。撫軍頗患其氣太銳。恐召變。然服其有膽略。益重之。諸同寮則皆嫉惡唾罵。非笑而訕謗之。或寓書相規。不宜過舉。塔知山東之賊之終於不靖也。乃益自奮勵。尤月朔行保甲法。令十戶編爲一牌。各書姓名。互相糾察。彙造煙戶總冊。莊長按戶詳紀姓氏。各戶皆有門牌。牌書男女姓氏。以木板懸門。十牌爲一甲。甲有長。十甲爲一保。保有正。其有不法者。牌長告之。甲長。甲長告之。保正。保正以聞於官。又招募官丁。訓練義勇。開操演技。一曰拳脚。二曰長鎗。三曰雜伎。烏鎗刀棍之類每日兵役四出搜賊。初九日。西葛村民高光貴求見。具言有程明修者。係舊相識。稱明日有大亂。四野殺戮。令其造其家。其家有白旗。可以免禍。某知其爲賊也。敢以聞。塔獎賞光貴。督兵役立拘。程明修囚之。塔率募客以登高爲名。由北門登城。四望雉堞。默籌守陣之備。至南門。日已晡。往見張觀察。告以高光貴語。觀察大驚。曰。公計將安出。闔城百萬生靈。危在旦夕。營兵羸弱。官丁寡不敵衆。不足恃也。且計將安出。塔曰。城中紳士百餘戶。乞公速爲傳知。每戶預備一二人。執持器械。聞庫樓鳴鑼。速赴縣署。聽候調度。觀察許之。塔歸署。點班役募丁壯。得一百二十餘人。閱官庫。得刀鎗數十件。公給之。二鼓。塔出巡城。三鼓歸。左壽甯適至。告直隸長垣河南滑縣俱破。四鼓復出。明日黎明歸。秣馬蓐食。日方午。兵役擒賊謀者趙廷三僧。清方蘇景海。皆

白旗利刃。紛然懸舉。三賊俱集。署前茶肆中。開茶肆者柳旬華。旬華之幼女。年十二。見賊衣領中。似有械物。往告旬華。旬華諦視甚疑。密告族柳志甯。志甯率衆往詰。卽脫衣抗拒。旗刀突出。遂就獲焉。斷其脛而鞠之。賊曰。吾三人先入城。爲內應。踵至者尙多。夜半兵到。立卽屠城。殺吾何益。塔斬之急。令四城閉門。諸紳士登陴。鳴金鼓。以號衆。其夜風霾大作。燈燭有不齊者。以香燃火。雜置雉堞間。或東薪列炬。高數丈。餘賊衆已至張家墳。迨見火炬。知有備。乃散去。塔飛報撫軍乞師。並檄鄰縣戒嚴。明日城武書至。曹縣定陶悉破。塔會紳士於明倫堂。分設守正。守副。保長。梁長。令幹練者充之。設臺站於四路。以通軍報。選幹丁爲細作。以探賊情。十三日。塔率紳士軍民警告於城。廟起兵禦賊。塔執酒慷慨誓死。聲汨激。衆皆泣曰。惟公命是聽。乃下令十條。一每日晡時。城上擂鼓一通。鳴鑼一週。衆兵卽按地立定。一賊衆近五十里。卽晝夜在城。二人更番。暫息。一賊報緊急。不許寸步移動。不許回顧。不許多言。敢有驚慌惑亂人心。因而失機者。斬。一緊急之際。兵役飲食便溺。俱按所立處。不得移動。一每日四鼓五鼓時。最關緊要。毋懈。一風雨雪。每二人合備。蓆片一張。堡長製備。一每夜梆聲。不許間斷。人聲務要悄靜。城樓每更轉點。只准喊一聲。大家小心。挨次接應。一各柴口俱備。碎石亂磚。以便擊賊。一守城各丁。要知此事。乃各保身家性命之事。不是爲他人受辛苦。其有實在貧苦者。保長守副各紳士。隨時周恤。一本縣乃守城之主。必遵號令。守副轉告堡長。堡長轉告梁長。梁長轉告衆丁。若有密令。必須耳語。不許錯誤。賊來攻城。緊急之際。敢有違令者。軍法從事。又曉諭各鄉百姓。小村莊。併入大村莊。聽鄉民各自團練。男子六十歲以下。十六歲以上。皆手執兵器。殺賊。城中紳士有守丁。

二千餘人。濟甯已請官兵。加以本縣壯丁。足資抵禦。我不畏賊。賊卽畏我。官兵四路接應。村野安知泰山。凡我百姓。不必張皇。有能擒賊者。賞格有差。於是人心稍定。堦又勸諭城中紳民。有田一頃者。出守城夫一人。自給飯食器械燈燭外。再捐銀五兩。備修浚城池。犒勞軍士。添補器械之用。其田一頃以下。五十畝以上者。出夫一人。不捐銀。五十畝以下。三十畝以上者。二家合出一夫。不捐銀。邑紳張中丞誠基。張觀察體公。相率議捐。有寡婦周戴氏。特捐良田二頃。典錢一千七百。繙助戰守之費。會竟標守備蔣廷傑。千總張慶。河標參將齊國珍。守備孫魁。先後引兵。至十五日。且謹報賊大至。僞將軍李卓立。呂華棟。呂華棠等。騎馬披紅。分道入寇。葦子坑與隆集。李家園。李家閣。史家廟諸村堡。悉焚燬。烈焰蔽天。難民從火中奔竄。擱道號哭。聲震數十里。賊前鋒已近城南。城中人度必死。婦女相約赴井。官署家人各爲自經之具。薄暮。河北遊擊海陵阿奉撫軍令。以兵入援。堦請諸將夜擣賊。齊國珍有難色。海陵阿奮然曰。賊衆烏合。易與耳。願速出騎兵。用飛矢射賊。堦大喜。因以大義勸國珍。明日官兵開城出戰。海陵阿。齊國珍。與千總張慶。選精騎出西門。守備孫魁。以烏鎗兵繼之。大戰於鹽場。斬首馘耳。奪其騾馬器械而歸。堦置酒爲諸將賀。出白金犒軍。是役也。海君爲戰功第一。張君次之。齊君又次之。撫軍以提書入奏。奉旨。海陵阿。賞戴花翎。張慶。賞戴藍翎。吳堦。交部議敘。金鄉紳士。議敘有差。嗣後諸賊不敢復窺。金鄉堦飭兵役。嚴緝遺賊。斷其脛。折其筋。解省執訊。以次正法。二十三日。撫軍督兵駐曹州。剿賊。二十七日。運司劉清。參將馬建紀。大破賊。匪於定陶之髡山三戰。三捷。守備劉大用。殲賊於賈家樓。二十八日。劉清馬建紀。收復定陶。十月初三日。劉清復破賊於韓家大廟。初四

日清與建紀再破賊於扈家集焚其巢山東之賊略盡十一日撫軍奏捷敘功得旨金鄉縣吳塔升授曹州府桃源同知先換頂戴塔奉命赴任士民羅拜乞留塔慰諭之與新縣令袁潔共籌善後事宜二十八日塔自金鄉啓行士民遮道餞於郊灑淚嗚咽塔慰諭之不勝傷感爲各飲半觴乃大醉塔攝篆凡九十七日與縣丞史致謨教諭王元培訓導梁輝生典史魯鏞署典史梁王振把總趙自振暨各紳士協力守城屢瀕於危卒以獲全者由其忠義激發得士庶心人皆樂於效死也金鄉賊讐紳士入骨髓思欲聚而殲旃剖其田宅賴高光貴密報縣令先事預防縣令爲請於撫軍給以軍功八品職銜酬以百金諸紳士又撥公項二百金代爲買宅移居入城避賊讎報復給柳甸華五十金嘉其幼女能窺賊也塔在桃源同知旋擢曹州府知府丁丑夏六月召見天顏大悅奉旨回任候陞初金鄉李家菜園民李允魁首具公呈請捕賊黨其後賊匪焚劫村莊共有十七處而李家菜園被禍最酷允魁全家被害李家閣增生李九標以賊人李卓立謀逆事首告儒學且密告巡撫委弁左壽甯九標知賊必相仇家口先避賊入其家見有棺柩剖棺裂屍焚其室廬九標無家可歸日夜荷戈而泣迨李卓立戰敗竄亡九標設計擒之於曹縣孫家老屋並賊屬男婦老幼四十七人並置於法山東學政黃鉞入奏奉旨李九標著加恩賞給舉人准其一體會試

蘭綵外史曰縣令爲親民之官縣令賢則民受其福山東賊起金鄉縣城危於累卵吳君訓練士卒以成一旅之師可戰可守使垂破之城安如磐石所謂盤根斯遇利器乃別危非仁不扶禍非智不救也昔臧旻走昭許於句章虞翻破甯季於朝歌皆以良吏幹事輯綏寇盜如吳君者以古方今奚多讓焉

長垣定曹之變

直隸長垣縣與河南滑縣毗連。知縣趙綸於九月初六日出城緝賊。率書役往城外十八里東北鄉之葦園村。薄暮書役逃歸。綸被執。杜勝營都司陳夢熊將兵奔救。賊堅閉不出。夢熊躍馬入賊營。得綸屍於賊將王盡實家。載其首級肢體。以出葦園村東南。伏賊突起。村營賊衆四面夾攻。夢熊戰不利。急斂具自守。明日綸之屍出自葦園村。其子錦殮之於長垣城中。事聞。上命賜卹。山東曹縣知縣姚國旃於九月初八日獲賊黨趙廣春等。賊首朱成貴逸去。初十日黎明。賊入城。先至千總署。前千總楊雲漢持鎗而出。賊揮刀殺之。尋入署。殺雲漢妻高氏。媳顧氏。卽赴縣劫獄。衆賊直入官署。國旃方起。整衣出堂。賊將馬朝棟刺殺之。割其首朝棟金鄉人。僞帥張建木之壻也。後爲鉅野令。王朝恩所獲。賊遍搜官署。殺國旃兄國林。姪大綜。媳馮氏。嗣媳尙氏。姪媳王氏。幼孫男女二人。壻張士鈞。募友吳星萃。吳煥。及吳煥之子吳中惠。國旃媳馮氏之母馮陳氏。與署中僕從二十八人。星萃江蘇監生。與金鄉縣令吳壻同族。年七十餘。在曹縣幕。會金鄉令檄捕朱成貴。姚不爲意。星萃趣之急。幕客有吳十九者。痛詆金鄉邀功生事。星萃攘臂爭之。賊啣其愆。悉緝捕也。大呼吳星萃安在。星萃挺身出門。遂醢之。吳十九竟獲免。國旃之嗣子姚大齡。匿於民家。以免。事聞。國旃以下賜卹有差。吳星萃入祀忠孝祠。定陶縣知縣陳達卿入闈分校。署縣令賀德瀚。子身在署。賊入城。外委張廷力巷戰不利。德瀚知事急。以縣印付家丁李廷來。令赴府賫送。卽率兵役禦賊。賊已大放獄。囚蜂擁而出。德瀚死之。幕友朱樹堂。陳瑤圃。陳鳳均。及典史之子孫述祖。悉遇害。曹縣營參將劉鳳喈。聞定陶失。引兵二行至

二百名。孔連坑擊賊敗績。鳳喈僅以身免。先是定陶廩生孔毓仲。學錄孔毓俊。增生孔毓伯。孔毓滄。孔毓良。生員孔傳燼。孔傳璧。自鄉試歸。聞亂誓於家廟。起兵殺賊。定陶既陷。毓仲。毓俊等罵賊不屈。死之。孔氏莊男女五百餘人。皆抗節遇害。無一降者。事聞。奉旨賜卹。賊勢之方熾也。官皆閉城自保。募鄉兵。鄉兵惟蒲連。張氏有子弟十三人。殲賊於曹城北。裹創血戰二十日。賊銜之。焚其村廬。賊退。官遣張氏兵歸耕。田廬化爲灰燼。其餘鄉兵之就募者多無賴。爲民害有三。賈者最驕橫。不可制。撫軍嘉其驍勇。目爲義民。厚賚之。三賈報宿怨。相讎殺。民以大困。又有婦女結隊。窄袖短衣。揮刀善鬪。號紅衣健婦。營陽爲起義而陰與賊通。民益困。運司劉清素愛民。民呼之爲劉青天。破賊之後。駐營定陶。撫卹備至。民賴以安。

蘭。繆外史曰。長垣定曹諸縣令。當賊氛大熾時。或畏懦。釀寇。或機事不密。固難免咎。然卒死於王事。甚者殃及全家。亦可憫矣。幕客吳生定陶。孔氏荷戈同仇。激發忠憤。雄心義概。視死如歸。不亦偉然烈丈夫乎。東省兵荒。閭閻大困。劉都轉號令明。臨敵勇。與士卒有恩。衆皆樂爲用。洵乎有古儒將之風已。

平定東省逆

曹縣距定陶四十里。中有髡山。賊淵藪也。定陶城外村莊連屬數十里。賊襲而據之。山東運司劉清往請於撫軍曰。賊寇伏於髡山。將圖大舉。宜乘其未發。擊之。請速進兵。某願披甲上馬爲士卒。先撫軍猶豫。欲需大兵。謂清曰。賊衆我寡。此其勢不可輕進。不若深溝固壘。以待之。兵集而會戰。一舉必成擒矣。清曰。兵貴神速。攻其不備。是爲上策。結營自固。賊來則戰。賊去則守。是爲中策。若不設備而濡遲。以待外兵。我兵集。賊匪亦

集勝負未可知是爲下策。况今賊大勢在滑澹。山東特其游兵。所以阻我進討。今失不擊。賊必趨衛輝。入太
行爲巢穴。山東久荒旱。設蠶起。將奈何。撫軍從之。乃命清總理行營。九月二十七日。撫軍命萊州營參將馬
建紀。濟南城守營守備劉興隆。率兵趨髒山。清率精兵五百至髒山。樹木叢雜。疑有伏。不敢進。諜報東南兩
路均有賊伏。草澤間。乃分兵勦襲東路。賊先出。見官兵少。大笑之。官兵步隊分列。用長鎗刺賊陣。復以馬隊
衝突之。矢石如雨。賊有識運司面者。曰。此劉青天。何可當也。遂驚而潰。俄而南路賊以鳥鎗隊至。清與建紀
合兵迎勦。大破之。守備劉大用。自鉅野至。遇賊於路。又敗之。賊竄入賈家樓。大用縱火焚樓。死者無算。餘賊
竄入韓家大廟。官兵駐營於旁。出引而西。都司周添章之明日。乘勝遂復定陶兵。自西迎擊。清與建紀分馬
步軍。由北遠出。賊首賊拒戰。步卒佯退。馬隊衝出。弓矢齊發。賊奔潰。撫軍又簡銳卒六百餘人。號奮勇軍。分
兩隊。於三十日五鼓進發。合圍賊於韓家大廟。馬隊先入。步隊繼進。賊大敗。生擒僞二大王。蕭保一。及教首
趙文祿。寸磔梟首。餘賊奔竄於扈家集。奏入。上曰。劉清前在川省。勦辦邪匪。勇敢出力。朕所素知。今年逾六
旬。尙能率領將士。親歷行間。連獲勝仗。實屬奮勇。可嘉。參將馬建紀。當先勦賊。奮勇出力。劉清。馬建紀。俱著
交部議敘。其餘將士。俱奉旨褒賞。是時賊氣沮喪。欲奪河南。與滑澹合。運使劉清。協領哈哈岱。參將馬建紀。
由定陶引兵攻扈家集之東。都司周添章。引兵曹縣。攻其南。巡撫同興。由曹縣督飭副將甯德。遊擊五達色。
引兵攻其北。十月初四日夜半發兵。時大風雪。兵皆啣枚疾走。平旦。清先至扈家集。賊大驚。以爲官軍從天
而降也。賊新築土牆。環於集外。若郭郭。然牆外又蔽以雜樹。圍繞成寨。約四五里。極其厚密。官兵至。賊鳴鉦

聚衆直衝隊伍。慶戰良久。官軍漸戰漸進。排鎗奮擊。賊不能禦。退守土牆。官兵大呼殺賊。賊避入寨。官兵燬垣而入。各執長繩。繫火球。順風而擲。北風大作。烈焰蔽天。賊盡棄輜重。冒火而出。官兵圍之。賊竄而北。值甯德五達色之兵亦至。賊戰敗。又竄而南。遂遇周添章之兵。奮力追勦。共誅賊二千餘人。生擒者數百人。兵丁王吉昌、吳奪魁、擒獲僞副元帥王奇山。奉旨劉清前在川省軍營。著有勞績。朕所深知。今年薨。六旬且係文職。能身率士卒。直取賊巢。實屬勇敢。可嘉。運司劉清著加恩。加布政司銜。即換頂戴。參將馬建紀。奮勇出力。著加恩。賞給副將銜。即換頂戴。兵丁王吉昌、吳奪魁二人。著加恩。以外委拔補。其餘將弁。分別議敘。先是東省告急。上命副都統蘇爾慎帶領巴圖魯侍衛等領官兵馳赴山東。蘇爾慎至。撫臣同興大會諸將於扈家集。初七日發兵。撫標遊擊五達色候補遊擊班荆布。青州副前鋒翼長伍爾滾布等。隨同蘇爾慎。巴圖魯統滿漢勁兵一千。與參將段琨遊擊報國都司李德分兩路進勦。同與督同副將福甯阿候補參將那清阿率兵接應。初八日黎明。齊抵安陸集東北駐營。守備劉興隆前往偵賊。遇賊諜五騎。興隆殲其兩騎。蘇爾慎引福英阿色爾果善吉爾彰阿札玉善並參將遊擊等兵直抵安陸。賊殊死戰。副將福甯阿參將那清阿截殺之。蘇爾慎等追敗賊匪於劉家岡。奪賊車數十輛。驛馬百餘匹。旗幟軍械三百餘件。時定陶新復。撫軍命劉清馬建紀鎮守之。有賊衆數百載其輜重。從滑縣潛奔定陶之郝家集。清與建紀同哈哈岱夾擊之。賊狂奔不戰。官兵追殺二十餘里。奪其輜重。生擒賊目曹光輝僞大將軍周甲僞元帥元興邦中流矢死。賊營之在榮家菜園者。周圍樹木環繞。堯沂曹濟道熊方受率都司劉添章等分三路攻賊。賊不能抵拒。且戰且走。至

李家樓宗家堂。官兵悉力追勦。燬其巢穴。東省之賊。以平。捷書奏至。論功行賞有差。上命軍機大臣傳諭巡撫同興曰。東省賊勢已衰。若直豫再得勝仗。則三面兜圍。將賊匪逼歸一處。正如釜底遊魂。不難一鼓殲除。同興及劉清馬建紀等所帶。俱係東省官兵。祇在本境勦堵。不必深入豫省。如三省官兵。聚集一處。該匪等被直豫大兵勦急。復向東南奔逸。曹州一帶後路。空虛殊防。疎失。惟蘇爾慎等。本係派往帶兵打仗之員。如東省已無大股可勦之賊。著同興分弁兵。交與帶往協同直豫大兵合勦。可資得力。同興督率東省將領。將竄散零星賊匪。實力搜捕。以盡根株。若稍存姑息。將就了事之心。則非大清國之臣子。朕亦不容此負恩之徒。慎之。

蘭。蓂。外。史。曰。劉。運。司。清。爲。山。東。戰。功。第。一。馬。參。將。建。紀。協。力。同。心。十。日。之。間。膚。功。克。奏。雖。古。之。名。將。不。是。過。也。撫。臣。失。之。東。隅。收。之。桑。榆。詔。旨。嚴。切。務。盡。根。株。蓋。深。慮。遺。孽。不。翦。必。爲。民。患。是。時。河。南。滑。潞。之。賊。命。陝。甘。總。督。那。彥。成。統。各。路。兵。會。勦。直。隸。開。州。東。明。長。垣。之。賊。命。提。督。馬。瑜。護。軍。統。領。富。蘭。率。直。隸。兵。往。勦。又。諭。兩。江。總。督。百。齡。安。徽。巡。撫。胡。克。家。徐。州。鎮。總。兵。沈。洪。江。南。提。督。烏。爾。爾。額。壽。春。鎮。總。兵。喀。勒。吉。善。率。兵。駐。防。制。賊。南。竄。之。路。布。昭。聖。武。睿。慮。周。詳。所。以。肅。霜。下。降。莠。草。無。所。滋。其。藁。華。日。高。懸。魍。魎。不。使。匿。其。影。也。

開州東明長垣勦賊事

直隸東明縣。長垣之鄰邑也。長垣旣殺縣令。賊圍東明甚急。知縣朱煒。同把總梁得貴。起兵殺賊。賊憚之。煒

諭城中紳士商賈。曉以大義。募人爲守禦。計有能殺賊者。勸之卮酒。賚以金。皆感奮。武生張得正、吳士登、尤踴躍。日夜荷戈。執爰城垣。有破損者。煒散其家資。築輯完固。城賴以全。賊恨其固守。決計欲屠之。開州長垣間。勢甚滋蔓。詔以提督馬瑜護軍統領富蘭引兵二千往勦賊。又命山東撫臣同興調副都統蘇爾慎兵。由清豐開州之間。遶道而行。自北向南。與馬瑜會勦。馬瑜富蘭等行至開州之井店鎮。見民居盡爲賊焚。積骸滿野。時久旱。又冬令水涸。掘地數尺不得水。人馬困乏。諸將暫息於村墟。十月二十三日進戰。富蘭率參將蕭文治、游擊邵能、都司桂朝陽等爲一隊。蘇爾慎率巴圖魯侍衛吉勒章阿、護軍統領福英阿等爲一隊。總兵閻進烈率協領哈岱等爲一隊。馬瑜率參將伊昌阿等爲一隊。於五鼓發兵。賊望見軍容嚴整。旗幟皆五綵。耀目。乃大駭。官兵趣之於沙岡。大小十餘戰。賊敗。又戰於潘章。大敗之。生擒賊僞將翟元良等。奪其器械。牛馬并大小白旗。旗書巽宮。伯翟鳳來震宮。領袖侯守山等。字日已曛。忽西南有賊二千餘來。官兵方退。乃反旗鳴鼓。大戰良久。官兵力竭。乃奔潰。賊亦竄散。奏入。上命尙書托津統吉林索倫兵往勦之。十月初三日。托津會同馬瑜富蘭大破開州之賊於湯二莊。殺賊數千餘人。東明長垣邊界悉定。

蘭蓆外史曰。開州東明長垣地近南畿。賊氛不速掃盪。則乘間竊發。滑縣乃恃以無恐。故直隸三邑之賊。旣破而滑不日可克。昔之良將。推衍韜略。晝沙聚米。所貴審其虛實。而權其緩急矣。

滑城之難

河南滑縣之初作難也。牛亮臣在滑縣大伾山之東坡。集黨數百人。鑄造軍械。首逆李文成於謝家莊大饗。

羣賊設立僞官。又遣養子劉成章。與林清約期起事。鄉民察其逆狀。密告知縣強克捷。克捷陝西韓成人。嘉慶戊辰進士。爲人慷慨。有膽略。蒞任後。摘發奸慝。無所隱蔽。民敬之如神明。賊深銜之。及得文成亮臣反狀。於九月初二日。遣頭役陸安邦陳天路等。密往擒之。克捷升堂刑訊。李文成強不吐實。遂喝用夾棍。復用木棒撻之。數百文成兩股頓爛。又杖牛亮臣數百。血流遍體。收禁下獄。將解省正法。其黨黃興宰。黃興相。宋元成等。先受文成僞封。居於縣境之老安。聞文成事敗。與宰相與諸賊衆曰。吾聞先發制人。後發卽爲人制。今事已急。十五之期。斷不及待。此間兵食既足。鼓行而前。徑取滑城。據而守之。直隸之開州長垣。山東之金鄉。定曹。皆吾聲援。官兵四路牽制。措手不及。然後成師。以出數百里。可傳檄而定也。賊衆從之。初七日。興宰等率賊三千餘人攻城。城陷。劫出李文成牛亮臣於獄中。克捷死之。闔署從死者三十有五人。先是八月間。克捷遣其子逢泰。送次子望泰歸娶。二子皆免於難。逢泰妻徐氏。罵賊不屈。賊釘之於柱。槌割之。燬其骸骨。幕友李槐蔭。親族張京課。家人祈陴。及僕婦婢女。同日被害。事聞。賜諡忠烈。贈知府銜。其子逢泰。世襲騎都尉。次子望泰。賞給舉人。一體會試。長媳徐氏。賜諡節烈。誥贈恭人。建坊旌表。韓城滑縣。俱敕建。強忠烈。專祠。從難諸人。配食從祀。京師昭忠祠。增設韓城文武學額。著爲例。後逢泰改官工部主事。軍機處行走。望泰丁丑科。欽賜進士。翰林院庶吉士。滑縣教諭呂秉鈞。九月初七日。賊入學署。秉鈞懷印投井。門斗援救未死。賊殺之。棄屍牆外。聲言敢瘞葬者。與之同罪。諸生魏兆麟。魏秉辛。議欲埋瘞。卒不果。教諭妻某氏。及一媳兩女并孫。同親戚僕婦。十七人並死。子拔貢生呂式淦。鄉試回籍歸得免。老舉司巡檢劉斌。聞賊將起事。卽帶印

赴縣稟明縣令請捕賊。縣令被害。斌與典史陳寶勛把總戚明彰等全家死之。詔以呂秉鈞、劉斌、照知縣賜卹。陳寶勛、戚明彰俱原官給予卹典。

蘭蓂外史曰：李文成七卦教首。羣賊盟主。林逆之外援。文成不擒。則幽燕與南寇爲鄰。齊豫起北來之甲。氛祲方熾。徵發益煩。張角邊章足爲國患。故強忠烈功在社稷。賞延於世。恩寵懋焉。夫乘車載危。分所宜効。而格外褒榮。若斯優渥。觀於滑城殉難事。而曾不知感奮者。庸得覩顏於臣子歟。

滑濬用兵事

河南賊圍濬縣。縣令朱鳳森飛檄請援。護理河南巡撫布政使台斐音飭鎮將色克通阿於九月十六日率兵至濬縣之石羊村。賊以百騎挑戰。色克通阿擊敗之。日暮駐哨頭村。賊聚村東之十數里。十七日黎明。官兵進發。賊以千騎拒敵。參將張拱宸陳弼出戰。賊潰。拱宸與弼追逼三十餘里。日午至濬。濬城外賊二千餘人占據山梁。縣城被圍。運河石橋亦有賊首。官兵不得過。拱宸與弼先登奪橋。賊衆披靡。守備蔣光奎黨得用彭永吉、劉文煥、千總鄧殿奎、劉學霖把總魏奇等沿城溝呼曰：大軍至矣。城上歡聲如雷。賊大奔。殺溺死者無算。濬縣之圍遂解。濬縣拒滑縣二十五里。距滑縣之道口鎮十八里。濬圍雖解。而道口之賊不下二萬。署河南巡撫熱河都統高杞領兵二千。賊衆四面蠢動。高杞駐於濬縣。不克進發。原任直隸總督溫承惠亦以兵力未集。止於大名。以俟大將之來。上以陝甘總督那彥成爲欽差大臣。直隸總督節制山東河南各路兵勦賊。同陝西提督楊遇春速赴軍營。又命工部侍郎護軍統領慶祥、乾清門侍衛副統都桑吉斯塔爾領

外火器營官兵五百名。副都統長慶。副都統積德。領健銳營官兵五百名。分道前赴溫承惠軍營協勦。又傳諭西安將軍穆克登布。選官兵一千。副都統富僧德。額勒金泰。選馬隊官兵一千。速赴高杞軍營。皆受那彥成節制。又召徐州總兵沈洪。統兵一千前往勦禦。亦受那彥成制節。那彥成於九月二十六日出陝西潼關。由孟津渡河赴衛輝。帶西安提標馬隊五百騎。固原精兵一千。同楊遇春前赴軍營。十月初七日。上命軍機大臣傳諭那彥成曰。本日據溫承惠奏。由開州進兵於濬縣留固村。及北湖南湖一帶。勦殺賊匪八百餘名。生擒一百餘名。官兵又連獲勝仗。各處賊匪俱已披靡。現在溫承惠在北。高杞在南。同與在東。三面夾擊。以漸逼。近期爲一鼓殲除之計。惟西面無重兵堵遏。恐賊被勦情急。亡命西竄。太行山收勦。致需時日。那彥成帶兵由潼關而來。沿途差探賊蹤。如有西竄之信。卽迎頭截擊。不可令其四散蔓延。初八日。上又傳諭欽差大臣那彥成。直隸總督溫承惠曰。此次勦辦賊匪。由京揀發健銳火器兩營。滿洲官兵一千人。帶兵之人。多係滿洲大員。及吉林黑龍江侍衛章京等。俱不諳漢語。溫承惠係直隸總督。恐調遣約束。不能得力。那彥成現賞加都統銜。本屬京職。且係滿洲大員。諳習清語。著接受欽差大臣關防。總統軍務。溫承惠昨由滑縣進兵。業已得有勝仗。辦理尙好。溫承惠馬瑜楊遇春。同在那彥成軍營。商辦軍務。那彥成分同總統。溫承惠馬瑜楊遇春。俱職同參贊。所有奏報之摺。着那彥成溫承惠馬瑜楊遇春。一同列銜。溫承惠等及高杞同與並受那彥成節制。那彥成以十月初八日至衛輝。聞滑縣大伍山道口之賊。不下三萬餘人。乃不敢遽進。兵奏請檄調山西兵一千。甘肅兵二千。并請賞發索倫兵赴營。上責之曰。汝於初八日抵衛輝。初十日接欽差大

臣關防十三日發摺時仍在衛輝駐劄。並未至濬縣軍營。乃云現有之兵不敷分勦。請調大同鎮及甘肅靖甯靖遠等處之兵。並欲俟吉林索倫兵陸續調齊。方敷剿辦。實屬畏葸遷延之至。吉林索倫兵到齊約在十二月間。甘肅距豫省遙遠。其兵非尅期可至。屆期冰雪在地。天氣嚴寒。無論進兵不能得力。且此兩月中任賊盤踞蹂躪。養精蓄銳。該督等束手坐觀。縱賊殃民。自作孽矣。該處現分三處屯聚。勢如犄角。意圖牽制。該督等或先剿道口桃源之賊。則當派兵攔截滑城救援之路。如欲攻滑城之賊。則將道口桃源二處分兵堵截。其調遣機宜。聽該督妥爲籌畫。總期鼓勵將士奮勇進剿。不可先示怯懦。益長賊鋒。此次嚴諭之後。那彥成若再心存延玩。貽誤事機。必立將那彥成拿問治罪。另派大員前往接辦。卽不得其人。朕當親統六師。自往平賊。彼時那彥成尙有何顏立於人世耶。十月二十日癸丑。上又傳諭那彥成速令進兵。且云現計直隸河南原調之兵。并那彥成自調之兵。以及京兵。已不下萬餘。豈有擁兵萬餘尙不能戰之理。二十一日甲寅。那彥成奏言。臣蒙皇上畀以總統重任。深知豫省賊情。上勞宸廑。心急如焚。但不論接戰遲早。總期兵力齊集。不敢遲延。亦不敢輕率。計陝甘各路兵二十以前。已可齊集。其餘續調之兵。約次月底方到。其吉林索倫兵二千名。至今尙無到營之期。不勝懸盼。上仍切責之。二十二日乙卯。那彥成奏言。臣於十七日夜半。從道口之新鎮進兵。殺賊一千餘人。奪其牛馬甲仗。十九日平明。直逼賊巢。同提督楊遇春殺賊六百餘人。奪其大旗二杆。上書巽宮伯劉福榮。離宮伯李存信。奉天開道二十四日丁巳。又奏言。二十一日道口賊出巢迎拒。官兵進攻。殲賊一千四百餘人。生擒百數十人。獲巽宮伯尙大興。大白旗。又獲師存智尙大榮。陳長嶺小。

尖令旗并驛馬兵器無算。上傳諭之曰：前因辦理遲延，是以降旨嚴飭。此時若能將滑縣城屯聚之賊迅速剪除，並能將逆首李文成、徐安國按名擒獲，自應寬其既往之咎，仍予施恩。該督當勉之又勉，上又硃批諭：那彥成曰：汝若能成大功，朕若仍汝治罪，何以仰對天祖？汝能知悔懼奮勉，自當大施渥澤，勉之。

蘭蓀外史曰：兵向有量敵後進，慮勝後會者。唐之哥舒翰、明之孫傳庭，皆以刻期促戰致敗。然非所論於今日之形勢也。強敵壓境，鋒銳難犯，則戰不如守。若烏合之衆，則利在速剿。賴兵不進，賊漸糾集，蔓延難圖。噫！臍何及故曰：需者事之賊也。皇上命將出師，睿謀獨運，是以衛輝遷延之役，詔書譴責，卒收實效。遂奏膚功，不及十旬，妖氣盪滅。人知桓桓之旅，如虎如龍，而不知全由廟算也。淵乎懿哉！

道口之捷

道口爲滑潯屯糧大鎮，西通懷慶，聯接太行，爲河南糧運大道。懷慶北倚太行，南阻黃河，其地可守可戰。產硝磺鐵器，賊窺伺已久。道口西有運河，河西村居爲賊潛伏。賊衆奪船結筏，意在入山。十月初九日，督臣溫承惠撫臣高杞提臣楊遇春馬瑜由河西進兵，距道口五六里，賊前抗拒，官兵擊之，賊大敗，溺水死者甚衆。承惠等馳至道口，賊衆之在東岸者方議渡河以救西岸，官兵以砲擊之，賊退。官兵浮水赴東岸，賊殊死戰。官軍奔敗，楊遇春所領千總李洪春、外委柯玉皆死戰。十月二十七日庚申，那彥成大破賊於道口。先是賊以道口爲老巢，悉力拒守。官軍分爲七路進發，賊衆二萬人前拒，總兵晉登額用大砲轟其西，高杞領參將張拱宸等分兵攻擊。楊遇春同總兵楊方迎頭剿殺，慶祥格布舍等各率京兵馬隊三面衝突。那彥成指揮

特依順保張大振等。四路截殺。矢石並發。賊驚潰。官兵越濠溝徑進。乘勝突入道。口賊見。遇春揮刀而前。大驚。曰。須避。楊鬍子遇春修髯善戰。臨陣挽鬚成結。賊衆皆呼爲楊鬍子。云。滑縣賊聞道。口危。急率衆二千入。援桑吉斯塔爾。格布舍等。以兵截回。裨將馬光宇。呂天俸。候補知縣孟貽瞻。率鄉兵焚滑縣之南關。賊不敢。出道口之賊。巢遂爲官軍所焚。自旦至暮。燒賊萬餘人。生擒三百八十餘人。有騎馬擁大纛賊十餘人。皆中。鎗死。內有衣藍鱗袍者。則震卦大教師胡德仁也。自賊得滑縣。全恃道。口爲負隅之計。目爲直隸開州東明。辰。通山東曹縣定陶金鄉之逋逃藪。道。口既破。而賊之心膽寒矣。滑城東偏。復有桃源賊三千餘人。來拒戰。那彥成等擊走之。官軍進逼滑城。圍其三門。其正北與西北門。以兵少不能合圍。彥成奏滑城週圍數里。城郭完固。臣之兵攻賊。則有餘。圍城則不足。將俟續調陝甘兵到營。方可集事。上諭之曰。陝甘官兵。此時已出潼關。日內即可到營。正可補北面圍城之不足。那彥成等。惟當督率將士。合圍嚴密。使賊匪無路遁逃。先用大砲燬其垣壁。我軍奮勇先登。即可將賊首夥。或殲或擒。一鼓全行掃蕩矣。三十日黎明。桃源賊引衆。與官兵戰於滑縣之城下。官軍三戰三捷。焚滑城之北郭。上命尙書托津。檄調吉林黑龍江馬隊兵。齊至滑城。又傳諭督臣章煦。卽派委大員執令箭。沿途傳旨。飭知領兵大員。督催吉林黑龍江兵。速赴河南。不得復停於開州。托津傳旨。飛飭黑龍兵赴滑。並將已抵開州之吉林官兵五百名。飭色爾滾等。帶赴那彥成軍營會剿。十一月十四日丁卯。那彥成高杞楊遇春奏言。滑城五門。皆撥兵圍堵。惟正北一門。賊死守拒之。中隔葦塘。難於攻拔。統計合營官兵一萬三千有奇。除守營護糧運餉解犯外。圍城之兵。祇九千有奇。近聞張垣之賊。

竄入封邱延津楊武。有西人太行之勢。又不能不分兵追剿。先其所急。其吉林黑龍江官兵。於初十日至營。卽於十一日五鼓。由衛輝新鄉等處截剿。滑城所以不能卽拔者。總爲外賊牽制。分我兵力。臣等惟有相機斟酌。就現在兵力。尅期收復。一經攻克。可告成功。上曰。賊有西入太行之勢。亟行兩面追剿。不可令其入山。滋蔓。滑城業已合圍。自可計日攻克。但此次剿辦內地亂民。不可侈言成功。指日滑城克復。渠魁俘戮。祇可云大局已定。由六百里加著馳奏。不得馳遞。紅旗及用黃面紅裏。奏摺稍事鋪張。益增朕咎也。

司寨之捷

滑城將拔。李文成部下僞將劉國明。從南湖賊寨率兵八百騎。偕宋克俊王學義等夜赴滑。三鼓。八百騎潛宿北郊。國明自將二十騎入城。與徐安國牛亮臣會議。四鼓。國明護李文成從北門出。時文成被創甚。不能騎。乃乘輕車至南湖。劉國明從八百騎送之。時官軍惟北門之兵未集。故國明得負文成以逃。尙書托津。獲賊魏得中於開州。訊以文成所在。得中詭云。逃至曹縣之扈。集。蓋欲縱文成。西竄也。山東巡撫同興。獲賊宋國新。始得其實。李文成劉國明自湖南出。欲往太行山。率衆四千餘人。入輝縣山內。司寨。有戰手數百人。文成攻破司寨據之。背山臨川。溝深牆固。十一月十八日。文成遣賊衆二千。攻臨縣之臨淇鎮。聞前有官兵。仍歸司寨。總兵楊方等。選奮勇步隊六百名。吉林黑龍江馬隊官兵六百名。分兩翼伏於白土岡之山。均十九日平明。侍衛蘇倫保。遊擊齋憤。都司趙起貴。守備張作功。率兵赴司寨誘賊。賊見官兵少。卽以大白旗麾賊衆三千餘人來戰。蘇倫保伴走賊。急追之。至白土岡。已入伏中。總兵楊芳。特依順保。各率馬步伏兵。兩翼

齊出。蘇倫保反旗鳴鼓夾擊之。吉林黑龍江兵突出衝殺。賊退保南首山。以巨石擲官軍。登高而戰。官兵怯於仰攻。河南西安諸營兵有不肯向前者。特依順保與楊芳立斬二人。以徇於軍士。皆股慄。乃冒矢石升山。梁侍衛伊爾通阿、北蘭保、蘇清河、吉勒彰阿等率馬隊兵從山嶺繞出山前截賊去路。上下夾攻。殺賊二千餘人。顛崖墜水者無數。官軍進薄司寨圍之數重。二十日平明。官軍越濠而入。且及日中。矢石如雨。侍衛伊爾通阿連中賊矢。勇氣益銳。官軍銜矢裹創。飲血苦戰。屍如山積。日將晡。寨牆始毀。賊用板門磚木抵塞之。官軍擁而登。直入寨內。寨內街市狹窄。短兵巷戰。賊勢不支。退匿民房。吉林委參領福林德奪門殺賊。賊轉鬪。福林德死。其弟甲兵伊常德怒而往奔。又死。其弟領催哲明德其姪靈星德又往。賊已走匿。他舍司寨有民房三百楹。磚石作牆。縱橫高聳。又有碉樓十餘座。亭屹立。堅不可破。賊據險擲石鎗砲。齊發。官軍死傷甚衆。日已暮。相持不下。總兵楊芳下令。舉火焚寨。哲明德、靈星德、東大炬而進。且焚且攻。須臾。烟焰蔽天。賊屍塞路。有冒烟突火。焦頭爛額而逸者。悉生縛之。李文成匿於碉樓。楊芳特依順保、色爾滾、德甯阿、率衆登樓。樓上突出一賊。自稱劉國明。持刀躍出。擊殺兵士數人。官軍以長鎗刺之。國明死。楊芳等下令曰。有能擒李文成來獻者。受上賞。文成若投出。餘賊皆免死。賊大呼。李文成在此。欲殺即殺。斷不肯降。官兵入。文成已舉火自焚。賊衆數十人羣相擁抱而死。明日官軍往視賊屍。見李文成頭戴網巾。養長髮。兩股刑傷。用麝藥敷貼。兩臂被焚。肩膊焦爛。左目有傷。面帶鎗箭傷痕。座帳皆燬。惟存白大旗。偽書大明天順李真主七字。是役也。寨內之賊數千無一人得脫者。

蘭蓂外史曰。逆賊嘯聚滑城。臨以大兵。何難立破。而不免被其牽制者。當官軍進攻之時。賊以道口桃源爲犄角。道口桃源不破。則滑城之圍不能合也。迨官軍合圍之後。賊又以司寨爲負隅。司寨不洗。則滑城之捷難計日也。司寨破而滑城不日恢復。逆氛自此廓清矣。

平定滑縣

賊據滑城。官兵圍之。數旬不克。賊守愈堅。督師那彥成賊總兵楊芳等。於城西南角掘地道。提督楊遇春率副將何占鰲。遊擊朱保等。於西門掘地道。初九戌刻下令。載地雷火藥分置城穴。外以引線發火。那彥成督同慶祥楊芳桑吉斯塔爾。副將張大振。巴圖魯德海劉泰永海等。攻城西南角。并令參將祖祥。都司寶德。趙啓貴。爲後應。高杞。同格。布舍。富僧德。德音額。侍衛阿勒罕。保額勒精額。色楞保等。攻其東門。并令遊擊富克精阿。都司沙武德等。爲後應。楊遇春。同特依順。保德甯阿。色爾滾。長慶。諾木齊。蘇青阿。達斯呼爾岱等。攻其大小西門。并令副將舒豐阿。章京富明。額勒登。遊擊廣瑞等。爲後應。總兵馮元。同蘇爾慎。協領七克唐阿。遊擊馬光宇。知縣孟肥瞻等。攻其北門。并令參將薛升。遊擊李建勛等。爲後應。各路悉備雲梯沙土布袋。以俟登城。又命吉林黑龍江及蘭州固原官兵馬隊。密伏四隅防賊竄逸。初十日平明進兵。合攻五門。賊登隅抗拒。矢集如雨。鉦鼓之聲震天。一賊大言曰。欲破我城。須精兵二十萬。官兵射之中。其左臂拔矢以射。官軍官軍又射之。賊以手接矢。左右馳突。俄而城西南角地雷轟發。南門城垣裂。二十餘丈。亂石皆亂飛。擊如神。人助之者。賊大懼。那彥成與楊芳桑吉斯塔爾。攻左角。楊遇春攻右角。直逼大小西門。時西門地雷亦發。諸將

乘雲梯以登城。高杞馬元分路並進。殺賊數千人。各門皆破。大軍齊入。城中賊巷戰良久。有賊手執大斧。官兵斫其頭不見。血惟見白氣。迷漫僵立不撲。官軍曰。汝有妖法。能復戰否。賊屍猶作迎敵狀。官兵以刀捶之。屍乃撲。是屍酣戰一晝夜。三鼓。官兵暫息。城外驟有賊衆三千突入。鏖戰。昏黑。中兵賊不分。忽古廟中火光燭天。如白晝。官兵殲賊乃盡。明日往視。知爲關聖帝君廟也。餘賊皆匿民房。官兵縱火焚之。李文成妻張氏揮雙刀死。鬪手擊殺數十人。乃闔門自縊。徐安國牛亮臣。匿於地窖中。格布舍。阿勒罕保。及固原遊擊李士林等。擒獲之。械送京師。磔死。梟首。僞大元帥宋元成。中鎗死。艮宮主王道隆。震宮主劉榮順。巽宮主馮相林。坎宮主尹振。乾宮主壽光德。俱被擒。梟首。軍前共殲賊二萬。燒斃八千餘人。生擒二千餘人。拔出難民老幼男婦二萬餘人。滑縣平捷。旨那彥成。著加太子太保銜。賞給三等子爵。換戴雙眼花翎。在紫禁城內騎馬。并賞給御用荷囊一個。陞授伊子容。照爲乾清門二等侍衛。所賞荷囊翎枝。卽著容照馳驛。又賞給黃面黑狐馬褂一件。四喜玉搬指一個。吉祥白玉牌一個。鑲寶石帶扣一副。黃瓣大荷包一對。小荷包兩個。高杞著賞給頭等輕車都尉。紫禁城騎馬。并賞給黃面烏雲豹皮馬褂一件。四喜玉搬指一個。鑲寶石帶扣一副。黃瓣大荷包一對。小荷包二個。楊遇春著賞給二等男爵。紫禁城內騎馬。黃面天馬皮馬褂一件。四喜玉搬指一個。鑲寶石帶扣一副。黃瓣大荷包一對。小荷包二個。諸將士晉秩賞賚有差。

蘭蓀外史曰。賊之初據滑城也。恃其兵食饒足。外援聯絡。旣而長垣掃蕩。潁邑奠甯。全鄉肅清。定曹恢復。而又滅道口。焚司寨。使其進退狼狽。然後飛而殲之。仰見睿幾奮武。聖略緯文。宣贊人謀。懋惟帝績。從此

幹年宅里。刁斗不驚。固薄海元元之幸。而憲平人富。時豫氣調。凡有封疆之職守者。絕惡於未萌。起教於微渺。其職固有專屬矣。

平定陝西三才峽匪

陝西岐山三才峽。有木商集於老林。伐木作薪。貿易山外。謂之木廂。傭作者多無賴子。癸酉秋。岐陽大饑。穀價騰貴。木商停工。伐木者無工作。遂糾衆持器械掠食。有萬五傅老八楊二胡二等。帥賊四百人。入鞏屋縣山中。屯集獨獨河邊。脅從者八九百人。小王澗有賊三百餘。持旗幟刀矛。與萬五會合。陝西巡撫朱勛。總兵吳廷剛。分道擊之。移檄西安將軍穆克登布。協力禦防。事聞。上命陝甘總督長齡。領兵至陝剿賊。將軍穆克登布。以撫臣所選鎮撫標兵四百人。兵力單薄。復命協領成瑞。率滿兵三百名。前往會剿。奏入。上示硃諭曰。此三百名。俟饑民定後。卽行撤回。爲是若稍鴟張。行文催富僧德凱旋之兵。速來西安。滿兵守城最要。不可再派出征矣。署河南巡撫高杞。副都統富僧德等。於十二月十六日。引兵赴陝。那彥成楊遇春偕往。上諭之日。汝二人暫往滑縣。查辦一切。不可草率。陝西一事。有長齡朱勛二人。足敷辦理。汝二人或往幫辦。或同來京復命。總候旨而行。不必張皇。十二月二十日。撫臣朱勛。會同署固原提督延綸。綏鎮總兵常祿。西安右翼副都統額勒金太。奏言。臣等據各路探報。三才峽匪。由佛爺灘竄至太平河。將木廂兩號。盡爲焚燒。沿途脅裹。攻陷伍家堡。殺傷百姓。古子溝。又有新起之賊。統計賊衆有三千餘人。所至焚掠。勢漸鴟張。上命提督楊遇春。選吉林黑龍江馬隊兵六百名。令色爾滾達斯呼爾岱二人。前往合剿。又諭督臣長齡。速帶甘肅勁兵。

一千名。不分晝夜。兼程行走。會同總兵楊芳、吳廷剛等剿賊。三才峽賊首萬五。一名萬包頭。四川人。在陝爲木廂傭作。驅饑民煽亂。率其黨余九等。攻破袁家莊之寨洞。有賊衆五千人。秦中大震。撫臣朱勛。命留壩營遊擊米章。統官兵五百。於十二月十三日。與賊戰於袁家莊。賊踞左右山梁。喊聲震天。矢發如雨。左營藍翎把總王洪謨。中營藍翎把總趙富。外委朱貴。登山梁之右。藍翎千總周炳南。候補守備白玉喜。登山梁之左。自平旦至日昃。戰聲震撼。山谷猿猴皆驚走顛墜。賊衆十倍官兵。大軍以一當百。賊大敗。殺死無算。奪其大砲十七。火鎗九十。有七長矛。一千。有奇。大小旗五十。有奇。騾馬三十匹。餘賊潰散。萬五余九不知所往。陝安鎮總兵祝廷彪。續調兵五百。抵石泉。撫臣檄總兵吳廷剛。分道夾攻。有賊楊二者。欲自縛乞降。撫臣議剿撫兼施。賊兵竄集鄠縣太平峪。幸峪口朱勛常祿額勒金太等。以馬隊兵擊之。山徑陡險。馬隊不能進。乃復檄召步隊兵。至則日已暮。不能仰攻。官兵搜獲逃賊五十餘衆。楊二之弟楊三。被俘。極言其兄投誠甚切。撫臣命把總左國先率楊三招撫之。明日。楊二率賊黨八十八人。自縛於軍前。乞免死。撫臣詰訊之。具言賊首萬五。向木商貨糧。不允。遂肆劫掠。有藥肆人李鳳鳴。以狀聞於官。汎兵至。衆恐懼。走入太白山梁。各議解散。萬五不從。逼楊二爲頭目。沿途裹脅。竄至獨獨河。青龍寨。佛爺灘。厚畛子。萬五焚燒木廂。廂工從逆者日衆。遂攻破五家堡。又有山南之賊。欲來合黨。楊二不敢受。悉隸萬五部下。萬五有衆三千餘人。馬首竄亂。向南將入蜀逆。其東竄之賊千餘人。各推尤九爲首。楊二楊三黨最少。自陳家河北竄至辛峪口。爲官軍所扼。窮促出降。又有桂老九者。曾充鄉勇。萬五逼爲頭目。桂老九不從。萬五縛之。行至燕子嶺。脫縛逃回。亦自投

於軍前。十二月二十四日。提督楊遇春。自河南起程。領原調固原兵五百名。吉林馬隊三百名。黑龍江馬隊三百名。馳赴陝西軍營。二十七日。督臣長齡。以兵至整屋。總兵楊芳之兵亦至。十九年甲戌。正月初四日。長齡朱勛奏言。三才峽賊楊二投誠之後。知縣呂朝選。率楊二赴泥峪。將餘衆三百。悉就招撫。楊二與胡二。願再往招。尤九尤九許諾。小王淵賊首陳四。與尤九合黨。共八九百人。不肯就撫。聲言官軍至。當決戰。楊二胡二數勸之。陳四斬二人以徇。曰。敢有復言降者。亦如之。陳四遂率衆出田峪。入黑水峪。官兵追剿之。賊乘夜由老林向南而奔。奏入。上命軍機大臣傳諭長齡。楊進春朱勛曰。賊匪糾衆焚掠。拒傷官兵。自無法紀。即使本係飢民。而此時抗拒。王師亦已罪在不赦。豈復能存姑息之見。况賊匪心性不齊。狡詐可惡。卽如尤九一股。先有投出之意。經前次投誠之楊二胡二前赴賊營。持示曉諭。另有賊首陳四不肯投出。反將楊二胡二殺害。可見其詭語投誠。殊難憑信。現在陝省尙多傳教匪徒。伏而未動。其不敢竊發之故。未始不畏懼官兵。剿殺。若官兵到後。並不痛剿。祇以招撫了事。伊華又何所忌憚。甯不虞其相率效尤乎。以後招撫二字。該督撫不得存之於心。亦不准形之奏牘。若不違旨。暗行招撫。則非我國之臣子也。凜之。萬五之敗績。於袁家莊也。收集散亡。遠近裹脅。未及旬日。賊衆大集。萬五部署其衆。分爲青號綠號。大旗手小旗手。正元帥副元帥。皆冠服鮮美。被錦曳繡。賊衆互相誇耀聲勢。又振癸酉十二月二十七日。總兵吳廷剛。祝廷彪等。敗之於西江口之平木山。獲其驛馬器械無算。僞封江元帥何元帥大旗手十數人。皆死戰。二十九日。遊擊朱福壽。柯春。黨聯陞。參將張起。鰲。守備劉漢。詹王彬等。分道追賊。賊棄其輜重而逃。甲戌正月。萬五竄入太白老林。

總兵吳廷剛令都司黨聯陞守備劉藻合擊之萬五又竄入盤山中督臣長齡提臣楊遇春撫臣朱勳督副將達凌阿參將丁永安自辛峪口星夜進發十二日薄暮會師於老君嶺偵知賊爲黨聯陞等窮追日夜東竄土人云老君嶺有寬溝口是賊必由之路乃設伏於寬溝之兩旁明晨賊果由老林竄入寬溝伏兵盡發達凌阿等生擒賊衆以歸有一賊左股中矢不能行整屋縣胥役江貴在軍中見之曰此萬五也乃磔死於軍前守備盧亨特持萬五首級梟示三才峽諸賊皆竄死其後尤九爲賊黨所殺陳四奔金竹園之石板崖總兵祝廷彪大破賊於石板崖之山梁賊入老林聲言投首廷彪檢其詐也佯令奔兵入賊營諭其交械密識陳四衣服狀貌而潛設伏兵於四路以殲之賊人以爲中計也數百人喊聲如雷出於林中官兵四面圍合廷彪下令生擒陳四者爲首功把總李明舉胡貴衝入賊中生擒陳四以出并擒其僞先鋒劉朝侶汪正榜等悉斬之殲其餘衆南山之賊以平捷書奏入奉旨祝廷彪吳廷剛賞加提督銜仍交部從優議敘李明舉胡貴超陞守備餘將弁進秩加賚有差

蘭綎外史曰萬五陳四以餓鼠饑鴉跳梁陝右不足當撻伐而辱師徒然使其起事於豫東不靖之日則東西掣肘遠近寒心蠹蝨雖小曷云無毒惟其滑師已捷峽寇方興此時拉朽摧枯固已易同反掌乃議者猶欲網開一面勦撫兼施不知封豕豺狼性難馴撥車箱走踰穀城反戈覆轍可虞殷鑒不遠皇上志切父民訓嚴納叛六師震疊羣醜肅清所由威動千里化馳若神而下之應上猶景嚮也

林清

林清順天府大興縣人。其先世居浙江紹興。父先本自浙北徙。僑居大興縣黃村之宋家莊。充南路巡檢司書吏。清少無賴。先本捶撻之不克悛。屏處藥肆。習賈人業。體生瘍疽。賈人逐之。清大困。爲宣武備役。擊柝守夜。先本卒。清充黃村書吏。旋革去。乃往江南。充糧道署役。復役丹陽縣署。清有口給。能營賄賂。所得卽散棄。若糞土。及事覺。官繩以法。清潛逃。後窘甚。附糧艘短絳。至通州。歸宋家莊。偕諸無賴少年。販鶴鶉於京師之西安門外。有王將軍者。清爲書吏。時舊相識。與其家人同鬪雀鳥鋪。分金不均。且奢用無節制。又見逐。嘉慶丙寅。依其甥董國太家。太國父死。請操家計。夏五月。國太之族人董伯旺。引清往見宋景耀。入榮華會。一名天理會。黨公列八卦。景耀列坎卦中。坎卦之主。爲郭朝俊。其次爲劉呈祥。又其次爲陳懋林。宋理輝。旣而陳懋林。爲其從弟懋功告計。讎得其實。擬問杖徒。諸賊皆潛奉清爲坎卦之主。朝俊性恠齷。遇事畏意。衆不之憚。清代之。乃帖服。清傳教。以真空家鄉無生父母爲八字真訣。命其徒日夕拜誦。自言預知未來事。審禍福。明吉凶。入教者俱輸以錢。曰種福錢。又曰根基錢。事成償得十倍。凡輸百錢者。得一頃。愚民惑之。遠近踵至。家遂饒。恣其揮霍。有告貸者。輒給之。鄉村仰食者。萬餘家。清乃潛蓄逆謀。詭言已爲金星下降。金旺於秋。酉年秋月。將舉大事。祀金神於西方。尙曰。又詭言前世係卯金刀。遂改姓劉。名安國。人呼爲劉真空。又稱劉林。字霜牧。或作雙木。輾轉變易。無定名。平日不嫻武藝。或勸之擊劍。清曰。吾有神助。劍術不足道也。清以事至保定。陰納教黨。河南滑縣書吏牛亮臣。因避罪亦在焉。清與之盟。饗以酒。酒酣。清出同教姓氏冊示。

之且誇招納之多。亮臣說清曰：招納不在多少，必得任事者。事方濟，滑有李文成者，異人也。君欲舉事，非其人不可。盍訪之。清遂因亮臣以通於文成。戊辰正月，亮臣客京師。庚午歸河南，林李以書幣相贈。亮臣爲之介紹。辛未春，清與支進才往滑訪亮臣。亮臣之僚壻爲馮克善，克善之表兄爲李文成。清與馮李爲刎頸之交。馮有武力，習兵械，教中號爲驍勇，性驍悍，不可制及見。清辯給如懸河，乃折節下之。文成在滑，掌震卦教。震卦爲七卦之首，各聽約束。其後兼理九宮統領八卦。文成見清大悅，奉清爲十字歸一。於是八卦九宮林李共掌。李清僭號天皇，馮克善僭號地皇，李文成僭號人皇。林與馮李三賊爲分地土。清取直隸李得河南馮割山東諸賊裂土而封，各言其所欲。據者是年清三至滑縣。秋八月，有星孛於斗垣。文成示清曰：天象如此，吾其濟矣。壬申春正月，清率陳爽、陳文魁支進才往滑大會諸賊於道口。三月歸黃村。冬十一月，李文成來見清於黃村。約明年九月十五日午時直隸山東河南同日起事。且曰：公此間兵少，滑邑兵不下數萬，僕當選精兵先期詭作客商陸續馳至以助公。蔑不濟矣。必俟滑兵至，公乃發，毋輕舉。清曰：諾。十八年癸酉春正月，馮克善至黃村。清以將帥軍伍旗幟號令告之，命其調遣諸賊。秋七月，清復僭陳文魁往滑。八月歸黃村。李文成遣其養子劉成章報清云：九月十五日河南兵必至京。公傳爲內變。清大喜。二十日，清偕陳爽入京。具告內侍劉得財、高廣福，歸以語劉呈祥曰：已分遣劉內侍、高內侍在西矣。其入大內，凡事悉命陳爽主之。九月十四日，賊將李得、劉進等先後報清云：兵衆已集，爽與文魁先入京。清云：入內城，祇用數十人，多則語泄易敗。其精銳悉宿外城，迎河南兵外城，亂內城不攻自破矣。衆曰：善。十五日黎明，清出視各路伏兵。午

時歸。十六日。祝林等奔告。禁城有備。不能攻。清默然。夜命劉福壽等。嚴守村落。俟河南兵到。卽飛報。十七日晨起。聞步卒聲。以爲河南兵到。而不知其爲官兵也。清出。遂就擒。械至京。廷訊於瀛臺之北門。清默無他語。但曰。此劫數耳。上命寸磔之。持首三省。妻趙氏。妾陳氏。皆坐誅。發其墳墓。

蘭蓀外史曰。林清一市井無賴子耳。人謂其聚衆闖門。震驚宮闕。爲賊之梟雄。不知其昏悖頑妄。祇以虛詞幻說。惑衆誣民。殺身滅族。親觀於禁城。事敗。猶束手以待援兵。及至寸磔之時。尙稱劫數如此。賊者其冥頑不靈。犬彘之不若者矣。

馮克善 宋躍濼附

馮克善河南滑縣人。少狂。鷙有膂力。曾從滑縣朱召村人唐恆樂習武伎。善騎射。尤精鎗法。嘉慶丁巳。有山東濟甯人王祥。教克善拳法。克善盡得其術。徒手搏擊數十人。無敢近者。庚午春二月。其僚婿滑縣庫書牛亮臣。見克善拳法中有八方步。亮臣曰。爾步伐似合八卦。克善曰。子何以知之。亮臣曰。我所習坎卦。克善曰。我爲離卦。亮臣曰。爾爲離。我爲坎。我二人離坎交宮。各習其所習可也。壬申夏四月。滑人有霍雲方者。慕克善名。請之往山東德州。與宋躍濼比拳。躍濼遇克善。自以爲弗如。命其子宋玉林與之角。又弗如。遠其躡。遂師事之。入離卦教。嗣後亮臣子牛文成。滑縣人。熊自華。張九成。俱師事克善。自華九成等。又各授其徒。黨羽漸多。衆遂奉克善爲離卦頭目。癸酉春正月。牛亮臣招克善見林清於宋家莊。約起事。二月。克善往德州會宋躍濼。旋偕宋玉林復見林清。清屬其調遣滑兵。克善歸。以語亮臣。亮臣曰。如約。秋九月。

林清至滑。諸賊衆大會於道口。歃血飲酒。誓告師期。定三皇之僭號。清與文成欲分割燕豫。克善欲據德州。以扼南北。乃往會宋躍。語之曰。吾聞舉大事。各據一州。無以自立。今林清多大言。少實際。李文成陰險。叵測。吾意不樂與林李共事。欲自擇善地。別樹旗鼓。進退戰守。惟吾所欲。德州乃南北扼要之區。漕艘經行之地。東鄰大海。北接燕趙。順風一呼。則河洛之交。皆我掌握。子速爲我號召師旅。共圖大事。毋僅寄林李廡下也。躍聽曰。公見之甚早。黨附林李。迄無成功。但此間兵不滿千。老幼羸弱。什去其三。寥寥數百人。可奈何。克善不得已。乃助文成起事於河南。八月。克善之從兄。滑縣舉人克功。偕克善弟克昌。赴縣告逆狀。克善遁之德州。九月。潛歸入滑。見其妻焦氏。子坤牛。女明兒。俱被殺。屍在室中。當是時。賊已據有滑城。李文成僞將于克敬。劉成因文成在獄。克善不救。棄之而逃。謂其有貳心也。故收其妻子。殺之。牛亮臣欲殺克善。或諫之曰。克善有將材。能用之。必得其力。今子身來歸。若見殺。聞者誰不解體。乃免之。亮臣諭克善曰。自今須努力報李公。遂遣克善運糧。自富新莊至謝家莊。總領軍餉。文成受刑傷手足。不見人。克善疑其疎己也。嫉之。又妻子被殺。晝與衆語。佯爲曠放。夜則獨處一室。時拔劍斫地。作憤懣悲慟聲。思欲往德州起衆。襲破李文成。併其衆。十月二十三日。偕其徒牛文成。李大成。二人。率衆五百。出滑縣西門外。揚言與官軍接戰。欲藉以脫身。去滑也。提督楊遇春。以輕兵擊之。克善躍馬大呼。左右衝擊。官軍不能禦。遇春親率馬步兵與克善敵。大戰良久。五百人殲其過半。李大成等收餘燼而歸。克善獨騎白馬一匹。手持大鐵刀。奔至南館陶。宿於河灣子。二十四日夜半渡河。宿於東店子村之趙四家。越三日。棄其馬鐵刀衣服。以與趙四。改服趙四之服而逃。十

一月初十日。至景州焦馬莊。晤宋躍。躍留之。語以將起事。襲奪李文成軍。躍曰。襲文成。非精兵數千。不可。某僅得八百餘人。離卦人不敵。震卦之什一。宜少待之。速發恐不能繼也。克善曰。此間既難集事。我將由獲鹿上蒲州。解梁訪朱大陶。同起兵。子在此遙爲聲援。躍許諾。設酒飲餞。贖之以金。十五日。躍贖買的驢一匹。送克善至小洋村。劉天祥家。天祥置酒飲克善。以先代所藏話軸給之。遂改姓劉。字德明。天祥送克善至景州文歌村馮哲家。揮涕而別。十九日。馮克善至獻縣冉家之三角村賣藥。獻縣知縣張翔偵知之。十二月初四日。密飭把總高雲鶴。典史吳楷。以兵圍三角村。翔親率健卒往擒之。克善曰。我劉明德也。賣藥營生。所得何罪。身遭兵亂。室家殘燬。因奉祖遺話軸。而出。由而知我爲賊乎。兵役欲拘之。克善格鬪。手傷數人。獻縣令麾兵至前。乃就縛解省。督臣章煦會同司道府提訊。克善不服。而劉天祥馮哲先就擒。乃提天祥與哲於堂而質之。克善曰。汝二人爲我得死。罪吾何忍。獨生吾爲林李牽率。以致敗亡命也。夫復何言。奏入。奉旨。章煦賞加太子少保銜。仍交部照軍功例從優議敘。獻縣知縣張翔。超陞知府。把總高雲鶴。超陞守備。典史吳楷。超陞知縣。兵壯丁役。行軍獎賞。克善械至京師。磔死。宋躍。隴景州焦成莊人。亦以拳勇聞。爲克善大弟子。數爲克善招納亡命。克善未獲時。躍先爲德州知州徐紹薪所獲。伏誅。

蘭蓂外史曰。馮逆有拳勇。習器械。始則欲據山東。不附林李。繼因妻子被殺。平思襲取文成。兼有齊豫。卒因德州兵少。賊黨渙散。乃流離奔竄。詭易姓名。終莫逃於天網。向使此賊不滅。則大河南北。隱憂有未艾也。天心眷顧。渠魁就戮。執亂獲醜。皇威震鑒。不白刀而俘獻。不動師而寇平。享太平之福者。豈可忘其所。

自也。

李文成

李文成河南滑縣人。世居謝家莊。少孤。爲木工傭保。人呼李四木匠。文成恥之。乃棄去。從塾師習書算。粗解意義。輒疑難相辯駁。塾師厭之。遂請絕焉。文成專研算術。旁涉星家象緯。推演必驗。見人必誇其術。人有聞者。共併笑之。文成自若也。會齊豫奸民糾結死黨。曰虎尾鞭義和拳。紅磚社。瓦刀社。其最大者曰八卦教。文成欲入黨。無所適從。夜夢魔神語之曰。君乃十八子明道震宮九教主也。得東方生氣。居河洛之中。協符大運。文成驚異。益自負。乃收聚諸無賴。及有罪亡者。匿與居。聞河南有謠云。若要紅花開。須待鹽霜來。遂自號鹽霜十八子。入震卦教。中事有條理。不當者。文成釐次剖晰。衆推服之。無異詞。時林清爲坎卦教首。教傳北方。乾卦教首張廷舉。山東定陶人。坤卦教首邱玉。山西岳陽人。巽卦教首程百岳。山東城武人。艮卦教首郭泗湖。河南虞城人。兌卦教首侯國龍。山西岳陽人。離卦教首張景文。山東城武人。俱分隸震卦。震爲七卦之首。取帝出乎震之意。習教者共聽約。束文成兼掌九宮。統管八卦。衆至數萬。爭以金帛相賂。遺謂之種根。基文成家。遂富。益豪橫。私買戰馬。善養士卒。鑄造甲仗。頒分旗號。賊黨響應。約期謀反。與林清相犄角。爲聲援。清之會文成於道口也。以坎卦人少。欲乞師於震卦。諸賊察林清無勇謀。妄自尊大。請絕之。不與。僞軍師牛亮臣。因請與之。文成曰。大事驟起。非廣爲樹敵。何以持久。林清密邇京畿。與之兵。爲我牽制。官軍使我無北顧之憂。策之上者也。衆曰善。遂許助精兵一千。詭作商賈裝。於九月十五日至京助戰。清大喜。先是辛未

秋。星象示變。文成以爲星射紫微垣。主兵象。應在酉之年。戌之月。寅之日。午之時。故以十八年九月十五日午時起事。先期十日。反形太露。避難者絡繹於道。官督丁壯急捕之。文成被擒。嚴治之。堅不吐實。反指斥縣令。諛良爲盜。令大怒。喝用夾棍。文成號呼於庭。仍不吐實。乃下之獄。三木具備。將械至省。賊黨洵洵。決意速反。初七日。賊率其衆三千人攻城。城陷。知縣強克捷死之。闔門從死者三十五人。教諭呂秉鈞不屈。被害一家死難者十有七人。巡檢劉斌。典史陳寶勳。把總戚明揚。與賊巷戰不利。皆全家不屈死之。文成從獄中出。卽分衆守城。復聯絡各路。據守要害。聞官兵將下河南。羽書絡繹。乃不敢出。助林清其餘黨入直隸。蹂躪長垣。開州。東明之間。復寇山東。徇定陶。曹縣。皆下之。圍濬縣。濬固守不下。官兵至。乃解圍。僞將兗宮伯徐安國守道口。提督楊遇春擊破之。安國退歸滑城。文成責之曰。汝失道口罪當斬。姑以艱難之際。不忍加戮。宜立功自贖。文成在滑。僞開帥府設羽帳。帳中出令軍士傳呼聲徹數里。帳後樹大纛。書大明天順李真主七字。僞軍師牛亮臣僞大元帥宋元成分理軍事。文成判曰。可乃次第施行。諸賊不得軍師令不敢入議事。文成亦不數召見也。官軍圍滑四十餘日。雲梯高聳。砲臺層列。城外四面皆金鼓聲。文成大懼。僞南湖將軍劉國明夜率衆從北門入。見文成曰。事急矣。請速出。文成偕國明潰圍出。晝夜疾馳至輝縣山中。糾衆約四千人。攻輝縣之司寨。據之分兵攻衛縣。徇臨洪鎮。官軍設伏白土岡。黑龍江吉林兵分兩翼夾擊之。賊大敗。總兵楊芳縱火焚其巢。劉國明冒火戰死。文成舉火自焚。賊衆數十人擁抱而死。先是文成居謝家莊。作亂後家屬遷居城中。文成死後。其妻張氏帥兵夜搗官軍。三入三出。官軍破戕者甚。衆滑城破。牛亮臣徐安國勸張

氏詭作被難婦女出城。張氏云：城亡與亡，不死者非英雄。乃揮刀巷戰，擊殺數人，闔戶自縊。幼女年十二，亦自刎。養子劉成章，於文成謀逆時，往直隸。晤林清，致助兵之約。九月十五日，往山西，招其黨高至林，共至滑。及林清敗，成章一去不復歸。後不知所終。成章妻崔氏，隨難民出城。荆關協兵曹培祥攜之歸。領兵都司陳天壽，見崔氏有美色，遣其子陳耀德，送崔氏於武生申標家。崔氏性黠，時滑人有劉玉春者，攜家避難，失其女劉文姐。聞申氏有營兵寄女，往讖之，則非文姐。申標外出，崔氏私請玉春，詭言己女。玉春許之，爲請於天壽。劉給歸。天壽不許。王師凱旋，天壽擢南陽鎮遊擊。卽令申標送崔氏於南陽，並召玉春約券，雋之以金。天壽乞以崔氏爲妾。崔氏善歌曲，彈琵琶。天壽嬖之，實不知爲成章妻也。天壽之子耀德從軍，亦載成章之從妹劉春娘以歸。春娘在營，知其嫂，爲荆關協鎮所掠，旋因查送難民婦女。耀德以春娘送出，撫臣訊之，盡得其實。天壽革職戍邊。崔氏發遣伊犁，給披甲人爲奴。

蘭繆外史曰：李賊與林馮僭稱三皇。林有口辯，性實昏頑。馮雖鷙悍，黨少勢孤，獨文成聚黨數萬，力能駕馭羣賊，要結衆心，故當滑城。殄寇司寨，焚巢猶能驅其狐狸，豺狼甘心效死，而不悔，甚至妖婦執戈逆縱，刎首斯亦奇矣。羣醜旣殄，餘孽竄亡，營官嬖色，陷罪投荒，人之不祥，伊可畏哉。

牛亮臣

牛亮臣，河南滑縣人。父明宗，早沒。亮臣少習帖括，應童子試，屢被黜，乃棄去。爲縣庫書吏。嘉慶丙寅，以文弄法獲罪，亡匿直隸保定府。居於唐家胡同之馬家店。是冬十二月，林清亦以坐法往保定，同居馬家店。遂結

爲死友。清語亮臣云。吾教是京南人所授。山東曹縣有劉林爲先天祖師。吾爲劉林後身。是後天祖師。真空神呪。每日朝拜持誦。可免刀兵水火。可起大事。亮臣悅之。乃拜清爲師。十三年戊辰正月。林清案結。亮臣與清偕至黃村宋家莊。宿於清家。清薦亮臣往宋村蘇氏訓蒙。十五年庚午。亮臣歸河南。仍襄理庫書。十七年壬申。林清大會諸賊於河南滑縣道口鎮之孔家店。與李文成結盟起事。凡僞官儀注。旗幟服色。皆亮臣所手定。十八年癸酉。清與文成往來議事。事洩。縣令捕文成亮臣等下獄。其黨宋元成于克敬馮學禮等。殺縣令。據滑城。劫之出獄。衆奉文成爲主。亮臣爲僞軍師。官兵破道口。進圍滑城。文成逃。亮臣居守。旣而文成於司寨。賊勢益蹙。滑城克復。亮臣與徐安國等。匿地窖中。俱就俘。解京。凌遲處死。初亮臣之結黨於林李也。賊目于克敬。以三佛應劫書獻林清。以天盤地盤人盤爲三佛。林李馮分屬之。而以書中所稱仙盤者。屬之亮臣。亮臣于賊中呼爲牛先生。而不名。首戴道冠。身披八卦仙服。共登城指揮賊衆。營建羽葆。曳鶴。壘城外。人皆望見之。其所樹白纛旗。大書掌理天盤八卦開法。後天祖師林門大弟子牛。其道號子真道人。有巽宮伯李懷林。連三中。劉道錫。坤宮伯申國正。皆其弟子也。三佛應劫書二卷。爲宛平縣典史吳孝愉所搜獲。獻於府尹。府尹進呈。上命焚燬之。孝愉以縣丞用。

劉國明

劉國明。河南滑縣人。習兌卦教。兌與乾坤坎離巽艮。皆統屬震宮。嘉慶癸酉春。山東金鄉人崔士俊至滑。國明引之見文成。士俊出國明語之曰。是教莫盛於山西。吾曹先收集山西。今方號召山東。收西路者。于克敬。

爲之主。收南路者王學禮爲之主。收北路者老劉爺爲之主。收東路者劉國明是也。林清或稱劉清。故賊呼爲老劉爺。國明又引逆書云。專等北水歸漢。帝大地乾坤。只一傳。故專待老劉爺收集北方。便可起事。秋九月。賊破滑縣。李文成封劉國明爲僞南湖將軍。統轄道口。節制各道兵馬。官軍圍滑。文成大困。國明與其黨魏得中議。突圍救文成。魏得中曰。官軍四面圍合。惟北方中隔葦塘。可乘虛以入。國明從之。遂與魏得中同乘輕車。并遣別股頭目宋克俊。小頭目王學義。各乘車一輪。率衆八百。夜入滑城。迎文成以出。宿於南湖。官軍追之不及。魏得中逸之。獲於開州。國明從文成入輝縣之司寨。司寨破。文成焚死。國明匿於稠樓。官兵登樓。國明持刀躍出。鬪死。樓下官兵節解之。梟其首。

徐安國

徐安國。直隸長垣縣祁寨人。父進成早沒。安國初習震卦教。嘉慶己巳。從劉國明爲師。改習兌卦。國明爲卦主。安國爲卦伯。在定陶曹縣城武單縣金鄉。傳教七百餘人。一百有十三家。悉隸朱成方掌之。癸酉八月。林清李文成謀逆。安國在扈家集。朱成方家。劉國明以書招之。安國歸。適金鄉曹縣先後捕逆。安國之弟子崔士俊等。皆被執。朱成方與其兄弟朱成貴。朱成良等。入曹縣。殺其令姚。劫獄出囚。賊衆一千五百人。奉安國爲首。安國率衆殺其讎人許同。四出焚掠。九月二十八日。往滑縣。見李文成。文成封爲兌宮伯。命守道口。爲提臣楊遇春所敗。復入於滑。僞大元帥宋元成。命安國與牛亮臣陰成德。分守東北門。滑城旣克。安國傷於兵。撲地。其兄徐安邦。姪徐賢。拽之民房。匿地窖中。王修智王修仁以磨盤覆之。官兵入地窖。安國先殺其兄。

與姪而自刎。未絕被擒。解京磔死。安國祖墳。在長垣春亭集之程家莊。與畢家寨相接。千總馬成符。武舉仙魁。帶兵訪之。老民程西山。爲之指示。發掘其高祖父骸骨。純綠。曾祖父骸骨。純紫。祖徐六卿。有紫籐纏其屍。六卿妻霍氏。身長白毛。父徐進城。母張氏。妻李氏。新墳在程莊東北阡。亦發掘。屍骨皆焚燬。劉傷霍氏頭骨。尙有腦漿。迸流。識者知爲戾氣所結也。李文成祖墓。在滑縣。把總許揆中。知縣孟祀瞻。往掘之。林清父母合葬宋家莊北邊之西岡頂。其前妻常氏。亦埋葬於岡。左翼總兵英綬。督兵役往掘之。

朱成貴 成方 成來 成文 成良 成珍 附

朱成貴。山東曹縣人。世居扈家集。嘉慶辛未冬。拜徐安國爲師。習震卦教。與其從昆弟成方。成來。成文。成良。成珍。同屬李文成部下。癸酉八月。朱成方自滑縣歸。與兄弟約期九月起事。先破汴梁。徑取北京。成文以旗式往金鄉。分給諸賊。八月成方弟成珍被獲。成來。成文等皆遁。成貴率賊趙飛義。趙淳修等。陷定陶。徇馬家集。十二日至孔連坑。與官軍相拒。又率衆至荷澤縣之畢家寨。逼村人從逆。選畢家寨八十人。以畢臭爲大頭目。畢復禮。畢明。畢玉桂。畢大觀。畢大鹿。畢復義。畢春景。畢道器。八人。爲小頭目。分路劫糧。復赴李文成。召將入滑。以扈家集屬成良守之。扈家集官兵至。成良死於亂軍。成貴至安陵集。官兵追之。畢臭等潰散。成貴伏誅。

崔士俊 張建木 附

崔士俊。山東金鄉人。與城武劉燕舊相識。入離卦教。劉燕之師曰王敬修。敬修與其黨張衡。同受教於王普。

仁而士俊又傳之於高鶴鳴。其教先令人執香稽首受真空八字訣。入教之始。每人納錢二百。謂之根基錢。清明中秋。隨力致獻。謂之跟賬錢。卦主受之。凡同教相見。駢二指爲劍。訣士俊於嘉慶甲子始入教。壬申八月。其鄰人高毓藻引長垣徐安國至士俊家。稱安國習震卦教。勝於離卦。勸其改離歸震。士俊遂與其黨鉅野人張建木同拜徐安國爲師。安國之教與離坎相類。惟每日三次朝禮太陽。兩手抱胸。合眼跌坐。口念真空八字。八十一遍。是日捫功。功成。可免於災難。癸酉二月。徐安國復至金鄉。告以今歲九月後。交白洋劫。數到時。教主給白布小旗樹於門。可免殺戮。安國引士俊與張建木偕至滑。謁李文成。劉國明爲之引進。士俊與建木向文成下拜。文成受禮畢。諭之曰。汝曹善用功。一切能造萬劫之苦。一切也能修萬劫之福。汝曹悉歸去。有事問爾師傅可也。士俊再拜而出。徐安國語之曰。今歲孟冬一月中。行三節氣。此卽白洋劫。前七日。白旗傳遍。凡無旗者盡殺之。其留而不殺者。乃分上下。其要訣云。位列上中下。才分天地人。五行生父子。八卦定君臣。劉國明語之曰。白洋劫山西洋頭河南洋腹山東洋尾。所以先收山西。次河南。又次山東也。士俊從滑縣歸。糾集逆黨。秋七月。士俊椎牛饗士。誓告師期。縣令捕獲之。解省。正法。賊衆揭竿而起。分破各村寨。進兵攻城。城中守備完固。賊不能破。旋潰散。而士俊妻亦敢戰。爲亂軍所殺。張建木爲鉅野令王朝恩所擒。伏誅。

黃興宰

黃興宰。河南滑縣人。世居黃家莊。與其弟興相。均從牛亮臣入教。癸酉九月。宋元成等招興宰兄弟攻陷滑

城。劫李文成出獄。文成封其兄弟爲兌宮伯。與相守道口。爲官兵焚死。興宰自道口入滑。官兵圍滑。牛亮臣徐安國等議死守。十二月初三日夜半。徐安國率賊六百餘襲官兵。宋元成令興宰率賊四百人出南門。焚官兵之砲臺。爲官兵所截。興宰不克。復入於滑。官兵從後追殺。興宰左臂中兩矢。右臂中一矢。墜於濠梁。曰。吾其死矣。呻吟久之。扶創以起。詭藏於鄉勇隊中。官兵詰獲之。于軍前伏誅。

劉玉麟

劉玉麟。直隸饒陽人。初業石工。又善畫虎。嘉慶丙寅。玉麟從深州張廣學武技。有劉洛瑞者。家藏張林存放山神冊。係金鐘罩拳符呪。玉麟袖而藏之。戊辰冬。拜陳懋林爲師。入八卦教。時牛亮臣訓蒙於陳氏村莊。玉麟與之交相善。亮臣告以劉林爲八卦大教主。辛未春。賊黨賀八語玉麟云。劉姓將起大事。玉麟曰。誰也。賀八不之答。癸酉夏四月。賀八引玉麟見林清。始知劉林卽清之詭。稱清語之故。玉麟領之。秋九月。賀八復邀玉麟至清家。時祝現劉第五亦在座。約玉麟同入禁城。玉麟以不諳徑路。有難色。清命往滑隸牛亮臣廳下。玉麟許之曰。吾能畫符念呪。行走如飛。當仗劍前往。清給以黃紙硃砂。並贈以金。玉麟聞王師已下河南。乃不敢至滑。遂亡匿。十九年甲戌春。至山東樂陵。變名劉汝榮爲鑿磨者。四月。至張五才莊。爲村人呂庭鑿磨。兼畫虎。賃廡以居。村人張克成張丙義從學拳法。二十年乙亥夏四月。玉麟至館陶縣之高家村。見祝現劉第五同集茶肆中。玉麟詢之曰。兵丁滿路。何處藏身。祝現等告以暫寓袁武魁家。是時茶肆多雜客。不敢多語。各散去。玉麟仍至樂陵。寓於小宋莊。二十一年丙子春。河間協右營守備劉英魁。四黨口守備李士剛。俱

知之。購宋莊人杜連城往。詭拜玉隆爲師學拳。遂誘而擒之。玉隆至京。刑部令雜至衆囚中。出董國太於獄。令辨之。國太見而指之曰。此饒陽善畫虎者。劉玉隆也。乃寘於法。初林李賊黨皆正法。恐續獲者不辨。真僞乃留董國太而不誅。凡有俘獲。俾辨識焉。

蘭移外史曰。牛亮臣以下諸賊。皆爲林李助惡。或先事而見誅。或臨陣而正法。或遠竄而緝獲。蓋旣自絕於覆載之中。則自莫逃於羅網之外。故死期遲速。雖殊。而其彰國典快人心。則一也。

劉得財劉金玉福祿高廣福張秦閣進喜楊進忠附

太監劉得財。直隸大興人。世居桑埜村。父峻德。灌園爲業。嘉慶丙寅。得財派入基化門服役。壬申春二月。其鄰人陳爽。邀得財歸。得財告假。至桑埜村。爽厚待之。歡讌累日。贈之兼金。得財大驚曰。吾將何以報子。子將安用吾乎。爽曰。願與君約爲兄弟。患難相共。是所望也。何敢望報。得財感之。爽勸其入教。得財許諾。爽約以真空八字呪。命其轉收徒黨。得財遂以邪呪。傳授諸內監。劉金玉福祿高廣福張秦閣進喜楊進忠。皆其弟子也。爽又告得財以林教主。手握劍訣。能知人意。中事。又逆知世上未來事。得財惑之。信服益深。癸酉八月二十四日。賊召得財至廣甯門之酒肆中。林清告以九月十五日起事。汝爲前導。事成之後。封汝爲大總管。九月初二日。得財出東華門。遇陳爽。爽授以白布數方。分給諸內侍。十五日早起。得財又出東華門。陳爽引數人同坐於酒家。午時得財引爽等。從蒼震門入。殺傷數人。官兵擒之。上廷訊得財與劉金玉福祿張秦閣進喜。皆凌遲處死。高廣福爲官兵所殺。獲屍西華門外。楊遇忠從西華門引賊入大內。事敗潛逃。南城御史。

獲賊林四。訊得其實。進忠亦凌遲處死。軍機大臣傳奉諭旨。太監等充當差使。等級懸殊。凡近御者。皆訓謹。誠樸之人。此案逆賊七人。平日所當差使。俱極疎賤。從未見面。不知名姓。僅於宮內看守門戶。從無一名會隨。赴御園者。宮中所留首領。曉事者少。平日約束懈弛。聽伊等告假閒游。致令結交外人。甚至如彰義門馬駒橋等處。數十里之外。任其恣意往還。本日朕嚴詰該逆賊謀叛之由。皆俯首無可供吐。復訊以朕平日有無苛待伊等之處。該逆賊供稱素來天恩寬厚。近日復加賞錢糧。更有何唧怨之處。尙口稱佛爺不置。是該逆賊全係被外間賊匪迷惑。至死不悟。而任其出入。自便該首領等疎防之罪。實無可辭。嗣後嚴諭總管太監等。俱不得任各處太監。藉詞告假。獨自私出禁門。其有不得不暫時告假者。該首領太監查問確實。限以時刻。必須兩三人同行。方准放出。如違。本人除治罪外。將該管首領太監一併治罪。至該數犯梟獍性成。本非常有。現在訊問明白。別無同黨之人。此外各太監等。當感戴主恩。照常當差。安靜守法。不必心生疑畏。倘有狡猾之徒。挾嫌誣攀。查明從重治罪。斷不寬及無辜。將此旨交總管內務府大臣。轉交總管太監通諭各等處。太監知之。并載入宮史。

蘭蔭外史曰。刑餘之醜。理謝全生。聲榮無暉於門閥。肌膚莫傳於來體。遂迺恣其凶德。滋其詐利。綜考先史。流毒最酷。我朝宮庭整肅。蘭寺備灑掃守門。閤外絕未嘗有尺寸之權。干預政紀也。而癸酉助逆。仍出此輩。乃知宮豎之禍。依古。屆今。莫之能免。然考歷代宦官致亂之階。或則交賄宰輔。甚則典握兵權。威焰方張。逆謀斯逞。今劉得財等。皆賤役守關。不見天日。乃以螻蟻之餘生。附於豺狼之大惡。則又逆閹中不

足○比○數○者○矣○

曹綸子福昌附

曹綸漢軍正黃旗人。曾祖金鐸。官驍騎校。伯祖瑛。歷官工部侍郎。祖城。雲南順甯府知府。父廷奎。貴州安順府同知。嘉慶丁巳。苗寇圍城。廷奎以憂憤得疾。沒於任。妻荆氏。妾孫氏。皆自縊。廷奎三子。長紳。早卒。次維。武備院工匠。次綸。充整儀衛。耀治儀正。兼公中佐領。陞獨石口都司。初。廷奎爲江蘇高郵州牧。乾隆庚戌。綸隨任之高郵。時林清爲糧道。隨役。至高郵查漕。與綸相識。清善口給。綸悅之。廷奎在任。有廉吏聲。無官貴。卒之日。益拮据。綸萬里扶輿。囊盡空。歸至都。居於宣武門內之報子街。家徒壁立。妻子鶉衣百結。綸出當差。則易一敝袍。入則衣不蔽體。既而僕隸皆散。綸自與妻子析薪執爨。每日二饘。或不給。則市罇飪。以充飢。嘉慶丁卯春。綸臥疾不出。忽聞叩門聲。啓視。則林清也。握手各道舊事。清愀然曰。曹公子一寒至此。清雖薄於力哉。然通財濟乏。義也。清何敢辭。卽出白金數鎰。與之。綸感激涕零。清慰藉而別。尋遣人持衣數襲贈之。夏四月。綸病起。造清之門。清約綸爲兄弟。綸有乏。清必給之。戊辰秋。綸扈臘木蘭。清餽之以騾一頭。馬一匹。錢百緡。冬十月。綸以賣宅致訟。清陰爲調護。清又遣主提督之家奴王五相往來。凡綸所需者。悉謀諸清。辛未春。三月。綸擢都司。往見清。清爲綸賀。綸曰。辱吾子厚愛。食我以食。衣我以衣。餽我以金。今幸得外職。將遠離前所貸於吾子者。臨別。無以歸券。將奈何。清曰。是何言哉。清之財。皆君之賜也。綸驚詫不解。所謂清屏左右語。綸曰。僕少孤貧。因遇異人授神術。凡所求無不立至者。乃漸豐於財。今傳授日衆。衆推爲坎卦教主。領八卦

九宮此間地近王畿。恐好事者謂清聚衆招搖。陷清於法。清將束身以歸。吾子或同教者不肯從。子其訓諭而鎮撫之。有罪無罪。惟吾子所命。綸大驚。良久。避席謝清曰。綸雖不才。豈爲負恩不義之人哉。安有拯救於貧乏垂斃之時。不知所報而相反陷害者乎。願我子勿復忌綸。且曰。吾困於貧。願略聞吾子所謂神術者。清授以眞空八字咒。曰。誦此則終身可不患貧矣。綸受之。遂往獨石口任職。夏五月。綸以領餉入京。語清之友人孫三劉九曰。眞空咒無救貧之驗何也。孫三劉九曰。必向林教主稽首而受。乃有驗耳。綸乃率其子福昌同至宋家莊。奉林清爲師。北面再拜稽首。清不答拜。但舉手以爲禮。孫三劉九謂綸曰。今河南七卦俱屬林公。林公將起事。將軍若潛師以來。甚善。否則舉事以後。折簡以召將軍可也。綸許以守獨石口。俟動靜。壬申夏五月。綸復領餉入京。至宋家莊。見清曰。事將奈何矣。清曰。時未至。宜待之。時李文成遣客會林清議事。清具言曹都司亦與謀。客力陳其不可。清曰。曹都司吾故人也。貧乏不能自存。吾活之。改願其事。綸至。客匿於屏後。清呼之出。客問貴人爲誰。清曰。曹將軍。客曰。曹將軍何爲者。林教主以輕財好施。爲衆所推服。吾屬所以甘爲林教主効死者。祇以激於義耳。將軍爲朝廷命官。必不肯與吾屬伍。而又詭自親附。與聞密謀。是必坐觀成敗。依違進退。將兩利而共存之。竊爲將軍不取也。綸取佩刀。以自刎。曰。願以一死報林公衆爭救之。癸酉秋七月。綸送土爾扈特往熱河。九月十三日。綸自熱河歸。林清遣其黨飛告於綸。綸不遇。十四日。綸聞河南兵齊起。心知其爲八卦教也。十五日。賊入禁城。綸未悉其實。綸與賊往來甚秘密。其部下兵役家人族屬。並不知綸從賊者。及獲賊董國太。訊得逆狀。上命署直隸總督馬蘭鎮總兵福長安。游擊花良阿等收捕。

之。綸與其子福昌俱磔於市。福昌正黃旗劉愷佐領下敖爾布綸之拜林清爲師也。福昌實愷患之。故盡法懲治。上命曹綸纂入國史。逆臣傳部議綸期親服屬。按律緣坐。上以綸母荆氏孫氏殉節死難。特赦曹廷琦曹維曹咸亨不誅。

趙心戒

趙心戒河南人。貢生。官滑縣訓導。賊衆起事。牛亮臣率衆入署。擁之爲縣令。心戒不從。乃遷之於藥肆。命諸賊守獲之。餽以糧食。心戒受而食之。城外傳言心戒爲賊。巡城鑄砲。爲封吏部尙書兼知滑縣事。滑城收復。心戒自投於軍前。曰。我年已七十。有。四。豈復能爲賊用乎。提臣楊遇春詰之曰。不爲賊用。何不。早。死。心戒曰。賊守獲甚嚴。無地可覓死。所遇春曰。不能覓死。所何不絕食。死且賊何愛於汝。而必欲活汝乎。心戒不能。答督師大臣執滑城之生監耆老詢之。皆言趙訓導無受賊僞封事。卒以遇變不能盡節。且受逆賊餽糧。罪當斬。乃正法於軍前。

劉竹

劉竹山東定陶人。欽賜國子監助教。賊破定陶。官兵不能遽絕。土寇蠶起。竹之子弟十數人。皆持兵械。四出剽掠。竹不能禁。又縱之。民以訟諸官。并訴其作詩悖逆。大吏執而訊之。其詩中有云。食。粟。不。妨。盜。跖。樹。存。心。願。擬。首。陽。清。蓋。自。明。其。非。從。賊。也。後以聞於朝。與其子弟皆伏誅。

蘭蔭外史曰。趙心戒劉竹皆受一命之榮。卒至白首陷賊。自取刑誅。汜彼貪泉。淪於禍水。食盜跖之樹栗。

隨拘鼠以偷生。雖欲獲保首領。何可得哉。

俠魂曰：林清出身微賤，竟能反抗羶虜於最盛時代，未始非人傑哉。章餘杭先生稽勳意見書亦在倡義起兵功烈卓著者之列。謂林清倡中央革命與寇盜不同，其宗教之妖妄可置不論。昔明祖起兵亦奉香軍名義法蘭西之革命亦有擁女優爲自由神與義和團之黃蓮聖母何異者。此種事祇宜問其目的不必論其行事也。等云云。此記毀譽失當。輯者以保存故籍計不加增損閱者亮之。

梟林小史

闕名

(弁言)語有之否極則泰。泰極則否。否泰循環天心之妙用也。我邑自孫盧聚嘯迄今三千年未嘗被兵革。非以窮鄉僻壤土薄民貧又無高山大川負險可固爲割據者所不爭地乎。迨夫劉河塞吳淞洩迢迢申浦商賈雲集海艘大小以萬計城內外無隙地窮奢極欲奇異淫巧之事迭出屢見愚者豔之有心者蓋望氣而切慮焉。果不旋踵而英夷肆擾居民紛紛遷徙既卽議撫兵不刃血此固天降大罰先小警之俾隸斯土者各自惕厲以潛消於未至而人卒莫之省也。且非特不悛殆有甚焉。一旦醜跳梁一炬於焦土而又曠日持久殺人如麻白骨積山青燐徧地還鯢駢戮雀鼠均災百戰之餘必使空城而後已是易故哉。所謂泰極則否遭斯劫者猶疑天心之不仁斯亦人事之不智矣。僕久隸海濱一椽託跡驚心烽火觸目流離未慣揮戈有懷投筆見聞髮指於今三年茲且凱矣。是編也非敢自爲傳信之書但令展卷者寓目弁言明乎福倚禍伏之理知極盛之難繼未必於世道人心無裨且見倒行逆施之無濟於事使

妄弄潢池者知戒懼而我國家德懷威服用見大勢之不可動搖也至以綱目書之要不能無貽誚於大方云爾。

咸豐三年秋八月與匪劉麗川據邑城叛邑令袁遇害

先是二月初江甯失守邑人訛言小刀會起家廣東潮嘉人也廣中向有斯會而流寓吾邑者多無賴因襲其號以聚衆既乃尤而效之紛紛繼出或名天地或名上帝每有細故一呼百應而建之泉漳人爲尤橫浙東台甯次之我邑本五方雜處市中棍類亦聚衆相競當是時各黨未合猶未悉賊首爲劉麗川也麗川廣潮州人在邑無家室輕施與以故同鄉人咸悅服推重之嘗爲夷商通事後落魄無生計抄襲方書爲人治瘍頗驗遇貧苦不受餽由此名藉甚小刀會起推以爲首時道憲吳邑令袁適蒞斯土而吳憲廣東人嶽闢有大志金陵之失提軍向駐溧水吳首創捐廉集義勇遙應爲聲援以是蘇松皆望風驚潰而我邑獨安堵有識者竊憂之謂夫道庫貯百萬所轄皆廣勇昔年廣艇局之捕盜也因而爲盜一旦有變恐內應第以吳憲寬厚度其未忍卒發會制軍移駐崑山吳以事接見往復者旬日而賊黨之謀已定迨返而不可制矣初三日青浦土匪周立春因民變陷嘉定立春故土豪抗糧拒捕在逃未獲至是陷嘉定賊卽於初五日夜半率衆數千人呼嘯入道署吳急升堂諭禍福而所集義勇亦倒戈叛僉曰大人請起一呼而闔署皆裹紅巾焉吳知事不可爲退欲覓死不得爲夷商擁去而副賊潘金珠卽於是日殺袁令金珠江甯人其父以罪戍我邑爲禁子娶妻生金珠故又號小禁子年十八短小剽悍爲棍徒首袁令

下車。卽擒治之。幾斃杖下。後以保釋。將出署。指天誓曰。好男兒。不死當必有以報其德。至是。乘亂戕袁公焉。

賊閉城門。馳按民。

賊之舉事也。六門皆以兵守。有乘亂逃出者。多踐踏死。旣而馳按街市。使各安業。禁搶奪及奸淫。執其黨。殺三人。城中愚民或信之。及官軍抵城下。賊態畢露。按戶勒捐。稍不遂意。炮烙之慘。莫可言狀。必與重金。且環保。乃得出。至有坐困二年之久。餓以死者。

賊貼僞示。

賊僞示。稱大明太平天國。印曰順天洪英義興公司。不知何義。劉爲首。陳林以下十九人。俱有元帥將軍之號。冠服取給神廟及優部。餘裹紅巾。軍械則吳憲所置。竟資賊用。

賊撲太倉。官民擊走之。

賊將潘金珠撲太倉。衆議走避其鋒。而州守蔡及錢陸二紳不許。會糧艘停運。水手流寓者以數百。守急募聚。使健役統之。設三覆置大砲於公座下。城門不閉。使民僞降。皆焚香接賊。以所向無抗禦者。故信之。呼譟而入。及州署炮發。前驅悉斃。急退。而市樓皆藏兵矢石。交下殺三百餘人。金珠遁還。是日賊遣其目趙渭堂陷川沙。時盜掠寶山邑。土匪沈紹昌趙茂曾等。陷南匯。邑令章自縊。沈集衆號百龍。黨亦裹紅巾。倚廣賊爲聲勢。實未同謀也。

賊拒官軍於黃渡。前鋒貴州營擊敗之。

中丞許檄大軍水陸並進。炮聲如雷。賊懼。欲棄城走。獨潘金珠、陳阿靈等議守。而僞軍帥吳雪堂爲區畫。聳使迎擊。於是率八百人抵黃渡。適前鋒貴州苗士司以赤足兵至。遂戰。賊施放鎗銃。煙陷障空。百步不相見。我兵皆伏地避。卽制匍進。及賊覺。而短兵接。殺百餘人。賊敗走入西門。我兵長驅始抵城下。是日官民克復嘉定。

大軍會剿

中丞許督馬步自崑山下駐老閘。郡守藍率舟師沿江達龍華鎮。所謂南北營也。旣而防剿局南沙勇糧勇台勇等以次齊集。候補巡檢蔣時已略定寶山。而川南亦相繼爲士民克復。

八月廣艇獲賊艘於陸家趾。賊焚南倉。

先是劉賊本無大志。以潘金珠戕縣尹。罪無可追。不得已據城守。至是以重金啗花旗商。得火輪船二。盡載金帛將逃出海。而廣艇皆潮勇偵知之。出其不備。襲擊於陸家趾。賊目多赴水死。劉聞報將自殺。其黨陳阿靈勸止之。反勒衆出南門焚倉街。官軍撲救且肆掠。以故無入城意。賊因得整旅施大砲。我兵反却。賊設竹壘。

竹壘者。置土於袋。以竹夾之。設機能運動。中炮則仆。而復起。急切不能破。賊恃以爲固。城中拆民舍掘窖金。

城中富戶逃出者。多窖金於地。往往洩漏。爲賊所得。而蔡吟濤家。藏銀三十萬兩。悉被掘。於是按戶勒捐之外。徧供藏窖。炮烙橫施。日拆民廬。紛紛搜掘。

賊毀文廟。

初劉賊僞轅。在敬業書院。既而遷明倫堂。常登文星閣。瞰城外。遂拆大成殿。以廣其居。

九月糧勇獲賊僞帥李紹卿於董家渡。

紹卿廣東人。賊中稱萬人敵。且狡諳多智。劉賊倚爲心腹。會中酒率其下百餘人。出大東門。直撲南營。傷兵勇數百。將退入城。糧勇乘之。失足墮橋下。死。劉聞報。哭曰。天喪我。一臂矣。遂爲發喪。率衆登城。臨奠。

十月賊尙據城拒。

十一月賊黨自戕。

嘉應賊目謝七。係金珠妻兄。見勢不支。勸令降。金珠佯許之。卽以告。劉麗川執其黨三百餘人。盡斬於洵。

沙場北。謝七又名陳阿六

十二月賊尙據城拒。

四年春正月賊詣各廟進香。

出小東門。入天后宮。冠九龍衣。大紅袍。人皆見之。兵勇恐有伏。未敢擊。賊黨林阿福。卜筮於陳忠愍祠。三卜而三不吉。怒去。忠愍冠以紅巾。裹之。

二月朱月峯投大營降。

月峯。高人。少無賴。其父以不孝呈當事。後爲族某保出。投捕盜局。有功。給千總銜。金陵陷。邑城戒嚴。遂爲鄉勇首。既與沈紹昌等結百龍黨。變起卽從賊。守大南門。城中逃民有賴以得免者。賊疑其有貳。將殺之。于是逃出。投大營。願爲前鋒。而所向竟無功。及官軍克復。數其罪。卒斬之。

三月賊尙據城拒。

四月南沙勇潰。邑武生羅士杰戰死。士杰素有達幹才。篤交任俠。毀家團練。前後接仗。幾入城者。再賊切齒。至是中鎗仆衆奪尸。至大營氣絕。郡守藍急臨視。忽張目呼。勿退者三。

城中行蓄髮令。

初民與賊無別。往往逃出。至是聽徐某渭仁計。行蓄髮令。示以出則必死。

城中設義學。

賊欲羈縻諸衿士。使二十餘人分教之。

花旗商焚大營。

初花旗夷商與賊通貿易。佛蘭西商常勸止之。不聽。會運米爲貴州兵所乘。夷商傷足。因銜恨。乘間襲焚大營。燬器械無算。賊出城衝擊。軍士力戰得退。中丞吉擬先擊鬼子。檄佛商乘其後。花旗懼。以十萬金賂償焉。并約嗣後無與賊通交易。

五月。賊尙據城拒。

六月。賊鑄錢。

時城中富有金銀。而獨缺錢。庫實銀五十兩。易錢二十餘萬。至是收廢銅悉鑄之。文曰太平通寶。背作日月二形。奸民人城貿易者。卽與所鑄爲官軍獲。查驗卽送大營正法。前後殺數人。賊知不可用。仍鑄成豐字樣。

試用知縣謝入城議撫遇害。

時城內外民久困。或議招降。使赴金陵攻長髮効力。試用知縣謝慨然願往。於是單騎入城。諭禍福。諸賊在可。否。而陳潘二賊堅不應。轉率衆脅降。謝知不可。理論。遂罵賊。被擁至點春堂外。北面叩首。已引頸就刃。城中民得見者。咸爲流涕。

七月。台勇敗於城西。

潘金珠與女賊目周秀英。係土匪周立春女。立春敗。逃入城。二人皆健鬥。會與台勇戰於城西隅大境外。置鐵蒺藜。散布城下。金珠。祥。敗。誘敵。台勇。乘之。中者。轍仆。秀英。率。二百餘人。衝門出。咸用巴山虎。及小撓。鈎。諸械。著身無脫者。被執入城。都殺於積穀倉右。

官軍掘隧攻城不克。鎮憲青中傷。旋卒。

隧。道。之。役。掘。地。當。城。下。置。藥。於。內。俗。名。地。雷。有。摧。山。倒。壁。之。勢。爲。此。謀。者。係。中。丞。許。幕。客。某。約。於。初。九。日。

卯刻三處並發西北兩隅爲潮所淹引藥不應惟南隅發城倒者十丈有奇居民傷斃以數百鎮憲青急進中飛石仆奪尸至北營而氣未絕越日始卒後遂無敢入者

賊發衆修城

隧道之役賊得耗先走匿至是驅士民修城乞花旗商以兵衛助之不日而竣

中丞許逮問詔以廉使吉代之並以候補府丁調理南營

大軍之會剿也屢獲勝仗而邑城未復至是逮問

八月賊尙據城拒

九月官軍焚羊毛街築大炮臺

時城外民廬焚燬殆盡而城東北隅即羊毛街爲賊出沒之地于是悉焚之並築大炮臺城中虛實始得而見賊衆乃懼

李少卿投大營降

李福州人爲海商饒有財被賊脅用至是逃出投大營降納之發防剿局差遣

官軍夜襲城不克謝應龍投大營降

謝寧波人爲賊脅用因李少卿願歸順約于二十日夜半適謝臨城四鼓爲內應許之我軍夜架雲梯兵勇恐有伏未敢迅登而督兵弁亦恐墮詐策急切不上謝久待復轉三鼓而賊將潘金珠素機警醒聽卽

覺有異。率衆登城。見所作大譟。謝知不濟。投城下。幾死。詣大營降。雲梯悉爲賊攬去。

糧勇追賊入城不克。

糧勇王三寶。率百餘人追賊入南門。賊併力格鬥。後軍不繼。戰且退。及城而垣門已塞。三寶登堞樓。躍而下。餘亦相繼隨之。賊吐舌。驚以爲神。三寶年二十。有奇勇。

賊設孩兵局。

時貧民久困。無以爲生。不得已充當賊兵。爲度日計。每戰健者執杖。老弱吶喊助聲勢。至是另設孩兵局。十歲以上皆收錄。工食加倍。賊目林阿福督教之。常出城爲前鋒。慄疾善鬥。

十月。賊浚城中渠。

先是賊執兵勇。俱被殺於九畝地。血流溝澮。灌入城渠。水腥不堪飲。乃偪居民浚河。及近城街道多改作百步置木柵城上。架板如平地。藉氈。可坐臥其上。

賊撲北營。抵新開。防剿局要擊敗之。

賊久據城。作負隅勢。而實無能。爲至是悉銳撲北營。而防剿局董、李、愛、堂。有膽力。按兵不動。待賊過半。始奮擊。賊首尾不相顧。大軍掩至。遂亂竄。賊將陳阿靈等。俱被搶入城。李嘗爲縣役。夙有幹才。

十一月。佛蘭西導官軍入城。不克。

佛商輸誠効力。偵知賊勢日蹙。乃導官軍攻陷北門之振武臺。城中空若無人。遂入。抵北香花橋。距士分

道登城。拔賊幟。炮發。伏起。夷商急退。賊免之。軍士多陷城內。賊脅降。置廣福寺。夜半縱火焚之。無一人得脫者。

佛蘭西徵兵至。官軍進偪。始築長圍。

佛商誓滅賊。徵兵於國。發千餘人。駕火輪船。入吳淞口。炮聲震天。我軍進偪城下。於是六門皆以兵扼。築長圍以困之。

城中人相食。

初賊殺兵勇。取五賊烹食之。尸骸棄去。至是居民乏食。羅雀掘鼠。及草根悉無。所得不得已。取死骸食之。弱者不敢食。多餓以死。

賊縱居民出城。

時城中缺糧。已近半月。賊不顧。哭聲達晝夜。及官軍進偪。賊糧亦將盡。乃聽徐紫珊某計。驅飢民出城。徐亦乘間出。百姓以蓄髮久。擬不死於賊。必死于兵。而吉中丞悉貸不問。

十二月。官軍執賊諜於陸家趾。

初城中食物。仰給英商及奸民買者。至是不能運。而金亦垂盡。無所爲計。乃悉索賄奸。弁爲外應。聚議于陸家趾之桂花廳。約於元旦倒戈叛。應先劫佛蘭西商。直撲蘇郡。會夷場鋪中紅布驟銷。咸爲兵勇所售。知有變。於是偵得確耗。遂襲執之。盡獲賊及諜叛卒二十餘人。送大營。訊供梟示。

劉麗川棄城走。

賊知外應事洩。勢不能支。乃棄城走。餘衆悉潰。

官軍追斬劉麗川於紅橋鎮。

賊分道水陸竄。約於吳淞口同入海。而劉賊爲官軍追急。趨紅橋鎮。市民乘之。賊勒衆死。格幾脫。既而中鎗仆。馬軍武大勝。得其首級。持報。邑監生徐渭仁爲識認具結。

五年春正月元旦。大軍入城。

大軍整暇。有約束。以故居民無枉殺者。而防剿局先入城。尤爲出力。

中丞吉檄佛蘭西商。追獲賊艘吳淞口。松太悉平。

時餘賊將入海。中丞吉檄佛蘭西商追及之。賊目多赴水死。生執二百餘人。送大營。駢斬於市。僞軍師吳雪堂及女賊目周秀英等。俱生獲。正法。獨陳阿靈潘金珠二人。在逃未獲。而生致賊目。俱供二人爲亂兵所殺。嚴飭兵士查驗首級。都不符。其或溝瀆自盡。抑幸脫法網。均未可知。總合大軍追捕。及鄉民斬報者。共二千餘人。宜無倖逃者。於是松太悉平。時城中坐困已久。黑白難辨。邑文生郁松年。捐銀二十萬。爲辦善後。士民皆踴躍。子來之力。必有可觀。而其中之不受賊脅。窮餓以死。爲賊殺者。抑有傾側。擾攘於強弱之間。人固有賢不肖之不同。胡可同日語哉。惟是民舍蕩然。觸目瓦礫。瘡痍可復。歲月正長。執筆至此。爲長太息者再四。

終

(跋)此稗野非志乘也。而自始至終。情節頗實。其有顯罅。忌諱之處。不得不略而弗詳焉。噫。揆賊初衷。不過劫掠之故智耳。及至一發而莫可復已。守困孤城。坐以待斃。何其愚也。乃兵勇且十倍之。轉輒相持。幾於二此極久。職其故必有濟匪者。然而賊亦狡矣。脫於未事之先。得一良有司而撫循之。或能先發制何。遽至於年之。乃奸生肘腋而莫之發。守土如此。朝廷亦奚賴哉。明知事之必無大害。而多此一舉。其中蓋由人事。匪直天心已諺云。蜂蠶有毒。又曰。搏鼠亦用全力。握虎符者。亦可不慎歟。是編就耳目所及。不事粉飾。聊記顛末。幸無以正史繩之。

李自成張獻忠軼事

醒 謝

幼時嘗從朱曼叔先生聞李自成軼事云。是得之私家傳述。故勝國所載多未之及。小竊無俚。剽舊聞。因憑強憶之力。記之如左。其已見於傳紀者。則皆不舉。李自成。本米脂人。其妻倡也。與縣皂通。自成覺之。乃命殺其妻與皂。偕兄子過亡命。投甘肅。鄯將王國爲兵。漸以戰功擢升爲將。後數年。自成敗於川。引十八騎。跣足行商洛中。其時軍律嚴。兵敗必斬。自成乃倡議曰。今兵敗歸。亦死不歸。亦死。一而後策。或可倖免。今者歸。不如遁也。衆響應。乃遁山中爲窟。嘗讀書觀乾象。咄咄自語。掩卷謂左右曰。汝亦知漢高之百戰百敗。而得天下乎。願其所讀書。自謂傳。自異人。其秘人不得而知。後自成屢敗。爲楊嗣昌所圍。恨欲自殺。其將李復喜諫止之。時賊將多降。而藍田鍛工劉宗敏。與孩兒軍張錦。後稱小張侯者。嘗幸從自成。偕之。愁叢祠中。願

宗敏嘆曰。人言我當爲天子。汝盍卜之。吉則從。不吉可斬我頭去。以降宗敏。諾納其刀腰間。三卜三吉。起而殺其妻妾曰。吾死從君矣。自成乃燒屯走河南。十四年陷河南。燔外王府。樹割福王雜鹿肉爲醢。犒諸賊。名曰福祿酒。自成之母生自成。嘗夢一皇者。服竟冕來。謂之曰。吾送天破星來爲爾兒。醒而誕自成。遂命名曰皇來兒。自成之祖坟在陝萬山中。共十六棺。一棺始祖也。傳有仙人點其穴。瞧鐵燿擊于墓門。曰。長燈命。且爲之名。曰鐵燈明。李氏王自成反陝。撫汪喬年令人發掘其祖坟。果有燈燧旁具赤蠟數斗。喬年棄之墳壙中。復毀棺屍骨作青碧色。生毛髮茸茸如細菌。腦宮一赤蛇長四五寸餘。有小角見日即飛。昨若曰。華者七次返而棲于腦。喬年因函臙骨以聞于上。自成囁指切齒。謂必報此仇。明日薄兵城下。索喬年出戰。喬年出自成邊躍前曰。此發我祖坟者。急擊勿失。言次揮其鞭。萬矢同發。喬年敗死。城亦隨陷。

自成爲人。不甚長。高額深顴。鼻如豺。而出語甚遲緩。性慘酷。鉗鑿鎚刀。不離左右。日以割心。琢腦爲戲。惟甘澹泊。食不重味。一妻一妾。無子。以李雙喜爲子。每在軍。蓐食卽校射。所過崇岡絕坂。騰躍而上。躡水翹足。馬背徑渡。臨陣列馬兵三萬名。三堵牆而各有幟色。紅一白一黑一。望之若錦雲。馬戰久則步排而前。長矛三萬。擊刺若飛。遲之則馬兵再合而戰。且爲之令曰。下城不踰時。不殺一。日殺十之。三再日十之。七三日屠之。每城陷。步兵環堞下。馬兵徼之。如覆海。然不使一人脫生。以崇禎十七年正月朔。卽順王位。是日風霾黃霧。四塞。自成意不悅。僞學士姜學一進曰。此正所以掩大明也。自成乃悅。自成既陷京師。裁帽窄袖衣。乘烏驢。登皇極殿。據蔽座。大學士魏藩。德成國公朱純等皆歡迎。不許。乃召見京朝官。自金星下。六政府皆雜座。

以次呼名。自成親選七十三人。金星選一十七人。列爲三等奏聞。榜發俱不用。用其要者。除發權將軍署。榜笞索金。自嘉定成國公以下。皆多體髮項。夾脛箍腦。虐無虛日。於是諸臣始稍稍遁去。乃殺諸勳衛於平則門外。逐闖人出城。無老幼貴賤數十萬。不許復入。開科取士。用書義中式者十八人。命登清焚太廟神主。進拷批索銀凡七千萬。候家出十之三。闖人十四官十二。估商十一。餘官中內帑金銀器皿以及鼎耳門環細絲裝嵌。剔刮殆盡。初鑄錢不成。鑄金璽。又不成。乃鎔金爲餅。每餅千兩。竅其中。貫以鐵絲。凡數萬餅。括驛車於乘。謀載歸西安。嘗曰。陝吾父母之國。形勢雄險。朕當世代之。雖燕京又豈能易吾一西安哉。

後清師入關。自成數數敗。屯於黔陽。衆猶數萬。大飢。令兒子過守營。自將輕騎掠食。村民方築堡。見賊來。合圍伐鼓共擊之。自成走。且射積雨。人民陷泥淖中。村民揮鋤碎其頭顱。血肉漫漶。不知爲何賊也。抽尸剝甲。裳見龍衣金印。龍威眇左目。驚爲自成。截其頭以獻。川督何騰蛟騰蛟曰。吾聞李錦亦眇左目。得非錦耶。驗之左顛傷於鏃。曰。是自成矣。蓋自成眇左目。故衣上龍威眇肖其形也。俎其頭祭烈皇帝。李自成雖殘忍。較之張獻忠亦稍稍遜。自成米脂人。小字禮生。居懷遠堡。李繼遷寨。與張獻忠不相謀。面獻忠延安柳樹澗人。與自成同年生。崇禎三年。據米脂之十八寨。自號八大王。獻忠過湖。卜於洞庭。君者三。不吉。大怒。仆洞庭君像。竟渡。至中流風發。覆賊白餘船。獻忠怒而還。纜大舟岸旁。網所載婦女什器。投以薪油。縱火燒之。凡千餘艘。連岸四十里。夜中水光如霞。李自成據西安。方謀襲川。獻忠覺之。親督軍騎出禦於保寧之梓潼關。仰視文昌廟曰。張姓吾祖也。祖姓張。我張姓。咱們聯了宗罷。尊你爲祖。祖須助我。於是上張亞子尊號曰。始祖。

皇帝大敗李自成於綿州。俘其衆得蒙古一千五百人。改綿州曰得勝利。

又謀襲西安。思盡殺川人以絕人望。遂先殺所俘一千五百人於南門之外。始分兵計殺。凡一兵殺男子百授把總。女倍之。以頭與四肢爲記。以上較次。準級不者坐逆罪。殺無赦。卽於崇禎己酉年九月望。夕夜分起。會計各路衛軍七十五萬兵。二十三萬有奇。家口不計。乃殺民之諸生釋道及堪輿醫博有材技者。各府縣編牌按名分列。輪殺凡家口三十餘萬。獻忠猶以爲未足。復捫戶草殺。由成都自城北威鳳山至南門桐子園。綿亘七十餘里。屍積若邱山。其歸女不勝殺。則牽鈕而投。批於流水。流水乃爲之涸。

丙戌元日。命平東將軍孫可望。撫南將軍劉文秀。安西將軍李鎮國。征北將軍文能奇。分路草殺。五月間回成都。上功疏。平東一路殺男子五千五百八十餘萬。女子九千二百萬。撫南一路殺男子九千五百六十餘萬。女八千八百萬。安西一路殺男子九千九百餘萬。女八千八百萬。征北一路殺男七千六百餘萬。女八千八百九十六萬餘。中央一路則由獻忠自領。名曰御府老營。其數自計之人莫得而知也。惟僞總兵溫自讓不忍草殺。牽百騎遁。獻忠殺其妻子以殉。有子幼。白如琢粉。獻忠以火印烙之。周身爲卍字形。名曰錦孩子。其殘忍有如此者。

嘗屠順慶。其鄰屬聞令。爭先期向酒家。費酒謀醉死。酒家堆金錢如山。初大喜。旣而思之。復大哭。皆叉手待戮。無一倖免。草殺旣盡。乃燒毀城郭廬舍。積聚粟米有不盡者。剝皮以循。於是用法移錦江而涸。其流穿窬數仞。實以黃金環寶。累億萬殺人。夫下土石填之。然後決堤放流。名曰活水。藏後至者不得發。乃以平全川。

士寇功勒石頌德。令侍臣嚴錫命撰文。既成。獻忠命其北面立而誦。錫命爭曰。當南面。獻忠怒。刑其雙足。亂杖以死。獻忠黃面長身而虎額。人稱黃虎。一妻七妾。強健不及李自成。而狡毒過之。性嗜殺。嘗封蜀世子爲太平公。未數日。殺之。開科取士。盡坑其所取者。禁軍民私語。犯者斬。昏勿燃燭。燃燭者坐十家罪。列兵爲甬道。令民徒行以過。少女留入營。餘皆處死。以兵脅紳士。不至者抵法。禁勿觸諱。犯者斫去手足。下令民間勿蓄馬。乃擇日考武生。武生無馬。選棧馬之拙劣者數百匹。驅之使武生騎。既騎。發巨砲轟之。合營兵大噪。以奔之。馬驚人。墮蹂爲肉泥。乃大笑。樂蜀府醫院有銅人四。獻忠以楮幕其竅。令大醫刺之。其有差者。即以金鎗還刺其人。竅謂爲銅人復仇。一夜宮中鼠鬪。擾獻忠。獻忠乃下令營兵捕鼠。明日於轅門繳令不得者。以首代。是夜兵大亂。掘屋毀茅。捕鼠。轅門堆鼠屍如山。又蓄巨葵數百頭。令雜羣臣朝拜。有爲犬所嗅者。卽爲不忠。推出斬之。剖心爲戲。其殘酷無人理。至此人謂鼠風坡。箭集其身。猶不足蔽其辜也。

李自成軼事

闕名

何璘澧州志云。李闖之死。野史載通城羅公山。明史載通城九宮山。其以爲死於村民一也。今按羅公山實在黔陽。而九宮山實在通山縣。其言通城皆誤也。昔有孫致授言李自成實澧州。至清化驛。隨十餘騎。走牯牛壩。今安福縣境。復乘騎去。獨竄石門之夾山。爲僧。今其墳尙在。云余訝之。特至夾山。見寺傍有石塔。覆以屏塔面。大書奉天玉和尚。前有碑。乃其徒拂文載。和尙不知何氏子。一老僧年七十餘。尙能言夾山舊事。云和尚順治初入寺。事律門。不言來自何處。其聲西人。後數年。復如有一僧來。云是其徒。乃宗門號野拂。

江○南○人○事○和○尚○甚○謹○和○尚○卒○於○康○熙○甲○寅○歲○二○月○約○年○七○十○臨○終○有○遺○言○於○野○拂○彼○時○初○不○與○聞○寺○尚○藏○有○遺○像○命○取○視○之○則○高○額○深○顴○目○蠅○鼻○狀○貌○猙○獍○與○史○所○載○正○同○明○自○成○僭○號○奉○天○倡○義○大○元○帥○後○復○自○稱○新○順○王○其○自○稱○奉○天○玉○和○尚○蓋○自○寓○加○點○以○諱○之○而○野○拂○以○宗○門○爲○律○門○弟○子○事○之○甚○謹○豈○其○舊○日○臣○相○與○左○右○者○歟○明○史○於○九○宮○山○鉏○死○之○自○成○亦○云○曾○遺○識○者○驗○其○屍○朽○莫○辨○至○老○僧○親○聞○警○欵○其○西○音○又○足○異○也○

右○李○自○成○墓○誌○江○賓○谷○(名○昱○志)所○著○據○澧○州○志○以○駁○明○史○通○城○之○誤○則○羅○公○山○之○謬○更○不○必○辨○其○所○徵○引○亦○精○確○但○據○前○史○所○稱○則○自○成○之○死○於○村○民○無○疑○其○言○村○民○既○鉏○死○自○成○剝○其○衣○得○龍○衣○金○印○眇○一○目○村○民○乃○大○驚○疑○爲○自○成○其○說○原○非○無○據○此○老○僧○既○能○知○和○尚○入○寺○之○始○及○其○卒○時○年○月○必○能○記○憶○其○面○目○惜○當○日○孫○教○授○未○及○一○問○其○詳○也○

按何騰蛟傳李錦(自成從子後賜名赤心)高必正(自成妻高氏弟)之歸騰蛟於荊州也騰蛟上書言元兇已除稍洩神人憤宜告謝郊廟唐王大喜立拜東閣大學士兼兵部尚書封定輿伯而疑自成死未實騰蛟言自成雖死身首已糜爛不敢居功固辭封爵不允是當時亦有疑其未死者故本傳兼存大清遣官驗尸之說與豫英親王奏有降卒言自成竄入九宮山爲村民所困自縊死屍朽莫辨者合然果其未死則所稱得龍衣金印而眇一目者伊何人耶

記台灣朱一貴之亂

小蝶

天○下○之○大○亂○其○始○必○由○漸○而○起○若○於○其○禍○未○顯○時○卽○撲○滅○之○事○猶○可○爲○也○願○往○往○上○下○泄○查○置○國○事○於○不○問○

一旦告密信至。猶且斤爲好事。使不至釀成大患。不止如康熙六十年。台灣朱一貴之亂是矣。一貴小名祖漳之長泰人。業販鴨。自編爲隊。出入成列。愚民異之。多呼爲師。適臺郡太守王珍。兼攝鳳山縣事。性貪婪苛刻。既下車。立捕歆盟及違禁入內山砍竹木者百餘人。論以大辟。一貴幸得免。遂藉爲口實。遁窮山中。與其黨黃殿李勇吳外等密謀。乘機煽惑。顧猶隱而未發也。有粵民高永壽者。負販笨港。見病者臥破廟中。餓且死。永壽憐而活之。一日至南路。遇前所活人。歎感泣引之入深山中。設酒肴相待。初不知其爲賊也。酒酣其人乘間起引之見一貴。則刀鋒森列。侍者都無聲息。儼然王者。見永壽至甚喜。與詳言倡亂之謀。且招入黨。謂事成者當富貴。與共永壽佯許之間。遁回赴南路。營告變不信。復之府告之。鎮道語觸太守。鎮道怒以爲狂。嚴刑審訊。坐妖言惑衆罪。論辟。尋資緣得寬典。責逐過海。永壽憤甚。思有以報乃遁歸。告一貴。且語以可乘之際。一貴怒乃作亂。其時器械咸具。獨硫磺不易得。購之營中。安平兵利其賄。因竊火藥私往接濟。事發文武俱置不問。臺郡故五方雜處。時有一僧尤異。服怪飾。周游街衢。閭巷間。詭言奉天帝使來告臺民。四月杪。將有大難。難至惟門前供香案。上插黃旗。書帝令二字。可免。故其後賊至。民咸如僧言。軍心益慌。亂以爲民皆從。賊都無鬥志。臺郡亦坐是而陷。

當一貴之亂也。其黨李勇吳外等五十二人。在羅漢門外各招羽黨數百。以從。四月十九日。衆咸屯黃殿莊。遂奉一貴建大元帥朱職。自號明裔。以永壽爲軍師。晉蕩清伯銜。以師出岡山。襲劫塘汎關。岡山距府三十里。警報達。郡總兵歐陽凱集衆議出兵。時游擊劉得紫最知兵。請行勿許。別令周應龍率四百人往剿。應龍

狀魁偉。顧好大言。實則中餒。無用者。故戒其軍。兩日僅行廿里。賊掠榔林大湖各汛。把總張文學戰敗。應龍僅隔一溪。不敢救。千總陳元吳益因進謀曰。賊據小崗山位勢絕孤。將軍可以兵衝其先敵。吾二人則伏以應。攻其後翼。賊必敗。敗則殲。應龍初不欲。固強之而後可。甫交綏。應龍卽以後隊退。陳元戰死。吳益重創。伴死。陳元屍側始得脫。應龍遁歸府治。臺郡大震。文武眷屬俱宵遁。總兵歐陽凱與遊擊劉得紫率陸兵千餘。副將許雲率水師五百出筭春牛埔。翌日賊至。許雲先躍陷陣。入水師繼進。歐陽凱亦指揮陸軍以助。一貴大敗。退屯竿津林。把總陳宋單騎追之。途遇把總周應遂方被擒。縛牛車上。宋乃回身殺守卒。救之回營。而鎮標把營總黃陞忽以賊勢浩大引去。城得隙。乃返攻鳳山南路。倉卒不及援。把總林富守備馬定國以勢孤俱戰死。兵勢日削。

會水師游擊游崇功巡哨笨港。聞報以兵還。遇文武眷屬舟於鹿耳門。嘆曰。官者民兵之望。官眷遁。則人心散。大事去矣。卽登岸赴敵。其婿叩馬請區處。眷屬崇功厲聲曰。百姓死且盡。今日違知有家。遂麾衆疾馳春牛埔。與衆合。詰朝一貴軍數萬集。劉得紫率守備張成截中路口。迎敵於半路店。歐陽凱許寶游崇功則在春牛埔迎戰。戰方酣。一貴軍且退矣。有百總楊泰綽號家勇者。素通賊。又嘗以事被軍棍。至是遂乘間刺歐陽凱下馬。守備胡忠義千總蔣子龍把總林秀時方夾歐陽立視狀大怒。刺以槍。顧力不敵。又遭箭創。遂皆死。江州鎮標把總石琳率兵之臺。換班亦戰死。有王宋者憐而埋之。俄復蘇。乃與偕遁。匿他所。劉得紫聞信倉卒還救。以馬乏蹶。與張成同被執。獨許寶游崇功尙血戰。千總林文煌趙奇奉把總李茂吉從之。隻騎四

突所向披靡。殺賊幾千餘人。

自黎明至午。矢窮弓折。雲重劍逼。體隨馬步。行猶手刃。數十賊顧勢孤。無援。左手又被賊砍。遂罵曰。生不能殺。逆奴死必悉滅。汝輩賊怒。剮其肉寸寸碎。竟死。崇功單騎殺賊數十人。馬蹶亦被殺。林文煊超奇奉殉焉。李茂吉獨被執去。至南校場。見戴穆挺立岸然。穆怪其不跪。叱曰。若兵耶。曰。官穆。曰。把總微官耳。若壯士。降則以若爲將軍。茂吉瞋目罵曰。我朝廷官職在。保民豈從汝作賊。舉足踢賊案。案翻。奮力斷縛。縛前奪刀殺戴穆。穆躍避。衆舉刀共斫茂吉。頭腦破裂。猶指賊罵不已。斷其指氣始絕。死時鬚眉張如生時。辛丑五月朔日也。茂吉既死。越三日。賊復環攻諸羅北路營。參將羅萬倉。千總陳徽。把總鄭高。葉旺。分門迎敵。萬倉當其南。奮死抵戰。賊中有陳碧者。出不意。以槍刺其咽喉。張賴岳元攻二賊。乃揮刀殺之。萬倉妾蔣氏時方孕。聞敗。自縊死。陳徽鄭高。遯入山。集鄉民自保。臺郡自是悉陷。惟淡水營守備陳策。猶堅守。警報至。澎湖彭協各將將捨去。守備林亮力爭之。始止。劉得紫既陷賊。賊重其名。不殺。得紫曰。吾義不可不死。但埋諸將足矣。賊黃日昇嘉其義。許之埋。畢仍禁得紫於學宮。朱子祠。求死不得。賊與言。弗應。進食亦弗食。士民兵僧爭進粥。苦勸。輒却不御。七日仍弗絕。無何羣賊內訌。諸生劉化鯉輩因進謀。謂賊可滅。當密圖恢復。不應自棄。得紫始進食。潛結賊黨某。以待舉事。既而施藍兩師先後渡臺。至圍賊七日。督部覺。羅保滿亦移節廈門。爲犄角。以應得紫。乃詐降一貴。克期內應。城破一貴就禽。而亂亦遂平。其時永壽已早去。歸粵東爲商。至是移檄召之。永壽至。令覓向所見賊營。不可得。令往羅漢門視之。亦非。再至南路上下山谷。月餘。乃還。永壽言。

昔日如醉如夢。今遍覓無跡。想是命當受刑耳。亦一異事也。

外史氏曰。一貴之變。臺將往往以烈殉。而魏氏聖武記。輒遺去。僅及毘陽劉許三公。卽一貴始亂。亦多未詳。而茂吉以一未弁能忠勇義烈。若是記中。竟一未之及。尤未免疎漏。茲特表而出之。論者不得以臺變逃四十六人。遂謂當時將領無人也。

紀張七先生事

闕名

諸紀載家言黃匡山寨事者。大抵皆歸咎閻文介之輕聽妄殺。而以張氏爲無辜被屠戮。今讀無錫薛季懷先生青萍軒文集。乃知張氏實有通賊謀反情事。而文介之用兵。固出於不得已。季懷爲叔耘先生介弟。學道愛人。必非曲筆。清是非以逢當道之意旨者。其言固宜爲信史矣。黃匡山跨長清肥城之交。東毗泰山支麓。西直孝里鋪。當孔道。由孝里至黃匡十餘里。鳥道斗折。峻絕險峭。通人事。營衣食。以養而生者。無所爲而至此。以故山中無居民。咸同間。儀徵張七先生來居之。張七先生者。名積中。儀徵貢生。兄積功。以知州官山東殉。臨清難。家盡死。予卹。積中以子紹陵爲兄後。襲雲騎尉。捐知縣。候補山東。其宗戚往往歷官大藩。積中所與游。亦皆當世達官貴人。積中工詞章。誦說理學。結納亡命。習技擊術。方兄官歷城時。積中候詭守。高不肯入。公署然。歷城有盜警。凡招募事。輒使積中爲之。嘗曰。儒者通性命之理。將以致諸實用。臨大事。不能不濟。此迂儒非知性命者也。儒者固當達事變。湖廣總督周文忠天爵聞其名。疏薦之朝。有旨發兩江總督陸建瀛差遣委用。未幾。雷侍郎以誠黃制府宗漢。皆高其爲人。辟就幕職。然所如不合。未久。輒去。積中旣去。諸

公所則載妻子遁居黃厓。結石寨山。頗周十餘里。堅若北邑城。謂所親曰。寇至從我。士大夫游宦齊魯者。莫不高積中行。又驚其才。候補知府吳載勛等十餘人。皆攜家之。黃厓依積中。肥城長清間名讀書者。皆執弟子禮。誦四書。退思錄。云。受積中性命之說。願語秘。世莫得聞。其書之可見者。則謂易稱。后以財成天地之道。何以聚人曰財。此賢聖激發之秘旨。非估畢之儒所能曉也。從積中游者。人人皆自謂得師。晚自武定及登萊青諸郡中。奸民私衛鹽。爲盜者。往往亦著籍稱弟子。願盡死。同治四年十月。濰縣人王小華犯法。欲往依積中。不識途。誤至所謂黃家圩者。求張七先生不得。乃被吏捕。濰令固微聞。肥城長清間有立案聚衆事。訊之。小華不能言其詳。乃以其事上大府。文介時爲東撫。使候補知縣徐禕往廉之。禕因緣得至黃厓。詣積中家。入其室。圖書盈四壁。與之言。容貌辭氣粹如也。禕復命。而候補道黃良楮者。亦得積中。所致書上之。且曰。張君學道人。某固可以百口保之也。五年九月十八日。益都令何毓福臨胸。令何維堃等。捕得翼宗華等十餘人。事頗涉積中。窮詰之。微得其謀。並及陰通。洪楊。任賴。諸逆狀。時文介督師防運河。任柱賴文光謀突河防甚急。無暇究黃厓事。乃檄召紹陵詣行營。檄未至。布政使已下長清。令捕。令至山。積中匿不出。令見山中人。意態甚惡。卽微服從間道逸。而從人皆被殺。令歸。急以狀上聞。而用兵之議遂決。積中自令去。卽盡徙其人入山。使其黨焚掠旁近村落。文介閱報。飭諸將以兵疾進。十月朔。參將姚紹修首入山。賊列隘守。紹修戰甚力。賊死傷頗衆。會游擊王正起由東道至。合擊之。奪隘入。所獲旗幟號衣。皆用洪氏識號。明日。王正起壓賊寨。而軍斷其汲道。知府王成謙屯東張。分軍廣里下巴。又明日。文介至軍。以副將

王心安屯其東五眼井莊。凡諸軍屯要隘，乃絕賊間道者合萬餘人。部署既定，文介令吳載勛爲書諭積中。出載勛者，積中之表弟，亦居黃厓。莊積中稱兵，有日始脫去，載勛書既達，積中復書曰：「必約積中出者，積中出而就死耳。積中亦大丈夫也，伏劍而死，則可桎梏而死，則不可。」文介得書，尚猶豫，又爲手書諭之，終不屈。得賊謀，審知積中已飛書召武定各縣鹽梟來援，而防河諸軍亦飛報河西，揜謀度河救黃厓。文介撫膺曰：「此方民不可救矣。」乃下令以四千人進攻，賊桀石搏清師，師愈奮。姚紹修攻其西，守備曹正榜以奇兵躍崖而登，王正起搗其東，益急。紹修正起毀寨入，賊皆殊死，門短兵接，無一反顧者。積中闔室自焚，寄居之官僚及其弟子男女二伯餘人皆爲灰燼，無一人肯生降。尙存婦女幼稚四百餘，悉形色洒然，笑語如恆。問之，則皆云：「積中弟子惟求速死，從師爲快，嘻，異已！」積中反以九月二十六日至十月六日而敗。積中年六十餘，美鬚髯，儀狀甚偉。道光初，有遊士周星垣者，客揚州，講性命導引之說，聚徒至數千人，獨奇積中，盡其術授之，因亡去。及積中居黃厓，周復出，時時入山，爲其徒講學。力士前後擁護者常五六十人，旣反，諸將或得其弟子韓甲，使書諭積中出降。文介聞，召詢之，謂曰：「若無往，余恐若帥之殺若也。」甲曰：「不然，此身得爲師所殺，榮何如之？敢不行耶？」及事平，計賊衆力戰死者千六七百人，其得人心爲致死如此。寨旣克，觀其室，屋帷帳類王者，居石室如營卡者數百間，凡積中手所書記皆燒絕，惟得其弟子所錄師說一冊，中有積中手記數則，記旁近州縣村鎮爲致送軍械者，日日不絕。山東境內名捕賊歷歲月不能得者，往往匿寨中，始積中未舉事時，文介以王小華事，時時從人詢積中蹤跡，譽之者皆不容口，泊事敗，乃頗有人言其數奸猾，通髮

捻狀文介奏報。報略云。積中本無才名。祇以僞託詩書。乃至縉紳爲之延譽。愚氓受其欺蒙。來東不過數載。遂能跨郡連鄉。吸畢亡命。從其教者。蕩產傾家。挾貲往赴。生供以財。死爲盡命。實不解所操。何術。臣從前訪問官紳。無不稱爲讀書有道之士。臣自懸豐贖。實亦人心風俗之憂。餘略。積中誠一時之傑。其所爲亦未遂違公理。然彼時民權之說。尙未萌芽。且當捻匪披猖時。公然與相倡和。收聚亡命。抗敵官軍。是烏可以不剿。文介文誠。豈以人血博高爵者耶。或謂文介旌自効。十年不出。蓋頗悔此舉云。是說也。蒙未之敢信。

紀兩杯茶教匪事

闕名


咸豐季年。江蘇又有兩杯茶教匪事。民間之被其蠱惑而相率以死者。亦數千人。然鄙猥荒幻。蓋卽拳匪之濫觴。以視黃匪案。殆不啻庭之與楹矣。初江北之裏下河附近。有教曰兩杯茶者。始創於某寺僧。僧死。傳之廣陵人。聲廣大。而通州人黃朝陽。茅廣福等。次之。受戒誦經。斂財醫衆。愚氓爲其所惑者。至數千人。然志僅在釀錢而已。未嘗有謀叛意也。狼山鎮標兵陸家升及陳某者。爲人頗桀。鷺己以戰功保五品銜。食雙糧矣。猶未滿欲。求爲百夫長。鎮將抑之。遂怏怏懷怨。望潛濟江。通款髮逆。陳通州可取狀。願爲內應。髮會難之曰。吾爲若輩愚屢矣。果誠也。當自取通州來獻。以堅吾信。陸陳慨然諾。既返。計無所出。或謂廣大輩得衆心。且富金帛。可圖之下。因資其力。及詣廣大。大爲言髮匪旦夕且渡江。若輩宜自爲計。衆大懼。謀教避。淮北陸曰。無畏也。吾夙與彼中大會。某交莫逆。誠人出千錢者。吾爲購太平票萬張。粘之門。兵至可無擾也。朝陽信之。爲致書諸教首。釀錢如數。以付陸。陸審其易與也。則又曰。洪王甚仁。墨統一字內反掌耳。諸公欲富貴者。盡及

其○未○來○先○謀○自○結○之○策○今○金○陵○方○開○捐○能○捐○萬○錢○者○尙○書○可○立○致○卽○千○錢○亦○不○失○朝○將○空○白○告○身○在○吾○所○有○志○者○幸○毋○自○誤○衆○愈○惑○之○爭○出○金○錢○捐○僞○職○逆○筭○遂○徧○通○境○實○皆○陸○陳○僞○爲○之○賊○中○固○不○知○也○陸○陳○雖○獲○賈○巨○萬○顧○無○所○糾○合○徒○衆○則○復○揚○言○曰○洪○王○將○北○取○燕○齊○顧○兵○力○尙○虛○不○足○但○制○挺○相○從○卽○天○兵○也○他○日○中○原○底○定○皆○錫○爵○五○等○稱○功○臣○矣○宜○家○置○旗○一○槍○一○以○軍○法○懲○齊○之○爲○將○來○從○軍○計○朝○陽○頗○內○意○猶○豫○曰○告○身○名○節○尙○可○秘○藏○之○不○令○人○知○今○公○然○屯○器○械○列○行○伍○有○司○聞○之○禍○亦○族○矣○陸○與○陳○皆○變○色○曰○君○不○從○吾○亦○弗○強○且○夕○大○兵○北○渡○誅○不○用○命○當○首○及○公○等○其○勿○悔○朝○陽○乃○與○廣○大○廣○福○等○謀○終○疑○不○決○陸○慮○爲○罪○所○覬○乃○更○危○言○以○刦○之○曰○君○等○已○受○僞○職○卽○叛○逆○之○鐵○證○吾○拚○一○身○死○首○之○官○孰○得○免○者○衆○始○大○窘○亟○戰○栗○謝○曰○非○不○相○從○慮○南○軍○不○果○至○耳○陸○曰○是○無○慮○否○可○引○君○等○謁○洪○王○與○之○要○約○乃○昏○夜○僭○渡○江○詣○福○山○守○將○其○酋○盛○筵○款○之○翼○日○送○至○金○陵○秀○全○召○之○入○見○溫○語○諒○良○久○留○十○餘○日○始○偕○返○於○是○教○中○人○始○堅○信○之○買○糧○戍○械○駐○隊○軍○山○將○以○五○月○十○四○夜○攻○州○城○城○中○文○署○吏○役○營○汛○弁○兵○什○六○七○皆○教○黨○謀○者○布○街○衢○州○牧○鎮○帥○夢○夢○弗○知○也○十○二○日○朝○陽○下○令○戶○輸○錢○五○百○助○軍○裝○南○沙○董○事○某○以○無○故○斂○錢○詰○之○朝○陽○怒○曰○此○何○時○汝○等○猶○自○大○耶○徑○率○衆○焚○其○廬○某○教○入○城○告○變○官○吏○始○大○震○然○猶○謂○鄉○民○偶○騷○亂○焚○劫○不○意○其○大○舉○謀○反○也○貪○狼○山○某○寺○僧○中○夜○聞○槍○聲○起○視○之○則○軍○山○上○旗○幟○蔽○天○燈○火○耀○如○白○晝○呼○嘯○聲○終○夕○不○絕○亟○走○問○道○至○城○告○急○州○牧○某○素○稱○有○幹○才○立○命○閉○諸○城○門○嚴○守○禦○而○札○飭○諸○董○董○禽○首○事○者○賊○衆○實○烏○合○不○知○戰○鬥○何○事○捕○者○至○悉○潰○散○盡○繫○其○首○逆○諸○人○以○獻○及○職○名○錄○一○冊○按○籍○名○捕○無○得○免○者○其○官○職○悉○用○鬼○神○封○號○有○稱○都○天○靈○官○者○有○稱○元○帥

真君火神龍王者各從所好而朝陽則稱玉皇上帝其妻稱玉皇娘娘被拘皆神色夷然不刑自承或憐而飼以肉食則合掌謝曰頃刻便升天矣何苦以葷食累我重被滴平諸犯悉就決惟朝陽妻尙縹署前大樹上見州牧過則大言曰吾諸臣已歸位玉霄尙虛左待我羈我凡間胡爲者削手牽之去乃大喜其愚至此抑可悲已廣大遁至秦州被禽卽磔於秦州市朝陽攜其子逃甫出境亦被獲誅朝陽而宮其子發東省給披甲人爲奴事既定大吏騰章入告州牧之擢蘇州守鎮將及諸紳董皆敘功有差




吳 江 柳 氏
捐 贈 圖 書



稗史秘笈
紀兩杯茶教匪事



一八八



上海图书馆藏书

大字精印舊小說七種

本紙繪圖三國志演義

定價三元

本紙繪圖水滸全傳

定價二元

本紙繪圖西游記

定價二元

詳註繪圖聊齋志異

本紙定價二元四角
洋紙定價一元四角

鉛版繪圖列國志

定價一元六角

足本繪圖石頭記

定價二元

足本繪圖九尾龜

定價一元四角

總發行所

交通圖書館

●分館蘇州觀前街 ●鎮江日新街特約發行所

及各省各埠各大書局均有出售

中華民國六年八月一號初版

(名著小說一千種第六類)

(唐宋元稗史秘笈全一冊)

(定價大洋六角)

搜輯者 姜俠魂

發行者 交通圖書館

分售處 外埠各大書局

版權所有

總發行所

交通圖書館

上海交通路

蘇州觀前街

